

宜北縣志


李志題

宜北縣志

一九
一月

宜北縣志

李題志



國立陽明交通大學

圖書館

分類號 ±915.0131
 1012

登錄號 11344

總 理 遺 像

革 命 尚 未 成 功



同 志 仍 須 努 力


總 理 遺 囑

余致力國民革命凡四十年其目的在求中國之自由平等積四十年之經驗深知欲達到此目的必須喚起民眾及聯合世界上以平等待我之民族共同奮鬥
現在革命尚未成功凡我同志務須依照余所著建國方略建國大綱三民主義及第一次全國代表大會宣言繼續努力以求貫徹最近主張開國民會議及廢除不平等條約尤須於最短期間促其實現是所至囑

MG
K296.74
6

宜北縣志目錄

宜北縣志	目錄	題字	凡例	省令	序	題名	插圖	第一編 地理	全縣疆域圖	疆域沿革圖	疆域沿革	地勢概況
------	----	----	----	----	---	----	----	--------	-------	-------	------	------



宜北縣志 目錄

山陵

川澤

津梁

關隘

氣候

古蹟

名勝

第二編 社會

民族

姓氏

方言

風俗

戶口

職業團體

慈善事業

社會問題

第三編 政治

行政區劃

行政組織

教育行政

實業行政

財政

警政

建置

祀典

倉儲

宣北縣志

目錄

宜北縣志 目錄

自治

兵防

寇警

第四編 經濟

產業

交通

水利

貨幣

第五編 文化

文化起源及變遷

學校教育

社會教育

宗教

第六編 人物

官職

科第

貢途

選舉

保舉

畢業

仕宦

忠義

孝友

節烈

流寓

第七編 文藝

宜北縣志

目錄

宜北縣志
目錄

文部

詩部

第八編
雜記

軼聞

異聞

災患

文化溯源

雷殷題



文

獻

足

徵

尹承綱題

凡例

- 一、本縣縣志內分地理社會政治經濟文化人物文藝雜記八編・十。目
- 二、本志辦事處成立經縣呈奉 省府核准在案今以令文列入篇首
- 三、地理編記載疆域沿革地勢概況山陵川澤津梁關隘氣候古蹟名勝之類
- 四、社會編記載民族姓氏方言風俗戶口職業團體慈善事業社會問題之類
- 五、政治編記載行政區劃行政組織教育行政實業行政財政警政建置祀典倉儲自治兵防寇警之類
- 六、經濟編記載產業交通水利貨幣之類
- 七、文化編記載文化起源及變遷學校教育社會教育宗教之類
- 八、人物編記載官職科第貢途選舉保舉畢業仕宦忠義孝友節烈之類
- 九、文藝編記載文詩之類
- 十、雜記編記載軼聞異聞災變之類
- 十一、本志由民國二十五年八月編起至二十六年元月底完成
- 十二、本志編輯人少難免聖滯尙冀後賢補紀

宜
北
縣
志

凡
例

省令 一

各縣政府均覽查縣志爲一邑文獻所關舉凡歷代制度之變遷地方之沿革文化之演進民生之需要在在可供施政之參考他如謠言懿行之記載尤足以垂勸戒而示來茲現查該縣縣志尙付缺如應即委聘通儒從事修纂限期完成除分電外卽遵照籌備擬具預算並參照省志綱目及調查方案斟酌地方情形從事編訂一俟竣竣仍將志稿先行呈候審核方准付印併飭知照省政府主席黃寒民印

中華民國二十五年三月三日

宜北縣志 省令

一〇

省令 二一

廣西省政府 指令

民字第四三五九號
民國二十五年六月十八日

令宜北縣政府

據二十五年五月聯代電呈送縣志辦事處組織章程及調查綱目職員姓名表請核一案已悉查核各件尚無不合應
准備案仰即督促進行務須依期完成并將志稿呈候審核再行發還付印此令

主席黃旭初

序 一

志者誌也所以紀一縣之文獻而備考鏡者也所有應誌事項雖不如史之詳然其爲徵信之書則一也宜邑僻處邊隅位於本省之極北在遜清末葉原歸思恩管轄嗣因傳黃劉賴等游匪自外竄入盤踞滋擾乃由前思恩縣令譚鄰華電請上峯派兵洗勦並詳陳本縣有分設廳治之必要於是安化廳遂以設立而將思恩屬之上北里劃歸統治迨民國改元改廳爲縣名曰安化二年又改爲宜北既無志乘亦未議編迄二十四年八月 奉委斯邑感已往人文情狀之未諳風土習慣之不悉以及厝憲暨各區迭函索志以資參考益知宜北縣志之編纂刻不容緩爰遵省令分別擬具縣志纂輯辦事處組織章程連同預算及職員名冊送呈 省憲核備一面參照省志綱目及調查方案斟酌地方情形函聘縣紳覃玉成爲總纂員莫子榮莫紹祖二員爲贊纂兼采輯員由二十五年六月起辦限期半年編纂竣事嗣以事屬創舉工作繁忙恐非少數人所能采訪完備復又呈請 省府准於原定員額之外再予增加采輯員二人以期如限完成而免遺漏茲志稿已脫內容體例雖有一小部份係仍前隸思恩之上北里舊志抄襲誌人者然皆取其敘述簡賅不尙空泛以期翔實至其他事項概根據檔案及各采輯員之實地采訪以爲編撰 堪稱詳盡明確確此亦各編纂員之熱心努力有以使然也 不敏奉命監修特謹述其始末而爲之序俾後之人循是而知其梗概益相努力而求進步則幸甚焉

告

中華民國二十六年元月

日邑寧李 志謹序

序

縣之誌國之史也史與誌名雖異事實畧同吾宜自漢時登入版圖原隸思恩永安半甲及馴駐里三里五洞之一隅耳清光緒三十年政府失馭叛兵游匪蜂起爲患利害地關隘險要易守難攻盤據其間與政府作難思恩縣令譚鄰華奏請省憲派兵勦洗上乃調滇軍龍觀察濟光本省張統領德貴陸統領榮廷會勦削平匪亂譚令謀永久治安計三十一年復奏清廷劃分五洞三里馴駐里及永安半甲爲一治上准奏委雷公文錦倡設衙署定名稱爲安化理苗撫民分府民國元年革命反正改稱安化廳民國二年改稱宜北縣此成立縣分之原起也然對於縣誌一事付之缺如民十九省府頒令修誌崖老先生參天從事採輯忽人亡事變誌未成篇民二十一年蒙老先生達甫與莫君桂五曾任修誌呈報省府猶未核准付之印刷縣誌之難例如斯也本年八月間玉成忽奉縣府聘爲纂輯縣誌總纂承命之下汗流浹背夫以博學老成經驗豐富如崖蒙政諸前輩尙難於其事玉成何能何才而敢肩此鉅任耶以是而辭多次不蒙許可勉任其艱卽函訪崖公裔本參閱待其一二蒙公抄本作爲根據然均略而未詳爰與同志莫君桂五莫君紹祖磋商商茲事體大非旁搜博訪焉能濟事吾等分担責任莫同志桂五調查城廂中和兩鄉莫君紹祖調查治安崇輿兩鄉玉成調查馴洛道安兩鄉猶恐耳目有限會議呈報縣府添聘黃君鳳翔覃君煇炎爲采輯員集思廣益以期有成諸凡地方耆紳有一言足錄一事可采者逐日登記積日累月漸形頭緒如地理人物山蹟川澤古蹟名勝等類分編纂輯歷三月始草成二摺均根據實事看筆玉成學淺識疎毫無文墨足資觀采尙望通儒君子大加修飾潤色成爲完璧俾吾邑偏僻之區得與通都大邑同登史記庶縣之誌猶國之史也宜北縣纂輯縣誌總纂覃玉成謹序

序 三

聞嘗涉閱史記見夫歷代以來治亂興衰變遷沿革各國各省各縣均有志書可考故曰儒生不出戶廷能周知天下之形勝者也縣無大小皆宜有志全縣之概況方能了然即如日有鐘錶明開之早晚始知也人有相片貌之妍媸始見也縣志不誠重要哉考查吾邑向隸思恩清季光緒末年因匪亂頻仍疆長莫及縣長譚鄰華詳請大兵會勦隨辦清鄉治不忘亂又會同觀察龍濟光統領張德貴清鄉周向兩委員詳請分設治劃劃思邑十分之一并移德勝安化理苗撫民分府作為分治蒙憲核准光緒丙午徵委青文銳攝家斯士建設衙署始曰安化廳繼改宜北縣吾邑因匪新設與中渡縣同時而成也氏十政變後縣城幾經兵燹卷宗盡付祝融政治不堪設想縣志未遑問及至民廿二縣長雲軒奉省訓令飭修縣志雲任函聘蒙公貫通兼聘子榮同為縣志采輯員蒙公耄期倦於勤僅子榮一人實難勝任屢辭不允勉盡義務吾邑新說文賦概不足徵着手進行無所依據只得與采訪員莫君鴻門下鄉調查巡問全縣父老雖一知半解斷簡殘碑逐事筆記不遺餘力草創纂輯按期呈報惟縣志事大手續繁難獨木不林為山虧贊誠為當地憾事越廿五秋復奉縣長李提倡續修下函重聘以覃君玉成為縣輯總纂莫君紹祖及子榮為縣贊纂之職自維殘牙難吃紅綾老驥終當伏櫪意欲避席推讓賢能因迭蒙器重充國雖老再事戎行以襄盛舉迴憶前次調查不無遺漏會同兩君分鄉工作或遊歷邑內延訪或向思友抄錄舊本各依調查所得照日纂輯彙編成編經半載而始脫稿鳴鶴雖小肝胆俱全魯魚能分耳日有限畧疎窺豹不惜縉貂繕呈卓裁以付刊印俾彈丸新設附列史乘之末庶縣之前後概況一望而知不啻日之有鐘錶人之有相片矣設有起而問曰宜北縣志修成是誰之力僉曰我縣長李公志為縣志之領袖若輩為縣志之耳目也榮也不佞謹序附後以待後之學者

民國二十六年元月

月

宜北縣纂輯縣志贊纂清附貢生桂五莫子榮謹序

宜北縣志序

一三

序 四

竊維國有國志省有省志縣有縣志而各縣皆有志豈宜北獨無志者乎時於民國二十五年丙子之秋省令倡辦縣志適祖忝列本縣表證中心校教席復奉李縣長以纂輯縣志贊纂職見聘自問學淺以不勝辭未獲允乃勉爲其難恐致貽誤乃辭去教職專理志事以期於成猶幸有李縣長及覃公玉成莫公桂五諸長輩隨時歷教步諸公後不致迷津溯邑向隸於思恩分治甫卅餘年志乘未泐無從考證草創之始着手甚難祖生也晚見聞未深乃與諸公分途下鄉采訪旁蒐材料詢諸邑吏畧得梗概遂逐編紀載事求確實不涉浮泛謹依綱目內分地理社會政治經濟文化人物文藝雜記共八編祇以設縣未久弗有悠長歷史從事編纂半載乃成宜北縣志由此而產生也於是集訂成帙呈核後付之剞劂維縣志一事邑中文獻所闕但編纂人少采輯未周其中不無遺漏難免遺笑方家繼後賢才輩出英俟半與尙翼後賢補其不備垂諸久遠是爲序

民國二十六年元月三十日宜北縣纂輯縣志贊纂廣西行政研究院畢業德裕莫紹祖謹識

纂輯宜北縣志各員銜名

署理宜北縣縣長兼監督

李志



總纂前清附生前充民團局長區長

覃玉成

贊纂前清附貢生前充宜北縣勸學所所長

莫子榮

贊纂廣西行政研究院第四期畢業會充宜北桂林縣政府科員

莫紹祖

宣
北
縣
志
序





像肖志李長縣縣北宜



總纂覃玉成肖像



贊纂莫子榮肖像



贊纂莫紹祖肖像




第一編
地
理

宜北縣圖




例 圖

河	要	鄉	村	未	已	土	石	壩	村	鄉	縣	鄉	縣	省	已
流	路	路	路	山	山	市	所	所	治	界	界	界	界	界	話
人				○	●	△	☆	□	—	—	—	—	—	—	—




民國二十六年三月二十五日

縣 府 圖



縣署圖



疆域沿革

縣屬地居西鄙與貴州南蠻地接壤秦以前爲夷戎地漢時征蠻將軍馬伏波平蠻亂始入版圖爲中州地唐置普州宋元年置安化州於永安後歸併思恩畚城基址至今猶存光緒三十一年因游匪徐大梁桂才踞其地爲巢穴守攻思恩時縣令譚鄴華詳請上憲派軍隊龍濟光張德貴兩統領會同副平舉辦清鄉後奏請劃分思恩之永安場駐三里五洞等地作爲縣治移德勝理苗撫民分府來此鎮懾民國元年改爲安化廳不期年改稱安化縣民國二年改曰宜北縣因其在宜山之北故也

縣境四至：（東）自縣城東路至朝上均係與羅城三防區接界計八十里（西）西至堯道隘與貴州荔波縣境接界九十里（南）南至馬口洞隘與思恩縣太安鄉肯甫接界六十里（北）北至堯洛村與貴州荔波縣坤地里接界九十里 東北隅至肉脚均一百里 西南隅至永安現床隘與思恩傳溪鄉地蒙接界七十里 東南隅至月亮均與天河縣接界八十里 西北隅至下海六鉄均隘八十里東西廣一百八十里南北袤一百五十里方位居本省之北部邊地縣治當北緯二十五度六分東經一百零八度七分

地勢概況

地連大勢西北高而東南低西北多山東南多平原地勢使然縣境位居省之北部與貴州之黔南地方接壤東西相距一百八十里南北相距一百五十里其山脈分爲左中右三大支左脈發源於貴州下江縣第四區橫轉過肉脚均倫洞

均折入朝閣村蜿蜒而下成高岡形直入廣容二墟雅隆七墟梁洞四墟一帶古昔稱爲上里卽今之治安鄉又一支過安馬山九朋均高隴間有村民居之下爲平地則有中里八墟古稱中里卽今之崇興鄉上部再接而下綿延數十里爲貓洞鴨拐洞月亮坳山脈下爲平原則有久懷墟古稱下里卽今崇興鄉下部光緒三十一年分思恩一部置宜北縣立界碑於大海村前僅下里之半額中脈由貴州荔波縣九千里地方過平爲尾嶺拗入縣境大抵廠地伏平坡然起一座天然石橋形如拱橋又名爲龍橋由此過峽則換成高山嵯峨萬狀形如鋸齒經過幹洞入邦洞九晒才院等村直到建洞卽今之縣治城廂鄉昔稱五洞上額又傾而下則爲強洞莫洞甘洞莪洞茶洞常洞等村卽今之中和鄉古稱五洞中額向右轉則爲鹿洞卽馬口洞界直下思恩縣境古稱五洞下額現鹿洞劉歸道安鄉管轄故前有五十二洞之名也右脈由貴州荔波縣境水爲坤地則渡豚入縣境之堯洛堯旺至馴駐九墟下平原古時爲馴駐里今稱馴樂鄉又起高山過下海六墟直到永安九墟下爲平原一帶古稱永安甲卽今道安鄉復起大土坡入思恩縣之地蒙中視等村上述山脈之概況也 宜北之水有二小河一曰左江河卽三里河其源頭由貴州下江縣百州地方而來經過廣容二墟雅隆七墟梁洞四墟中里八墟久懷五墟加刷墟入思恩拉友瀾門厥過宜山屬瀾考安馬直達懷遠鎮與右江河會合一曰右江河卽馴駐河發源於貴州荔波縣境入縣之堯旺堯同至馴駐九墟下海六墟永安九墟入思恩江口甲過思恩縣城環江河直達懷遠鎮與左江河會合成爲雨水交合左江河灘稀水順舟行頗便商民航運獲利甚豐右江河灘險水急無異虎背之狀航運甚難商民視爲畏途總之宜北地勢中部多山而隆高左右兩部土嶺而稍低中部田地瘠薄左右兩部田地肥沃而童山荒嶺舉目皆是

山陵

玉柱山在縣城之東門高聳插天形如玉笋山下有岩岩裡有石人如佛拱立故名曰佛建巖

鳳凰山在縣城之東南方高山崇隆狀如鳳凰故名曰鳳凰山

崑崙山在縣城之後背數峯相連軒昂清秀明倫街人曾就此築寨而居以避匪亂

翠微山在縣城之西南約近半里才西村背山形秀雅昔盧公凌霄建築塔垣開餉押於山頂經數十年亦名曰當歸山

爲附城之唯一勝景公務人員時常於公餘時間登山游玩

小倉山在城隍之梅林村距城約二里在高山落下平田起成小山形如倉庫秀麗可愛時縣長薩武功令飭梅林村民

建築砲樓於其上

獅子山在城隍之相堯村距城約三里四面皆石山高聳環圍獨是山突起田洞中間純是土山高約二十餘丈形如獅

子頭尾顯成現建築砲樓一座於其尾部

白象山在城隍才院村距城十二里才院村人聚居山下山勢秀麗形如渴象飲泉因名曰象山山腰有岩曰小桃源岩

向稱勝境

鴈鵝山在城隍相堯村小學村後距城約五里山峯巖峻形勢雄偉其形如飛鵝巍峨雅秀

安才山在城廂相堯村小學村前距城約五里圓巒土山形如朝冠老松蒼翠雜樹不生夏天就此避暑涼爽異常

將義山在中和鄉袁山村距城約十里前人覃公學明建築城垣三匝僅有一路傍崖而上山頂可容百戶人居之有塋

水可供數家需要城垣舊址猶存

巴帽山在中和鄉英豪村距城二十五里山巔凹下成一塊平地形如帽盒故名帽山附近村人曾於此避匪險固可恃
文豹山在城廂鄉李花村距城約十五里山上有畝地一畝可種玉米年收約千斤李花村人曾構築茅屋於此避匪尤

有奇者上有清泉一處水由石罅中湧出清澈無比

白皓山在治安鄉梁新村距城約三十里石壁削立屹然險固附近村人處此避亂

武旗山在治安鄉龍岩村距城約二十里形如軍旗勢甚雄壯樹於板仁村前山頂儼如旗尖人莫能到惟鳥可隳

三峯山在治安鄉三峯村下料村前距城二十里三峯併立形如春筍秀麗可愛（詩詳詩部）

三妹山在崇興鄉爲才村背距城二十五里巔巖高聳達數百仞才爲村人構建茅屋於其上處避匪焉山附脚有童山

三重秀嶽可愛昔人常見美女三人在此歌戲遠視之則可見就近之而烏有矣故名曰三妹山曾有人題詩

（詩詳詩部）亦無稽之神話耳

衙山在崇興鄉中里八距城三十五里山形木星有冲天蟠踞之勢高壓中州亂時各村就此砌石爲城藉以避匪

鷹山在崇興鄉中里八板交村前形勢懸崖下有河流與才交坡同爲中州之門戶鎮鎗

振鐸山在中和鄉虎榜村距城約十八里山勢嵯峨四面懸崖僅有一路可通附近村民起造茅屋避亂於此

茶山在中和鄉百祥村距城十六里茶山村人在此築城起屋居之避亂甚爲堅固
金獅山在崇輿鄉下才村背距城二十里形勢雄偉如獅子人就此築寨避匪焉

紅山在馴樂鄉全安村距城六十里石壁削立色形通紅故曰紅山山脚有煤礦甚多土人挖取以爲燃料及造煤罐煤
鍋發賣頗獲利益

文榜山在道安鄉腰洞對河右邊橫列如出榜文山尖似文筆半山有泓水四季不竭內有紅鱗魚一雙約重二兩庸俗
之夫視之不見每出排列而游不先不後昔韋紹前韋紹伯兩貢生登山遊覽偶而見後人雖覓亦不之見後貢
生韋乙佩登臨亦一見者想此關於文人之兆也昔稱神魚(按該神魚係蘆邑人傳說殊不足信)

仙峯山在道安鄉雅脈村之雅琴河邊直立如笋山中有岩昔人曾遊岩內見有裝滿金銀之箱子數個可見而不可取
若強取之則岩口封閉前人相傳今未之信也

岬印山在道安鄉永權村距城四十里下城村背高插雲霄登臨遙望江口洛陽思恩涼亭盡在目中咸豐年間騷亂光
緒年間匪亂村人在此躲避均保無虞

文筆山在城廂堯村小學里左邊形如文筆秀雅異常村中秀士世代綿延蓋亦應也

龍角山在城廂李花村距城二十里自高山落脈平坡突起石山兩峯並峙如龍角形故得名

安馬山在治安鄉遂科村平岡中聳起石山如馬形地居衝要土人居之藉以避匪

川澤

縣屬河流有二一曰左江河一曰右江河左江河即前之三里河右江河即前之馴駐河

- 一、左江河由貴州下江縣邊境百州地方過肉脚坳數小溪經達洞黃種村至廣容村與九有溪合流水勢漸大可通小舟復經隆道達忙溪雅隘七墟殘洞梁梁洞四墟達科溪數水沖流漸深漸廣貫下板廨一墟加達關溪中里八圩加地芽溪久懷五墟加達綠溪沖流過加刷一墟流入思恩屬拉友瀾門廠至宜山屬刺者安馬等處直到懷遠鎮與右江河會合沿河之小商民自製木船運貨上下因河水淺每船僅載重葦二千斤左右地方平靖人民可據此河爲謀生之路徑

- 二、右江河由貴州荔波縣九千苗地方發源入縣境堯旺堯禾堯同等村至馴駐九墟有數溪合流可通小舟接順而下經過下浦下海六墟流過腰洞下芒肯任永安等處而入思恩屬之地蒙中襖等村與社村江朝北水會合通過思恩城環江直下到宜山懷遠鎮與左江河會合惜右江河灘險水急舟行不便冬季水涸尤爲難行故此河少有商船耳

龍潭 在城廂之南二里龍潭村邊上面溪水由高墜下約五丈許水如瀑布下面爲潭深莫能測潭面寬度縱橫約十餘丈清幽無比兩岸樹林青翠潭內巨魚甚多每有漁子垂釣獲利頗厚

吉潭 在中和鄉峨山村距城十二里水色綠幽深數十丈村人每利用之以爲糊場引水灌田之用

益潭 在中和鄉英豪村距城二十五里岸高水深不能引以灌溉祇是天旱太久見潭內起濤則爲雨之兆耳

安橋潭 在城廂鄉相堯村小學里安橋山脚距城約五里潭水清澈深不可測經天久旱久雨亦弗稍涸蓋昔人常開旱

牛在潭角鬥水浪湧騰並且產魚甚多又潭側有大樹一株山主將樹售人擬次日砍伐當晚其樹無風自拔帶枝連根捲入潭中今尙見焉

丹京潭在道安鄉永安村莫累里路邊潭內多魚漁翁在此垂釣獲利不少

才求潭在城廂鄉李花村附官河上面距城約二十里潭面約寬十丈冬不涸夏不溢水色綠幽常見多魚人莫之捕

漢衙潭在崇興鄉中里八墟距城約三十里係左江河之中部潭深莫能測產魚甚多漁翁視此爲利藪潭傍巨石大如

谷倉於前數年忽自反身

潢濠潭在崇興鄉久懷五墟刺樓村前距城三十五里潭深無比巨魚無數漁人就此捕魚獲利甚豐

潢敷潢結潭在達近村右上方距城約十里潭魚甚衆係小學里人承租營業

津梁

板連渡在治安鄉板連村前距城四十里與廣容墟隔河

雅隆渡在治安鄉雅隆村距城三十五里與雅隆墟近岸

板平渡在治安鄉板平村距城二十里離梁洞墟半里

才椒渡在治安鄉才椒村距城二十里離梁洞四墟約一里由縣城達治安鄉之馬路經過此渡口

下料渡在治安鄉下料村距城二十里

板兩渡在崇興鄉板兩村距城二十里當板兩一墟碼頭由縣城達崇興鄉之馬路經過此渡口

衝潭渡在崇興鄉中里八墟距城三十里

板冒渡在崇興鄉板冒村距城四十里離大貢五墟約半里

久懷渡在崇興鄉久懷村距城四十里離大貢五墟約一里

喇駐渡在喇樂鄉板連村距城七十里離喇駐墟約半里

加勛渡在崇興鄉加勛村距城五十里

下海渡在道安鄉板榜村距城八十里

雅脈渡在道安鄉雅脈村距城六十里

永安渡在道安鄉下城村頭距城六十里離永安約二里經過此渡即到思恩屬地蒙一帶

吉林大拱橋在城之南二里用石砌成甚爲鞏固往中和鄉下思恩縣必過是處清時盧公與全解囊自造橋面距水高

五丈餘

中河拱橋在中和鄉英豪村中河對面距城三十里用石砌成兩拱相聯下思恩縣必經之路清代前輩捐款建成橋面

距水約三丈餘

遠近拱橋在中和鄉學強村距城十五里用石砌成寬約丈餘清代莫如勤刺史倡首捐資建成橋面距水約五丈餘

托洞拱橋在城廂鄉托洞一墟距城十里用石砌成清代貢生莫如謙之父莫揚彪出資建造橋面距水約三丈

相堯拱橋在城廂鄉相堯村距城五里用石砌成清代建造倡首人無可考距水約三丈

天然拱橋在馴樂鄉城王村距城六十里天然一石聯成橫於溪上與人造之拱橋形勢無異治安馴樂兩鄉往來必經之路距水約三丈餘又名曰龍橋

才西平橋在縣城西街尾用石板砌成橋面寬約三尺長約三丈清代才西村先人捐資倡造離水約三尺

下建平橋在城廂鄉相堯村下建溪距城約八里用石板砌成橋面寬三尺長約二丈離水約一丈清代小學村先人莫公大成解囊自造

上花上平橋在中和鄉上花村右上方距城約十二里橋面寬約三尺長約十丈離水約三尺用石板砌成清代上花村

先人倡首捐資建造

上花前平橋在上花村之前面距城約十三里用石板砌成橋面寬約四尺長三丈餘離水約一丈清代建成倡首人失考鷹山平橋在中和鄉上花村之左前方距城約十四里用石板砌成橋面寬三尺長約十丈離水三尺清代建成由城往

治安鄉梁洞四墟由此而過

上花下平橋在上花村之左前方距城約十四里用石板砌成橋面寬約二尺長長約一丈餘離水四尺清代上花村人

莫廷顯之祖先建成由縣城往梁洞四墟必經之第一渡橋

李花平橋在城廂鄉李花村前面距城約十五里用石板砌成橋面寬三尺長約二丈餘離水約八尺清代李花村先人

倡造

讀洞平橋在城廂鄉才帛村距城約十二里用石板砌成橋面寬三尺長約二丈離水約五尺人名失考

關隘

縣境之關隘現分爲縣隘鄉隘兩種縣隘卽縣之邊境與鄰縣交通之隘口鄉隘卽各鄉之隘口也

一、縣隘

月亮坳 在崇輿鄉日興村距城約八十里其地山深林密向爲匪藪伏莽搶劫往來客商視爲畏途亟宜注意過此卽

天河縣境

朝上坳 在崇輿鄉標山村距城約九十里均爲長形古有上七里下八里之語綠野荒涼匪恆潛伏行劫商民視爲畏

途過此卽到羅城縣境大仁岡直達三防區焉

久朋坳 在治安鄉達科村距城約八十里山峯重疊森林蒼翠過此卽到羅城屬三防區旺洞一帶商民經此亦被匪

搶焉

倫洞坳 在治安鄉朝閣村距城約一百里均地陡高有四季不斷之烟霧清代有湘之客民開荒雜居茅屋零星過此

卽貴州下江縣境刺疇陰洞等處昔有卡房今圯無存

肯徒坳 在治安鄉黃種村距城約八十里過此卽貴州下江縣屬黎洞一帶

肉脚坳 在治安鄉黃種村距城約一百里均地長形高約三里現築砲壘防禦過此卽貴州下江縣屬達才達榜等村

而到幸便坳更向前進直達榕江縣普稱古州

尾嶺坳 在馴樂鄉長北村距城約一百二十里坳地險峻僅容一人一騎過此即貴州下江縣生苗之地

谷砂坳 在馴樂鄉康甯村即前之堯洛村距城約一百里過此即貴州荔波縣毛難地方往荔波城必經此地

鉄坳 在道安鄉長治村距城約一百里坳境高聳上步約五里方達平頂古有城門爲界前人於坳脚開辦鉄廠因

名鉄坳過此即貴州荔波在往荔波縣城經過此路比較爲直

現床坳 在道安鄉永安村距城約九十里地乃土坡而隆高坳脚立有宜北界碑過此即思恩傳溪鄉地蒙洛陽一帶

爲思宜交通孔道縣道電桿經已啣接

可墨坳 在道安鄉鹿洞村距城五十餘里過此即思恩縣傳溪鄉中瓦中田等村

羅嶺坳 在道安鄉鹿洞村距城六十里坳地爲針長形過此即思我傳溪鄉江口村大溪八村

馬口洞 在道安鄉鹿洞村距城六十里山綿數里路狹而陡樹林茂密單行頗懼清代莫夢弼起義舉事省方調蘇提

台元春督兵進剿莫據險抵抗戰于其地相持數日蘇覓嚮導人引路繞道中瓦村登可墨嶺背擊莫敗而

潰蘇軍得以長驅直入稱爲要塞此路原爲思恩宜北兩縣交通要道馬路經已開闢電話亦已架設啣接慶

遠區部

才四坳 在道安鄉鹿洞村距城六十里與思恩太安鄉平所村交界坳長二里許

達臣坳 在崇興鄉日新村距城五十里過此一路可通天河一路可通思恩拉友河邊一帶民十政變而後在十年當中

此地盡爲匪國迄民廿二年以後勦平肅清

二、鄉隘

東門坳 在縣東一里會建築哨壘一座此路通治安鄉梁洞四墟經開鄉道

雲梯坳 在城廂李花村之左下方距城十六里一名樓梯坳壘屋爲路險要異常上面山高接雲下面崖懸千仞路寬

四五尺人馬通走清代李花村貢生真公汝漢之子附生真禦繼續工程約衆鑿石爲梯計約百餘級防禦工事固莫逾此是路可通梁洞四墟廣容二墟

建若坳 在上花村前方距城十六里清代建築石城防禦匪患

建丁坳 在上花村左前方距城十六里清代砌城哨重先後匪亂村人聚居其間據爲防匪要案寨中清泉湧流四季

不絕地略平坦往來稱便此路可通治安鄉梁洞四墟今修築鄉道架設電話貫過其間與治安鄉公所啣接

建哨坳 在上花村右前方距城十五里砌有石城防禦匪患曾經在此建築哨壘故名之此路可通中里八墟

下禁坳 在中和鄉學義村距城十五里昔日會建有石城以防匪患此路可通中里八墟經開鄉道名曰宜崇馬路

貫過其地架設電話通崇興鄉公所

涼風坳 在治安鄉龍岩村背距城約三十里前代築城防匪據爲險固光緒二十八年匪幫賴文標由此攻入圍兵截

堵匪不敢犯

敏洞才巧坳 在城西二里會開關縣道由此經過即到賴洞而達永安更進而到思恩屬地蒙洛陽一帶直至思恩縣

城電話亦由此經過啣接思恩

三木坳 在城廂鄉文臣村距城二十里光緒三十二年譚縣令鄒華親履其地建築砲樓一座以防匪患此路可通永安

司膳坳 在城廂鄉龍水村距城十五里此爲通馴駐九墟之要道曾開關鄉道并安電話

貓鼻坳 在馴樂鄉翠山村屬下幹地方距城三十里建有哨壘防禦匪患此可通馴駐九墟之要道

連天坳 在城廂才院村距城十里前人砌石爲城藉防匪患有一夫當關百夫莫前之險清光緒間莫夢弼起義據爲險固其布告有守連天之隘何殊劍開崎嶇之句由此可見其險之險

丹黃坳 在城廂鄉才昂村距城二十里高山重疊聳接雲霄建築哨壘防守甚宜由此下去先到邦洞更進直到古樂村而雅隆七墟遶廣容二墟

銀嶺坳 在中和鄉水隆村下方距城二十里過此即到崇興鄉久懷村大買五墟

江島坳 在城廂鄉龍潭村距城約四里城廂鄉與中和鄉之峨山村以此爲界清同治年間龍潭村人與峨山村人互爭地址思恩縣令翟景藩躬親踏勘判定砌石城爲界光緒丙午年縣令譚鄒華就此建築砲樓一座以資防禦此路可通中和鄉公所下去思恩必經之路

翅窠坳 在中和鄉百祥村距城二十五里兩山斜立間通人馬古昔砌有石城光緒年間建有砲樓莫夢弼起義曾在

建關坳 在中和鄉虎榜村距城二十五里兩山狹隘僅容人走山嶺險峻林樹葱蒼土匪蒙老蘭蒙加全蒙日新會聯

爲巢穴名曰洞青山

思隘坳 在治安鄉三峯村地界距城二十里治安鄉之人趁中里八墟大賈五墟必經之路

建甫坳 在治安鄉梁山村地界才椒甲邦後背距城十八里往梁洞四墟之路經開鄉道

高領坳 在道安鄉永安村中風後背距城六十里城勢高險可通思恩匪常由此路而來

氣候

宜北境域與黔接壤地勢特高氣候特寒現可分爲中左右三部言之中部山屏雜列日爲山蔽陽光不足氣候凜冽每遇天時陰雨雖值夏季不覺得熱夜眠亦須覆被晝間可需夾衣農作物不能充分滋長收成甚低年中只有六七月稍熱攝氏寒暑表升到八十度冬季多起風降雪非備足柴炭則難以卒歲左右兩部土山綿亘地勢稍低氣候比中部特熱夏季熱度攝氏寒暑表升到九十度雖閒坐家中亦汗流浹背農作物發育佳良收成甚優比中部早熟先收兩星期然豐歉亦有逢年不同惟左部極邊之部與羅城屬毘連之山巔烟霧迷濛四時不斷暴風時作行人苦之冬季雪厚尺餘日暝經旬方能溶盡總之宜北氣候中部春多霧雨而寒夏多風雨而涼秋雨狂風而冷冬多風雪嚴寒左右兩部春溫夏熱秋涼冬寒狂風屢作竟少結冰更有同一日早溫晝熱夜間寒冷古云一日備四時之氣此縣屬氣候之變遷也

古蹟

一、砲坳地址在道安鄉永安下城村於宋元貞末年設坳治於此名曰泗城縣地面約六十華丈城脚猶在屯糧房佈置已定嗣因惑於地理風水之關係金謂對面坡有巨石一塊形如飛鵝撲地不利屯糧故改設縣治於思恩今飛

鵝石尙在其隘稱爲鵝石

一、崇興鄉迴龍寺距城四十里清代有湖南辰州府元凌縣羅萬福於乾隆末年遊到此寺見山水清秀心暗計之拜老和尚如機爲道兄遂施捨銀兩充寺公項修齋削髮與如機和尚皈依佛法如機歿後高福續奉香烟授意於當地紳士覃芝蘭吾歿之後即遷於寺傍嘉慶二十三年羅故軍紳如其前言葬於寺右墳墓石碑尙存存碑文子孫科甲聯登

一、崇興鄉敢交岩與天河縣境交界距城七十里於明萬歷年間刊有銀存頭頂銀在卯時八個大字於石并有碑序祇字跡模糊難以摹描

一、治安鄉廣容村距城五十里於清道光年間因黔苗王鳳作亂竄擾本境舉人韋繼新建營房一座於板光村頭派練防守房已久廢舊址猶存

一、城廂鄉才院村屬托洞一墟隔河有三石塔於清道光咸豐年間苗匪作亂莫如勦刺史僱工建成以防匪患今已崩塌去一尙存有二焉

一、道安鄉北山村穿心岩距城七十里地中銀礦孔多於清乾嘉年間經思恩縣吳縣令集股開採倡辦銀廠於穿心岩內砌成街道舊址猶存當因挖礦過銀牛動身土坡崩下覆斃多人致而停辦吳縣令經堅立碑於礦門今已土崩埋埋不見據老人口傳

一、中和鄉北宋村距城四十里於清光緒年間北宋村人盧式慎任雲南藩庫太史職卸任回籍建設盧氏宗祠一座一門九烈石碑坊三連門一座

一、治安鄉龍岩村龍岩寺距城二十里於清道光年間當地民衆捐資興建寺宇於岩內坭塑佛像齊全至民國初年破除迷信將寺內之偶像摧毀無餘所遺寺宇改作國基學校岩內石碑尙存

一、崇興鄉迴龍寺距城四十里於清乾隆年間民衆捐資興立民國初年毀滅偶像屋宇猶存越至民十以後地方擾亂土匪猖獗據寺宇爲巢穴扼險自恃人民受害罄竹難書民國二十年陳縣長作亮迭次電請上憲派兵勦洗以

- 除大患至十一月初旬民團指揮官羅禪霖暨李營長瑞金督率大軍臨宜并約齊地方團兵將此匪巢圍勦約兩晝夜遂攻破當場擊斃匪徒甚夥生擒不少放火焚燒黎庭掃穴地方從此平靖現今寺牆猶存
- 一、道安鄉永安雅脈村雲山寺距城七十里於清道時興立至民國初年停廢佛像毀盡石碑尙存
 - 一、馴樂鄉龍橋距城六十里是天然生成之石橋橋之下面有飛仙橋三大字不知何代人刊
 - 一、嶺與鄉西與村背山頂堅有一百碑高約六尺寬三尺餘刊有「漢馬伏波實此」六大字據傳說昔漢馬援將軍征蠻經過此地而書刊之

名勝

- 一、翠微峯在城之西南半里才西村背爲附城之唯一勝景名人常登山覽勝
- 一、佛建岩在城之東門約一里岩內石人如佛拱立人常遊覽
- 一、小桃源岩在城廂鄉才院村背岩在白象山之山腰崖壁間高數百丈險面異常清代莫如勤刺史不惜千金修砌磚塔儼然鞏固金湯果爾飛塵不到才院村人就此避亂匪幫屢攻不破是宜北第一著名岩疆也名人恆遊覽勝焉昔曾有人題詩（詩見詩部）
- 一、龍潭在城廂龍潭村邊水流潺潺近如鐘响瀑布水懸高十餘丈潭內之水清澈無比縣府每携煮茶飲之暑氣全消精神爽快名人臨此遊覽終釋不絕此係附城之勝地也
- 一、濯纓泉在道安鄉下城村田洞清泉湧出可供百餘家飲料尤宜釀酒前貢生韋絢鴻先生館寓泉東取名之曰濯纓泉
- 一、涼風岩在治安鄉古樂村距城二十五里有涼風岩在大路上邊風由岩出夏天就此避暑涼爽異常冬天轉生溫氣此路可通雅隆七墟廣容二墟往來行人到此必停步休憩玩勝情當邊僻之地美而弗彰耳

第二編

社會

民族

邑境位居本省之北部邊地與黔甌連黔省古稱鬼方國漢稱南蠻縣地係楚外方亦屬荆蠻昔乃苗蠻撞三族混居自漢迄清漢人自外省遷入以由山東而來爲多湖南次之因久相漸染均歸同化近惟有治安鄉達科村仙桃洞趙姓數戶苗族後裔而已其餘全係漢族

姓氏

邑民聚族而居有數大姓而以盧莫覃章蒙最占多數黃梁次之吳潘又次之餘姓則爲數最少逐列於後

莫姓原籍山東省濟南府於漢朝遷來初到此地之始祖名莫登州墓於龍潭村肯坡地現共有壹千零壹拾戶

盧姓原籍山東漢朝遷來共九百八十六戶始祖盧明道墓於下海六久空地

覃姓原籍山東漢朝遷來共七百二十六戶

章姓原籍山東漢朝遷來共九百六十戶

蒙姓原籍山東漢朝遷來共七百三十二戶

黃姓原籍湖北明朝遷來共六百三十二戶

梁姓原籍廣東明朝遷來共五百四十二戶

吳姓原籍湖南清代由思恩移來共七十四戶

宜北縣志

潘姓原籍失考共四十六戶

陸姓原籍失考共四十一戶

朱姓原籍湖南清代遷來共五戶

李姓原籍湖南清代遷來共二十三戶

王姓由思恩來共十三戶

周姓原籍湖南清代遷來共二十戶

姚姓原籍貴州民國初年遷來計一戶

馬姓原籍湖南清初移來計一戶

劉姓原籍湖南清初移來共二十七戶

符姓原籍湖南清初移來共十九戶

龍姓原籍湖南清代移來共十戶

謝姓原籍失考共二戶

王姓原籍失考共十六戶

唐姓原籍湖南清代遷來共五戶

蔣姓原籍湖南清代遷來共三戶

石姓原籍失考共二戶
腿姓原籍失考共九戶
伍姓原籍失考計一戶
鄧姓原籍失考共八戶
許姓原籍湖南清代移來共二戶
楊姓原籍失考共九戶
鍾姓原籍失考共三戶
陳姓原籍失考共十三戶
藍姓原籍失考共二戶
孟姓原籍廣東民國移來計一戶
賴姓原籍宜山民國移來計一戶
溫姓原籍遷江民國移來共二戶
秦姓原籍四川民國移來計一戶
歐姓原籍思恩清代移來共一百八十二戶
雷姓原籍湖南民國移來計一戶

白姓原籍貴州民國初年移來計一戶

何姓原籍失考共九戶

羅姓原籍思恩清代移來共四十七戶

方姓原籍玉林民初移來計一戶

向姓原籍貴州清代移來計一戶

盤姓原籍湖南清代移來共十戶

廖姓原籍失考共二十五戶

鄒姓原籍湖南清代移來共五戶

張姓原籍失考共九戶

邱姓原籍失考計一戶

鄭姓原籍失考計一戶

岑姓原籍失考計一戶

蘇姓原籍失考計一戶

黎姓原籍失考計一戶

巫姓原籍失考計一戶

成姓原籍湖南清代移來共四戶

姜姓原籍湖南清代移來計一戶

趙姓原籍貴州清代移來共五戶

譚姓原籍失考 計一戶

施姓原籍失考 計一戶

蔡姓原籍龍州民國遷來共一戶

董姓原籍失考 計一戶

桂姓原籍湖南清末遷來共五戶

尹姓原籍失考共八戶

丁姓原籍失考共二戶

崖姓原籍失考共二十七戶

按：宜北在民十以前各姓戶口爲數達壹萬式千有奇自經民十政變而後地方擾亂兵匪交殘在十年之中人民死亡減戶十分之五至民廿二年調查僅存六千戶左右至二十五年本處調查共有六十三姓六千五百三十戶

方言

各姓初來此地原說官話後因住此日久遂相沾染受環境所同化變說土語現今所操之口音土話如父曰博又曰他曰爺母曰媽又曰馬兒曰哥弟曰儂妻曰妯又曰牙子曰勸嫂曰畢姐曰達妹曰妹亦曰儂伯曰隆叔曰考祖曰褒曰公妣曰奶舅曰那甥曰懶孫仔亦曰勸懶老庚曰介同走曰擺睡曰寧坐曰囊回去曰不馬來曰斗謬語曰港華我曰古你曰們不懂曰米嶺食曰肯飯曰矮酒曰撻肉曰諸食飯曰肯矮食酒曰肯撻食肉曰肯諸食早飯曰肯矮食中午曰肯嶺食夜飯曰肯有米曰后草曰仰木曰美樟木曰美考樞木曰美有黃牛曰測水牛曰徒懷馬曰徒罵豬曰徒母狗曰徒爲雞曰徒皆鴨曰徒必衣曰襖褲曰挖帽曰毛穿衣曰等襖穿褲曰等挖戴帽曰等毛魚曰巴山亦曰巴目又曰巴魚山目土音相同義不同也小孩曰勸雞青年曰勸左老人曰卜老此不過舉其大要數種而已其餘大致與思恩言語相似以其大同小異耳如仙桃洞之苗語則異於是如食飯曰奴亞老庚曰西提去曰木來曰樓往那裡曰木克第

風俗

冠婚喪

冠禮：周禮男冠女笄邑民對於冠禮從未有行之者惟名門大家於結婚前二日男子穿制服戴禮帽騎馬乘轎邀多數同年男子作伴往女家親迎頗與冠禮相似

婚禮：男女結婚素來概由父母主張不由男女自擇如兩家父母相善各有子女看其男女年貌相當貧富相等不問其已否達到結婚年齡則托媒問字如女家允許即交女子年庚與媒人帶交男家隨請星士批評無相冲尅就可合婚由此則議定財禮上等家庭八十至一百元中等家庭五十至七十元下等家庭三十至四十元不等若

兩家情投意合亦有不議財禮者由男家隨量送但兄弟姐妹避不爲婚而同姓多有不避之者迄今社會進化民智開通官婚制度逐漸減少是由男女雙方自主惟須父母同意

聘禮：除規定財禮外過聘之日男家備豬仔一隻鷄二只鴨二只香菌茶葉鹽糖麪菓各成包名曰水禮先由媒人通知女家約定日期男家之父或母邀族內數人同伴送往女家名曰押禮女家則酬還以布帛紅粳糖糕之類

迎婚：男家選擇吉日成親則備辦大豬一隻五十斤以上豬肉二三十斤糯飯五十斤酒四十斤（下等家庭從簡）於先一日僱伏送到女家召諸女族歡飲一場并遣派少年女子兩人隨媒同去接親中上家庭新郎則往親迎住宿女家一宵唱歌達旦次日逢吉新郎新婦同來郎家鼓樂喧天諸娣如雲女家備贈妝奩帳被之類三五舖十舖不等或亦有送與牛馬者祇在各家之有無與量度爲定

儀式：邑居邊隅風氣未開男女結婚相沿舊例文明婚禮素未說到或有仿效古禮新郎新婦謁拜祖先敬拜家長已耳餘禮則少有行之者

陋習：新婦將至婿門先索手鐲一對或銀一二元方肯登堂入室婦將入門男家破竹一條揉成拱橋形派老婦一人扶新婦跨過竹橋以取其健康之兆又備豆腐一塊上置草橙令新婦坐於中堂以取其柔軟服從之意婦至婿家食首一餐務必食魚以取衆維魚獸子孫發達之意送嫁女子數十成羣擁滿新房唱歌兩夜新郎新婦未得見面至第三日回去向男家索腳鞋費每人三五角不等竟費至七八元新婦亦隨同送嫁女子回母家住後男家又派人往接來住一二晚多則五六晚如此屢屢名爲走媳婦路即至身孕生子之後方安於室永住夫家數

年來改良風俗會成立積極宣傳嚴禁女子不落夫家現今此種陋習亦逐漸消滅矣

童養媳：貧寒男家無力聘娶見有其家女孤苦無依託人說合爾相允願即携到男家養飯達到相當年齡始備酒席

請客歡飲由此宣告婚姻成立然今亦稀聞罕見

入贅：凡年老無子僅生女者則招人入贅所有產業開親族會議立契交由贅婿承管族人不得干涉中年婦女其次夫死亡經生子女不願出嫁經夫直系尊親屬同意亦招人入贅藉助看護其孤兒幼女祇贅夫無處理財產權但入贅之事以爲羞恥之行順境之人多不屑爲其家境困難無力娶婚者乃迫而爲之耳俗語鄙入贅之言曰

「倒佩蓑衣」邑中入贅風氣原來少有

再醮：凡中年婦女其丈夫死歿未生子女不願守節可以再嫁亡夫之父母或親族得以收回其財禮寡婦亦得四分之一作衣服費但再嫁之日以爲羞恥之行假出田間做工或由後門而出即逕自去行伴侶在野外等候一路而往新夫家須滿一個月始攜酒肉牲頭往外家敬祖宗耳

認生：凡結婚後產生子女甫三朝做湯餅會邀族中孩子會食滿月即備豬仔鷄鴨豬肉酒飯挑赴外家奉敬祖宗約齊外族婦女大會一餐外家則贈送黃禾富家五六十担貧家必須三五担并送染紅雞蛋三個染紅糯飯一担以及襪襪之類是夜則召親族老少歡樂痛飲曰彌月酒親戚朋友聞知有喜青年女子相率而來竟送豬腰糯把衣錫帽鞋住一二夜唱歌樂譜名曰看兒現尙盛行

喪葬：父母壽終之日須修棺木殮殮兒女憑棺痛哭滿身掛白戴孝出柩時備物奠祭用豬一鷄一鴨一布帛菓品香

獨陳設柩而獻禮讀祭文曰闔門祭祭畢送出郊荒若山向大利隨即安葬否則暫停厝俟擇獲相當地所再行
塋葬在三七十二一日內早晚孝男親臨柩所焚香叩拜以表孝心

喪儀：父母靈柩送出郊後設靈位座於門後陳供祭品稍裕之家請道士於中庭設壇張掛佛像憑佛誦經懺悔超度
亡魂速則三晝遲則九夜貼出訃聞使親友知於罷喪之前夕親戚往弔或送帳屏或送豬鴨以及香燭之類接
踵而至是晚開設堂祭孝男一座乘姪一座女婿一座行三拜九叩禮喪家酬客每人白帛一幅長約三尺名爲
拭淚巾客接以包其頭滿堂白首同表弔意飲食俱素次晨方能吃葷食罷各散歸去

孝敬：孝子穿麻戴孝寫亡人靈位於神座之旁早晚燒香敬奉雖粗菜淡飯亦必供養以表孝敬事死如事生事亡如
事存之意行滿三年後始用紅紙寫亡人名字與各祖先排列即將靈牌焚化孝子亦除服名曰化靈除服

遺產承繼

父產子承沿成慣例生育多子財產均分肥瘦互搭好醜配勻稍豐之家除分配各子外抽存一部份父母猶存作爲養
老田歿後作爲祭田以備每年逢清明節上墳拜掃之用兄弟會養又留一部份作爲女子贖奩田以備節季女子歸寧
送與禾把糶之類若無男子則全部財產皆歸其女享承別人不得侵佔或亦有分一部份與房族者

起居飲食

宜北山高地瘠土瘠民貧農民佔百分之九十以上日出而作日暮而歸終歲勤苦猶不自給所居多是樓房上面蓋瓦
或草中厝用板架樓隔室下爲畜舍飼養牛豬上人下畜極碍衛生明知不適惜無力以改造耳衣服類皆土布各家婦

女自紡自織自染自縫最奇者用至斜紋布上海灰爲止睡眠需料用土錦土布縫爲夾被及用棉花彈爲棉套上覆下墊暑天則用蚊帳竹簾草蓆一般人所用大都如此其經濟稍裕者亦用毡氈食品食惟糯米爲大宗粘米次之青黃不接之時以雜糧以輔之卽玉蜀黍麥子小米糲米豆菽之類每日早午夜三餐富裕之家皆食乾飯貧窮之家則三餐俱食稀粥甚至少食鹽油日常不過以清水煮菜熟而食之農民生活實亦苦矣菜瓜則青菜蘿蔔白菜黃瓜南瓜豆菽等肉者則牛豬鷄鴨魚烹法簡單求熟而已飲酒甚爲普遍爲鄉村不可少之物待遇工人每晚每人須酒半斤肉則隨便只有四兩炒豇亦可佐飲一逢工作過勞之日如翻糞挑糞播秧等事酒肉必須增加任其暢飲以犒賞其勞苦方免後論

交際

邑俗尙節儉崇樸實世代相沿凡遇慶哀之事親戚朋友皆互相往來交相慶弔婚家請客或先發請帖或不發請帖者親友聞知皆送禮致賀最親者送白米一担約五十斤酒一担約三十斤或送與布帛友交者賀儀送東毫五角西壹元不等同村者三角至五角或送對聯喜炮起造新房賀禮與賀婚同受禮者待客備辦烟茶酒肉設席款待每席費用二三元左右親友高談暢飲猜拳唱歌客宿兩夜不醉無歸服內最親者分担抬喪或三席五席或亦抬全喪能筵之後夕主人家又召親族同宴一餐盡歡而散客歸或酬以布帛猪肉之類哀喪之事父母歿時發出訃聞親友聞知同來弔唁抽銀製送輓帳輓屏輓聯及辦豬鷄菓品香楮陳設奠祭住宿一宵頭餐吃素祭畢次早之餐始擺祭肉待客飲盡而散女婿往岳家弔喪必辦素酒素飯各數斤用草束成喪馬粗布裹之形如真馬挑往外家供祭屏聯隨力貧可畧之女

穿孝衣戴簪帽散髮辮跟後而行將至喪門則放聲大哭追述生前之恩及歿後之失望名曰送墓馬至於逢生日老人做壽酒親友饋金買紅布製壽帳壽聯或用好紅紙書壽字送往祝壽或亦有送橫式匾額寫四六字於上如福壽雙全等字樣鼓樂歡送喜炮連天備極一時熱鬧壽家籌備酒肉設席款待款款二餐而罷生育子女由主人示意親友婦女皆來道喜送豬腿糯米孩衣手鐲孩帽等類或送對聯慶賀大宴一場

好尚

世界上喜新厭舊好佚惡勞大抵然也邑民生居邊地遐荒目不覩繁華勝景耳不聞笙笛管簫樸實自安勤勞不倦衣服不尚華麗但求其暖飲食不尚甘美但求其飽農隙之時尙打獵學拳術在元且過元宵節尙遊春舞龍頭獅子唱小調男子則然女子尙種棉紡織刺繡賣布賣棉賣鞋襪值則將銀付匠製首飾裝品耳環手鐲頸圈之屬衣尙綉邊三四重以爲美觀自民十五年以來成立改良風俗會積極宣傳現今衣服陋裝逐漸改良讀書士子清時尙作詩對八股文章策論賦議自宣統初年開辦學校歷二十餘年文化進步注重科學而舊時之腐敗文字漸滅矣至于嗜好羣情對於宴會尙飲酒賭博打紙牌吹烟尙亦所在多有自民十九後厲行禁止有智識者互相誥誠懇願覺悟回歸正軌不敢放肆賭牌吹烟等弊病現亦少有矣

節季

歲時娛樂自古有之人民終歲勤苦逢節之日不可無宴樂之舉

正月元旦爲新年節寫貼春聯燃放竹炮宰豬烹雞歡樂園飲除夕焚香點燭坐以待旦名爲慶春自初一起至十五日止爲宴樂時期共舉春觴交相召飲一切之事皆置諸度外上元節鳴砲宰牲送神從此以後各做農事

二月逢戊日爲春社社村共釀金每戶壹毫或貳毫交值年會首買一大豬并備酒飯供敬社神焚香點燭燃炮化紙叩神護佑五谷豐登百姓安樂遂歡飲而散或亦有分社肉各携回家自食唐詩云處處同斟春社酒家家扶得醉人歸

三月逢清明日家家戶戶備辦豬肉數斤大雞一只稍裕之家幸用豬仔造黃花糲飯香燭紗紙男女大小上墳拜掃陳設禮物於墳前供祭畢而食之曰插柳節墳墓崩塌或墓頂凹低則加工修砌補坭并插紗紙一簇以表聞雷泣墓之孝思推及原因在列國時代晉文公出亡在外過衛五廬之墟飢餓不能行乞食於野人野人與土塊晉文公怒欲殺之狐偃曰得土乃得國之兆拜而受之文公乃拜再過數里文公飢甚不行介子推見公將死急割股肉煮熟啖公公食畢問曰誰與以肉推曰臣遇賣肉者在後故買煮以充君飢文公歸國論功行賞不及介公有人言於公曰介子推在衛五廬時割股啖君君不知也文公悔出榜文召介子推見介不見乃隱於綿山時人不平爲介公作白曰有龍皎皎遊於江湖數蛇從之二蛇割股文公知爲介公剖忠乃往綿山訪之介公誓不出文公曰介子推孝子也焚其山以彼不忍母死必出介公問母曰事急矣母必出子死於此母曰子能如此母亦死矣母子遂死於柳下後文公見其屍曰真忠臣也吾悔矣因改綿山曰介山勸以清明節爲禁烟節不舉火者一日又曰插柳節每逢此日携酒往郊外祭奠各折柳一枝而歸相沿日久吾人就用酒肉敬祖宗掃墳墓此則清明節產生之原因也

四月初八日爲烏飯節家家採取楓葉搗盪醞一二日使之發酵煮出烏水以之染米盡變烏色蒸熟以供家神並備

猪仔祭三界公爺以望禾苗豐熟家家戶戶遍插楓枝於門此係地方之習慣使然殊莫明其究竟

五月五日爲端午節又曰蒲節家家戶戶懸蒲於門束艾爲人形以爲驅除妖氛檢取百樣草藥大鍋煎熬用水洗浴以妨病疫用雄磺研末沖酒人人飲之以驅病邪並採何首烏莖搗盪和糯米調勻蒸烏粳約三五斤往水邊供祭相傳楚屈原溺於是日古有龍舟競渡以表追悼今地方亦仿此意良非謬也

六月初二日祭后稷雷王等廟每人醮銀一二毫買猪仔酒飯祭供祈神保佑五谷豐登

七月初七日爲七夕節迎接祖神每家宰鴨焚香點燭供祭祖先靈座由是日起至十三日止婦女買鴨攜回外家敬祖祈福外家則送以禾把粽粿紅蛋十三晚在寢室門邊供祭以爲安花侑子焚香化紙畢而食之至十四早爲七月半首蓮節各戶宰鴨敬神開暢暢飲休息一天諸事不理十五早送神飲罷完畢

八月十五日中秋節買辦猪肉月餅雞鴨米粉供神座畢家歡飲夜間皓月當空用柚子插竿尖向空高舉名爲望月男女唱歌歡樂一場雞鳴方罷或請法童做夜禁衆人環圍法童於中間齊聲詛咒使之降陰尚神唱歌互答將曙方休此舉涉邪今已嚴禁

九月初九日爲重陽節邑人少有信行者祇稍富之家則釀重陽酒有好客設之款待

十月十日村中老人用香一炷當正午方燒之置於地上看其燒向何方俗云東吹西明年必飢西吹東明年食穀兩吹北有錢買不得北吹南白錢買三石成爲農諺

十一月冬至日富家宰猪治爲臘肉配以香料以備待客之需

十二月三十晚爲除夕宰雞陳酒以供家神各村醃金宰豬供社平分社肉燒香點燭燃炮送除舊年通諺云老者低頭辭孫歲孩兒拍掌賀新年或有坐以待旦送舊迎新雞鳴之時家家戶戶競燃紙炮每家以燃十二個爲準以定年中十二個月之吉凶如炮响聲音宏大者爲吉反之爲平俗慣之心理爲然亦未有何根據

娛樂

宜北邊僻小邑交通不便人民以農爲業日出而作日入而息對於娛樂問題素未談到況且設縣未久文化未甚開通所以娛樂場所尙未設置祇於農餘時飲酒爲樂過新年節以舞龍舞獅唱調爲正當娛樂青年男女成羣郊遊唱歌調情名爲遊春自正月初三至十五日而止後仍各歸農事每逢婚事慶筵經濟豐裕之家則鼓樂鑼鐃貧戶亦屬寂寞惟男女唱歌在所不免此種近於邪淫今已禁止近來每逢慶祝之事學校亦有表演白話劇爲娛樂也

迷信

地居邊僻文化落伍社會封建心理牢不可破而迷信思想成爲一種慣例

風水：凡造屋葬地必先請堪輿先生看龍脈納砂水定山向擇時日然後起房墓此最爲重要之事項誰不敢忽之
以望子孫昌盛富貴榮華

命卦：算命卜卦邑最盛行每逢年節競尙算命以問年中之命運吉凶禍福卜卦以占年中各月吉凶何方爲利何方爲忌六畜禾苗財喜如何卦中現吉則欣然飲酒凶則延巫禳之此涉迷信縣府已通令禁止

疾病：凡遇發生疾病舉家憂愁不求醫藥調治迷向鬼神祈禱小病則以米卜卦問是何神作祟大病則延法童詛咒

問其生死何如立即備辦牲音酒飯請鬼師誠心禳禱荒謬之極現今醫務所成立人心亦遂漸信用藥品不再如前之迷信鬼神矣

死喪：父母逝世殯殮出柩後姓請鬼師設壇誑名爲開亡路度亡魂稍富之家則設道場誦經禮懺名爲報恩經引父母早升天堂三夜七夜十餘日量力行之費用三五十元至百元不等雖經縣府通令查禁仍未盡改

鬼神：邑人崇拜三界公爺莫大聖靈王雷王上司等神餘不及載每宰殺牛豬取血祭之以祈護佑

歌謠

邑處邊隅未有其他娛樂歌謠爲邑人心理所好尙每逢婚筵壽誕起屋喜事親朋畢至會宴一堂飲酒興高采烈之際彼此遂唱歌兒一唱一和以決勝負其意義在於祝頌稱讚如婚筵歌則祝翁姑長壽夫妻百年偕老子孫昌盛老人壽誕歌則祝壽比南山福如東海起造新屋歌則祝棟宇巍峨鞏固千秋子孫發達繼述綿延等等意思除本題外或亦有問答時事相持之間非常高興各以爲志在必勝而後已歌歌之冠頭語「麻哩啞」曳長音「對尼你」短促音歌之尾音「麻西來西啞」「涯涯」曳長音又一種歌比之冠頭語「儂啞苦哩尼閣哩苦」曳長音歌之尾音「對儂那」「哩儂啞郎」曳長音每逢唱歌自早至夕或自夜達旦歌詞千百調之多聲音婉轉其中頗有意味或亦有工作完畢飯罷出外乘涼又唱樂偕歌名曰比嘆身以解愁悶

戶口人口

宜北向屬思恩一邑光緒三十一年分設廳治後改縣名其戶口原爲壹萬貳千有奇自民國十年大局變更地方匪亂

如麻人民死亡減戶去其大半至民國二十二年自治籌備會從新調查僅存六千戶左右前分中左右三原今只劃分爲六鄉戶口人數之多寡分列於後

城廂鄉戶口壹千壹百九十八戶	人口男三千二百一十四人	女三千零六十四人	合計六千二百七十八人
中和鄉戶口壹千壹百零七戶	人口男三千三百八十七人	女三千一百三十六人	合計六千五百二十三人
治安鄉戶口壹千壹百二十七戶	人口男三千二百九十二人	女二千八百九十六人	合計六千一百八十八人
崇興鄉戶口壹千零三十五戶	人口男二千八百八十六人	女二千三百六十八人	合計五千二百四十六人
馴樂鄉戶口壹千一百三十三戶	人口男壹千六百五十四人	女壹千二百一十九人	合計二千八百七十三人
道安鄉戶口九百二十二戶	人口男三千零六十一人	女二千三百一十四人	合計五千三百七十五人
統計全縣六鄉五十八村街戶口六千五百二十二戶人口三萬二千四百八十三人男占壹萬七千四百九十四人女占壹萬四千九百八十九人			

職業團體

民國初年成立宜北縣商會一所陳芝廷爲會長係由公昌同記源興廣發同興等商舖組織而成迨至民十政變商業倒閉商會因而中止至今經濟崩潰尙未恢復

慈善事業

光緒三十一年縣令譚鄰華成立官醫藥局一所提公款三百元購葯聘羅城陳詒舉爲官醫員陳因事去職復聘本籍紳士莫堯瑞接理對於救濟事業頗著實効迨民元而後廢弛民國十三年縣長何秉璿成立官藥局一所聘思恩覃承武管理從事診治不久停頓民國二十四年縣長李希白任內成立醫務所一所內設主任一員助理一員所役一人醫藥資本約三百元由地方款項下撥用行之經年民衆尙知信仰

社會問題

邑民熙熙攘攘耕田而食折薪而爨且僻居山谷交通不便社會生活大概爲自耕農與佃耕農二種自耕農占十分之七佃耕農占十分之三

自耕農：自耕農係承祖宗遺產或自製田產所有不多能供一年之食者亦有不給者家人合耕正所謂自耕而食如逢耕作緊急之時則邀鄰互助不出工資他日鄰家工作緊急則出力以償其工卽交換工作式

佃耕農：佃耕農者田業甚少或無產者其家人口衆多生活艱難則向有土地稍多之田主訂約佃種其田期限以三五年爲定收穫之谷上等田照五份分田主占得三份佃農占得二份中等田分兩各占其半下等田照五份分田主占得二份佃農占得三份糧賦由田主負擔完納至於開墾荒田連頭三年田主不收田租佃農自種自得過三年後田主卽議收租看田之好醜爲定開荒之田田主或助之牛及資本米糧使佃農不致大感困難佃農除耕田外家中尙能飼養豬雞種植蔬菜年中亦能自給不受饑寒而已

工人問題：凡失業者生活固難則與人傭工度日零工每日工資五角伙食在內長工每月工資二元五角每年傭主

格外供給土布衣服一套所需膳費草鞋煙費均由僱主負擔每日工作時間七小時而已飲食之際主工不分席位以此接洽工人激勵勉使其工作効率增大僱主待遇工人並無刻薄在勞資方面亦無發生糾紛

借貸問題：高利貸時常發現貧民向富家借債必有正當人担保及有相當田畝作抵押方肯允借議定償還日期長期一年短期一二個月長期利息每月每元取息五仙短期利息每月每元取息壹角貧民借貸負擔過重甚至有還債而不退契者所在多有例如債目二十五元已經還過二十三元尙欠二元債權人以爲尙欠尾數故意匿契不退日復一日事過境遷收債人亡故其子以有契爲憑再向債務人重索因此發生重大糾紛時有所聞貧民受此病苦亟應設法解除之

婚姻問題：婚姻概由父母主張男女不能自主尤其早婚之事所在多有事後發生反感離婚惡劇層見叠出現今從事禁止早婚目前亦逐漸改良由雙方自主矣

賭博：賭博一事早經禁止祇鄉中尙有私行鬥牌時常發現亦爲社會流毒亟應從嚴禁絕以挽頹風
鴉片：吹鴉片煙邑中少有除老病之人偶事沾染外餘皆不輕嘗試



第三編
政治

行政區劃

邑境向隸思恩縣管轄土地範圍一爲三里一爲五十二洞一爲馴駐里及永安上半甲是也三里又分上中下里各設一團下里地勢遼濶設立兩團五十二洞(簡稱五洞)分上中下三額各設一團馴駐永安各設一團

光緒二十八年地方匪亂思恩全縣成立五大團以維持安三里五洞共立一統團馴駐永安共立附後團鎮懾各地光緒三十一年縣令譚鄴華詳請上憲劃分三里五洞馴駐永安等區域設立理苗撫民分府安化廳廳署於建洞九倫村(卽今之明倫街)廳之下全屬設一保甲總局局之下仍分以上里中里下里各爲一團上額中額下額各爲一團馴駐永安各爲一團

民國元年改廳爲縣曰安化縣民國二年以安化二字與別縣名同郵寄屢誤則更名曰宜北縣以其在宜山之北故也

民國三年省令設地方自治會劃分三區以三里爲左區五洞爲中區馴駐永安爲右區區之下設段每區分一二三四段每段設一團總以總理段內事務

民國七年照舊沿用三區城內成立保衛團總局總理全縣團務事宜左右兩區各設一保衛團分局總理一區之事務局之下分段每局管一二三四段段之下又設團每段一二三團每團設一團總辦理一團之事卽如(某區第幾段第幾團團總)是也

民國十五年改爲民團總局總理全縣事務總局之下設立分局左右兩區各設一分局分局之下設鄉董鄉佐(鄉董

鄉佐即正副團總之變象）其區域仍沿用中左右區區之下仍取段名廢除團名

民國二十二年省令成立自治籌備委員會從新調查戶口因戶數僅存六千左右不足為區遂將以前之區段名義撤廢另劃分全縣為六鄉即城隍鄉中和鄉（即前之中區）治安鄉崇興鄉（即前之左區）馴樂鄉道安鄉（即前之右區）

五十八村街各鄉所管轄之村街名列左

一、城隍鄉 共十一村街 明倫街 龍潭村 江隆村 梅林村 龍水村 才院村 雅京村 才昂村 相堯

村 李花村 文臣村

一、中和鄉 共十一村 吉祥村 峨山村 英豪村 北宋村 學強村 學義村 上花村 永隆村 百祥村

干城村 虎榜村

一、治安鄉 共十村 黃種村 廣容村 隆道村 梁興村 朝閣村 達科村 古樂村 龍岩村 梁山村

三峯村

一、崇興鄉 共十村 安山村 爲才村 雅山村 茶山村 標山村 西興村 東興村 日興村 達興村

加興村

一、馴樂鄉 共八村 福壽村 康寧村 鎮北村 長北村 長安村 城王村 翠山村 全安村

一、道安鄉 共八村 順宰村 太平村 長治村 北山村 雅脈村 永安村 永權村 鹿洞村

全屬各鄉之墟場列左

1、城廂鄉

縣城 在縣城之西街每逢三六九日爲墟期趁墟人數男女約壹千人

托洞一墟 在才院村所屬離城約八里每逢初一十一廿一日爲墟期約五百人

2、中和鄉

常洞七墟 在吉祥村離城二十里每逢二七日爲墟期約七百人現中和鄉公所中心學校在此

3、治安鄉

廣容二墟 在廣容村屬離城約四十里每逢初二二十二廿二日爲墟期約五百人

雅隆七墟 在梁新村下龍里離城三十里每逢初七十七廿七日爲墟期約三百人

梁洞四墟 在龍岩村板邦里離城二十里每逢初四十四廿四日爲墟期約七百人現治安鄉公所中心學校在此

4、崇興鄉

中里八墟 在雅山村背南里離城三十里每逢初八十八廿八日爲墟期約七百人現籍私隊紮防在此

大賈五墟 在東興村大賈里離城四十里每逢五十日墟期約五百人現崇興鄉公所中心學校在此

加刷一墟 在加興村加刷里離城六十里每逢初一十一廿一日爲墟期約一百人

5、馴樂鄉

馴駐九墟 在馴樂村老街離城八十里每逢四九日爲墟期約七百人現馴樂鄉公所中心學校在此過此則入黔境

矣

6、道安鄉

堯道七墟 在北山村離城八十里每逢初七十七廿七日爲墟期約一百人

下海六墟 在環榜里離城八十里每逢初六十六廿六日爲墟期約一百人

永安九墟 在永安村離城六十里每逢三六九日爲墟期約七百人現道安鄉公所在此中心學校尙在籌備建設中

按——縣屬邊僻之地交通不便各處墟場至屬微小每逢墟期人不過千市面經濟當然薄弱墟中賣品不過豬牛肉

白米棉布雞鴨諸種而已至於蘇杭雜貨攤面資本不超百元之數由此可見宜北之貧難也

行政組織

清光緒三十一年創設廳治曰理苗撫民分府安化廳設廳官一員稱大老爺五品頂戴其佐治員則設刑名師爺一員補助廳官辦理一切政事及起草重要文稿賬房師爺一員管理財政出納事項照磨一員亦稱右堂租住民房不在衙內管獄一員吏戶禮兵刑工六房門房等各設一員辦事至於地方之組織設保甲總局輔佐廳官辦理全縣政務局之下爲團總爲村長爲牌頭牌之下爲戶十戶爲一牌

民國元年改廳爲縣設縣知事一員廢刑名師爺設司法總務典獄各員又設民事財務教育各課員選舉地方紳士任之廢除六房改爲書記房設若干人至地方組織爲團總村長牌長設勸學所辦理全縣教育事宜

民國三年縣設縣知事佐治員與前略同地方劃分爲中左右三區每區分一二三四段每段設一團總團以下分若干

納
村村設村長村以下設若干牌牌設牌長以十戶爲一牌設勸學所所長管理全縣教育地方財政員管全縣財政出

民國六年縣署組織與前略同地方設保衛團總局總理全縣團務左右兩區各設一分局辦理一區之事區以下分一二三四段段以下又分一二三團每團設一團總團以下仍爲村長牌長以戶爲單位勸學所地方財政員與前同

民國十年政變地方匪亂如麻陷於無政府地位者蓋有五年矣其間縣長雖亦有人惟無正式致社秩序紊亂漫無組織故從畧之

民國十五年地方秩序稍見恢復前之縣公署改爲縣政府縣知事改稱縣長縣設縣長一員佐治則設承審總務典獄民政財務教育收發等各一員書記若干人地方則設民團總局左右兩區各設一分局分局之下每段設鄉董一鄉佐一協辦一團之事村牌與前同至勸學所在民十時已改爲教育局專辦全縣教育行政事宜地方財務局則管理全縣財政

民國十八年縣政府及地方組織畧與前同祇廢除民團總局改設民團參議會內有職員三人又設民團副司令一員民國十九年縣府組織設縣長一員秘書一員佐理二員助理二員內分民財教建四科承審一員管獄一員書記三人檢驗吏一員警備隊正副隊長各一員至民團司令部內有縣長兼正司令一員副司令一員副官一員參謀一員地方組織分中左右三區每區設民團局長一員支局長二員局以下爲鄉長村長甲長十戶爲一甲并有教育局財務局等機關各司其事

民國二十一年縣府組織有縣長一員秘書一員科員二員辦事員二員分科辦事承審一員管獄一員書記四員檢驗吏一員警備隊正副隊長各一員至民團司令部及地方各機關組織與前同惟廢民團參議會改設自治籌備委員會從新調查戶口

民國二十二年縣府有縣長一員秘書一員科長一員(即第三科教育科)一等科員三員(即民政財政建設三科)二等科員二員一級辦事員一員二級辦事員二員承審員一員管獄員一員檢驗吏一員書記員六人民團司令部與前同是年八月改組將地方財務教育兩局撤消財務局改為縣金庫教育局裁併縣府教育科辦理警備隊改為政務警察正副警長各一員至自治籌備委員會則調查戶口劃分全縣為六鄉每鄉設正副鄉長各一員五十八村街設村長街長以下設甲長十戶為一甲

民國二十三二十四二十五年縣府設縣長一員秘書一員一等科員二員二等科員二員一級辦事員一員二級辦事員一員承審員改為審判員一員管獄員一員檢驗吏一員事務書記一員承審書記一員民國二十三年民團司令部撤消參謀二十五年加委副司令兼副縣長合署辦公地方成立縣教育會地方財政監察委員鄉村街甲仍與前同以由幹部學校畢業生充任鄉村長職兼三位一體鄉長兼中心校校長民團後備隊大隊長村長兼國基校長民團後備隊長推行廣西三自三寓政策以期達到自衛自治自給之目的

宜北縣鄉村街甲戶人口統計表

鄉別	村街數	甲數	戶數	人口總數	
				女	男
城廂鄉	一一	一〇六	一二一九	三三八二	三六五八
中和鄉	一一	一〇〇	一〇二四	三三九八	三一四一
崇興鄉	一〇	九九	一〇〇三	二八二一	二八二一
治安鄉	一〇	一〇〇	九八二	二八七二	三二三六
明樂鄉	八	七三	八三〇	二〇八九	二四五五

宜北縣志

四一

計總		道安鄉	
六		八	
五八		七二	
五五〇		八〇〇	
女	男	女	男
一六〇九六	一八四九六	二二七五	二九二八

地方新舊組織對照表

第二區		第一區		原有區別	原有鄉名	新編鄉名	新編	村	街	數
中興鄉	長治鄉	吉祥鄉	城廂鄉	城廂鄉						
崇興鄉	治安鄉	中和鄉	城廂鄉	城廂鄉	城廂鄉	新	編	村	街	數
茶山村	黃朝閣村	學強村	雅倫街	明倫街	雅倫街	新	編	村	街	數
加興村	梁道村	干城村	才龍村	江龍村	才龍村	新	編	村	街	數
日興村	龍岩村	上花村	梅林村	下花村	梅林村	新	編	村	街	數
東興村	廣容村	北宋村	龍潭村	相義村	龍潭村	新	編	村	街	數
西興村	鼓樂村	英豪村	文臣村	龍水村	文臣村	新	編	村	街	數
達興村	三峯村	永隆村	才院村	才院村	才院村	新	編	村	街	數

明說	第三區	
	馴駐鄉	馴樂鄉
本縣原有三區因戶數不及格故不設區	永安鄉	福壽村
	道安鄉	翠山村
	順寧村	長安村
	永安村	城王村
	鹿洞村	全安村
	長洽村	康甯村
	北山村	鎮北村
	雅豚村	長北村
	太平村	
	永權村	

教育行政

宜北昔原歸管於思恩一邑光緒三十一年譚縣令始奉令分設安化廳迄今不過三十餘年未有久長之歷史在未分廳治以前其教育行政當以思恩爲樞據茲將縣立後之教育行政組織概述之縣治創辦之始尙在清代教育機關爲勸學所內設勸學總董一人勸學員二人月中經費由地方欸支給迨民國成立以後勸學所內設所長一人所員二人各區則設視學員若干人民十政變教育停頓誦聲遂絕至民國十五年地方恢復常態改稱教育局設局長一人導學一人民十八改組教育局設局長一人督學二人并設縣教育委員會區教育委員會各村設學董氏二十一年教育局有局長一人督學一人課員二人二十二年教育局撤消改併縣政府設教育科長一人督學一人科員一人二十四年五等縣不設科長傳設科員一人督學一人二十五年撤廢督學名義改爲鄉村政務督察一人歷皆以地方欸開支近年推行教育行將普及全縣六鄉每鄉成立一中心國民基礎學校五十八村每村設一國民基礎學校以推行國民基礎教育凡已達學齡之兒童均強迫入校受初級教育而經成年之失學男女則組織成班施以相當之成人教育以掃除社會文盲爲宗旨也

宜北縣各鄉鎮村街現有學校表 民國二十五年十二月

鄉鎮別	村街別	校別	備註
城廂鄉		廣西省宜北縣表證中心國民基礎學校	該校於廿四年九月將城廂鄉中心國基學校改辦廿五年四月籌設幼稚園一所六月成立上課該校係表證中心學校所在地毋庸另行設立學校
	明倫街		
	江龍村		該村係附近表證中心學校兒童成人易于就學暫不單獨設立學校
	梅林村	宜北縣城廂鄉梅林村國民基礎學校	
	龍潭村	宜北縣城廂鄉龍潭村國民基礎學校	
	才院村	宜山縣城廂鄉才院村國民基礎學校	
	雅京村	宜北縣城廂鄉雅京村國民基礎學校	
	才帛村	宜北縣城廂鄉才帛村國民基礎學校	
	龍水村	宜北縣城廂鄉龍水村國民基礎學校	
	相堯村	宜北縣城廂鄉相堯村國民基礎學校	
	文臣村	宜北縣城廂鄉文臣村國民基礎學校	

											中和鄉
											李花村
											宜北縣城廂鄉李花村國民基礎學校
											宜北縣中和鄉中心國民基礎學校
											吉祥村
											宜北縣中和鄉虎榜村國民基礎學校
											虎榜村
											宜北縣中和鄉峨山村國民基礎學校
											峨山村
											宜北縣中和鄉百祥村國民基礎學校
											百祥村
											宜北縣中和鄉永隆村國民基礎學校
											永隆村
											宜北縣中和鄉學強村國民基礎學校
											學強村
											宜北縣中和鄉學義村國民基礎學校
											學義村
											宜北縣中和鄉干城村國民基礎學校
											干城村
											宜北縣中和鄉上花村國民基礎學校
											上花村
											宜北縣中和鄉北宋村國民基礎學校
											北宋族
											宜北縣中和鄉英豪村國民基礎學校
											英豪村
											該校係二十五年二月一日成立同年十月籌設 幼稚園一所十二月二十六日成立上課 該村係中和鄉中心學校所在地毋庸另行設立 學校

宜北縣志

治安鄉	龍山村	宜北縣治安鄉中心國民基礎學校	該校係將縣立第一高級小學校改辦成立
	梁山村		該村係治安鄉中心學校所在地毋庸另行設立
	朝閣村	宜北縣治安鄉朝閣村國民基礎學校	該村係附近鄉中心學校兒童成人易於就學暫不單獨設立
	梁輿村	宜北縣治安鄉梁輿村國民基礎學校	
	廣容村	宜北縣治安鄉廣容村國民基礎學校	
	鼓樂村	宜北縣治安鄉鼓樂村國民基礎學校	
	三峯村	宜北縣治安鄉三峯村國民基礎學校	
	黃種村	宜北縣治安鄉黃種村國民基礎學校	
	隆道村	宜北縣治安鄉隆道村國民基礎學校	
	達科村	宜北縣治安鄉達科村國民基礎學校	
崇輿鄉		宜北縣崇輿鄉中心國民基礎學校	該校係二十五年二月一日成立
	東輿村		該村係崇輿鄉中心學校所在地毋庸另行設立

宜北縣志

永康村	宜北縣馴樂鄉永康村國民基礎學校	
鎮北村	宜北縣馴樂鄉鎮北村國民基礎學校	
長北村	宜北縣馴樂鄉長北村國民基礎學校	
翠山村	宜北縣馴樂鄉翠山村國民基礎學校	
城王村	宜北縣馴樂鄉城王村國民基礎學校	
道安鄉	宜北縣道安鄉中心國民基礎學校	該校係二十五年二月一日成立
永安村		該村係道安鄉中心學校所在地毋庸另行設立學校
順寧村	宜北縣道安鄉順寧村國民基礎學校	
長治村	宜北縣道安鄉長治村國民基礎學校	
北山村	宜北縣道安鄉北山村國民基礎學校	
雅脈村	宜北縣道安鄉雅脈村國民基礎學校	
太平村	宜北縣道安鄉太平村國民基礎學校	
永權村	宜北縣道安鄉永權村國民基礎學校	

附錄 思恩縣志 篇

(文貴瓶作賤抄襲旨乎斯言然而其中有連帶之關係不得不抄錄以供瀏覽)

有清一代本縣設訓導一員城率附學生員時加訓戒平時學官講學每月朔望須至文廟明倫堂講演讀臥碑其後浸以懈弛第每月課以一文一詩文爲八股體詩爲應制體惟學生仍須守臥碑不得妄行干涉地方事縣附生員清初定額爲八名三年一考提學使按臨慶遠閩邑童生約五六百人赴慶城考試歲試科試各取入學生八名入學後謁見訓導先議贊金贊金視學生之貧富爲衡二十兩至五六十兩不等至咸豐間土匪張標陷郡城郡守張凱嵩單騎奔思恩賴思恩紳士協力集團進圍規復郡城事平後張旋陞廣西巡撫遂由知縣王宗海詳文奏請加思恩縣學三名以後每歲科各取入學生十一名同治間學使池生春以思恩縣文學較各屬優美加撥府學一名後學使歐陽寶極又加撥四名每歲科思恩遂各得撥府五名生員在學以三十年爲期滿提學使按臨慶遠歲科並行歲試爲考核在學生員之成績而行一等生可以候補慶膳並帶考取童生附學科考爲錄取應舉而行一二等可赴考鄉試亦可補廩並帶取錄童生附學歲試生員之文藝優美者給予原膳縣額定原膳生五名共給熟米一十八石一斗零四合由糧賦額內開支食饌生以二十年爲滿期期滿以貢稱爲歲貢或遇恩典則考出一恩一歲出貢期定以寅午戌年出貢後歸部銓以教職任用須三十年方可選到清初歲貢須庭試乾隆年間貢生廷試始免由提學使代考給予貢單惟拔貢途酉年始舉

行須廷試清季變政創立學校訓導裁撤縣立勸學所爲地方教育行政機關補助縣知事辦理全縣教育行政

實業行政

邑民固守舊耕式毫無推廣實業之思想除治安鄉達科一帶之農民勤耕作廣植杉樹桐茶獲益甚豐外其他各鄉村實爲一種懶惰普通忤弗有推廣實業之觀念迨至民國七年由縣選送學生盧河一名赴甯寧入省立實業研究所研究由地方款支給川資畢業回籍舉辦棉業試驗場(場址即今之苗圃)購買各種棉籽試種行約二年成績尙佳至民十政變自治軍入境事遂停辦民國十八年隆縣長武功任內組織植桐委員會提撥公款買辦桐籽分發各鄉村民戶領去種植嗣因培植不善罔收效果又由地方款項下提出數百元派人下慶買取麥本回縣分種播種之饒各人不勤整理亦未見一點成績因買桐麥兩項耗費地方公款爲數不少民國二十二年縣長雲駟任內組織縣立苗圃一所(棉業試驗場舊地)設辦事員一人圃丁二人月支經費五十元又提款購買各種花木種籽播植秧苗以適應各鄉領秧移植借圃地不十分寬廣培植有限因款項困難撤辦事員僅留圃丁一人整理圃內花木剷棘莖草民國二十四年縣長李志任內令各鄉村每鄉開闢鄉林場一所每村開闢村林場一所廣植桐茶及有利益之樹木并令實行冬耕多種雜糧以救農村經濟之崩潰試以宜北全縣實業而論最發達者莫如治安鄉達科村每年收入甚大如杉木桐油菜油蜜糖香菌蔬菜等類獲益最豐各村宜仿效其良法而行或有致富之希望焉

財政

宜北邊僻小邑財政收入非常微薄除國稅省稅兩項由縣政府經徵解繳省庫外至於地方稅項即由地方財政機關

經理統籌支配每有入不敷出之嘆。幸羅補屋剝內醫瘡建設善後。結實在此也。當開縣之始。設地方統計處。管理地方財政。出納事項。後改爲地方財政員。民國十五年改爲地方財務局長。民國二十二年改爲地方金庫主任。歸併於縣政府內辦公益。將前代糧賦並地方款年中收支數目。逐列於左。

1、糧賦

一、前代糧額（見崇興鄉西興村那環碑記）

廣西慶遠府河池州思恩縣。踏勘田畝。以定規則。以便完納事。今將丈過中州三里五十二洞田畝。分派照數。均勻永爲規定。逐年照額納糧數目。備開於后。計開三里五十二洞原來黃冊每年額糧二百一十七石六斗正。大興村糧三十五石正。東興村糧二十石正。南興村糧二十石正。上里糧二十八石正。中里糧二十八石正。下里糧一十九石正。桃村糧五斗正。勞村糧三斗正。棒村糧三斗正。花洞糧四石正。獨洞糧二石正。雅洞糧三石五斗正。水院糧七石七斗正。會洞糧二石正。冷洞糧五斗正。汪洞二洞糧二石正。何洞糧二石正。吉留洞糧五斗正。述洞糧五斗正。崑洞糧九斗正。巴洞糧五斗正。常洞糧五斗正。以上各村洞共糧二百一十七石六斗。折價每石合價銀四錢。共計銀八十七兩零四分正。

大明萬曆四十年歲次壬子孟秋。谷且立。思恩縣知縣蕭鳴盛。主簿江伯淮。典史念大英。省察孫鳳楨。把總李正華。草啟。勸士舍歐。鞠歐邦官。

二、民國糧賦

全縣糧額於民國五年丙辰之歲。王召學任內。成立清賦。加重至壹萬肆千伍百陸拾玖元伍角玖仙。

宜北縣志

城廂鄉糧底貳千伍百元

中和鄉糧底貳千伍百元

治安鄉糧底貳千元

崇興鄉糧底貳千肆百元

馴樂鄉糧底貳千貳百元

道安鄉糧底貳千叁百陸拾元

三、糧賦附加成數

一、省教育附加國幣三成

一、縣教育附加國幣一成五五

一、購團鎗費附加國幣五成

一、警備附加一成五五

一、農民借貸所及農倉設備費附加三成

2、地方款

一、歲入之部 民國二十五年度

一、田賦附加壹萬貳千五百二十五元

- 一、串票收入壹百壹拾五元
- 一、菸酒牌照地方附加壹百元
- 一、菸酒公賣地方附加壹百九十元
- 一、契稅附加壹拾五元
- 一、銀行公股紅息五百六十壹元
- 一、鍋廠捐壹百叁拾八元
- 一、水碾捐玖拾式元
- 一、生牛馬捐叁百叁拾伍元
- 一、屠牛豬捐七百二十四元
- 一、菜市捐一百一十八元
- 一、木排捐三十七元
- 一、特許散館戒烟藥齊牌照費二十八元
- 二、歲出之部 民國二十五年庚
 - 一、行政費壹萬四千三百六十三元
 - 一、財務費壹千零四十四元

一、文化費壹萬零零二十八元

一、實業費叁百八十四元

一、交通費七百五十元

一、衛生費五百零四元

一、總預備費二千元

以上民國二十五年地方歲入歲出之欸係函詢地方金庫主任盧英列單送來照單紀載

官俸

縣自民十政變以後銜署迭被兵匪多次蹂躪甚至民國十九年三月間共匪陷城焚燬縣府所有一切案卷片紙無存以前之官俸無從稽覈今祇由民國二十年以後之歷任俸薪列下

一、民國二十年度

二、民國二十一年度

三、民國二十二年度

四、民國二十三年度

五、民國二十四年度

六、民國二十五年度

宜北縣政府二十年五月省政治會頒發經費表

職別	員額	小月		小月		小年		附 記
		支 洋	俸 單	支 洋	俸 合	支 洋	俸 合	
縣長	一	九八〇〇		九八〇〇		一二七六〇〇		
秘書	一	五七〇〇		五七〇〇		六七二〇〇		
佐理員	二	四〇〇〇		八〇〇〇		九六〇〇〇		
助理員	二	三二〇〇		六四〇〇		七六八〇〇		
承審員	一	五六〇〇		五六〇〇		六七二〇〇		
管獄員	一	三二〇〇		三二〇〇		三八四〇〇		
書記	三	二〇〇〇		六〇〇〇		七二〇〇〇		
檢驗吏	一	二〇〇〇		二〇〇〇		二四〇〇〇		

宜北縣政府二十年度經費表

職別	員額	小月		小月		小年		附記
		洋支	單俸	洋支	合俸	洋支	合俸	
縣長	一	一二〇〇〇	〇〇〇	一二〇〇〇	〇〇〇	一四四〇〇〇	〇〇〇	
秘書	一	七〇〇〇	〇〇〇	七〇〇〇	〇〇〇	八四〇〇〇	〇〇〇	
佐理員	二	四五〇〇	〇〇〇	九〇〇〇	〇〇〇	一〇八〇〇〇	〇〇〇	
助理員	二	四〇〇〇	〇〇〇	八〇〇〇	〇〇〇	九六〇〇〇	〇〇〇	
承審員	一	七〇〇〇	〇〇〇	七〇〇〇	〇〇〇	八四〇〇〇	〇〇〇	
管獄員	一	四〇〇〇	〇〇〇	四〇〇〇	〇〇〇	四八〇〇〇	〇〇〇	
書記	三	二四〇〇	〇〇〇	七二〇〇	〇〇〇	八六四〇〇	〇〇〇	
檢驗吏	一	二四〇〇	〇〇〇	二四〇〇	〇〇〇	二八八〇〇	〇〇〇	

宜北縣政府二十一年度經費表

職別	員額	小月		小月		小年		附記
		洋支	俸工	洋支	俸工	洋支	俸工	
縣長	一	一三〇〇	〇〇	一三〇〇	〇〇	一五六〇	〇〇	
秘書	一	九〇〇	〇〇	九〇〇	〇〇	一〇八〇	〇〇	
科員	二	六〇〇	〇〇	二二〇〇	〇〇	一四四〇	〇〇	
辦事員	二	四五〇	〇〇	九〇〇	〇〇	一〇八〇	〇〇	
承審員	一	九〇〇	〇〇	九〇〇	〇〇	一〇八〇	〇〇	
管獄員	一	四五〇	〇〇	四五〇	〇〇	五四〇	〇〇	
書記	四	二四〇	〇〇	九六〇	〇〇	一一五二	〇〇	
檢驗吏	一	二四〇	〇〇	二四〇	〇〇	二八八	〇〇	

宜北縣政府二十二年度經費表

職別	員額	國月		國年		附記
		幣支	單俸	幣支	合俸	
縣長	一	一〇〇〇	〇〇	一〇〇〇	〇〇	
秘書	一	七〇〇	〇〇	七〇〇	〇〇	
科長	一	五五〇	〇〇	五五〇	〇〇	
二等科員	三	四五〇	〇〇	二四〇〇	〇〇	
三等科員	二	三五〇	〇〇	九五〇	〇〇	
承審員	一	七〇〇	〇〇	七〇〇	〇〇	
管獄員	一	三五〇	〇〇	三五〇	〇〇	
書記	四	二四〇	〇〇	九六〇	〇〇	
檢驗吏	一	二〇〇	〇〇	二〇〇	〇〇	
				二四〇〇	〇〇	
				一一五二	〇〇	
				四二〇	〇〇	
				八四〇	〇〇	
				一一四〇	〇〇	
				二八八〇	〇〇	
				六六〇	〇〇	
				八四〇	〇〇	
				一三二〇	〇〇	

宜北縣政府二十三年度經費表

職別	員額	國月		國月		國年		附記
		幣支	俸	幣支	合俸	幣支	合俸	
縣長	一	九〇〇〇		九〇〇〇		一〇八〇〇〇		
秘書	一	六〇〇〇		六〇〇〇		七二〇〇〇		
一 等 科 員	二	四〇〇〇		一七〇〇〇		二〇四〇〇〇		
二 級 辦 事 員	三	三〇〇〇		六五〇〇		七八〇〇〇		
審判員	一	九〇〇〇		九〇〇〇		一〇八〇〇〇		
管獄員	一	三五〇〇		三五〇〇		四二〇〇〇		
事務書記	一	二五〇〇		二三〇〇		三〇〇〇〇		
承審書記	一	二五〇〇		二五〇〇		三〇〇〇〇		

宜北縣政府二十四年度經費表 (二十五年同)

職別	員額	二十四年度		二十五年同		附記
		國幣	工計	國幣	工計	
縣長	一	九〇〇〇	九〇〇〇	一〇八〇〇〇	一〇八〇〇〇	
秘書	一	六〇〇〇	六〇〇〇	七二〇〇〇	七二〇〇〇	
二等科員	四	四〇〇〇	一七〇〇〇	二〇四〇〇〇	二〇四〇〇〇	
二等辦事員	三	三〇〇〇	六五〇〇	七八〇〇〇	七八〇〇〇	
審判員	一	九〇〇〇	九〇〇〇	一〇八〇〇〇	一〇八〇〇〇	
管獄員	一	三五〇〇	三五〇〇	四二〇〇〇	四二〇〇〇	
事務書記	一	二五〇〇	二五〇〇	三〇〇〇〇	三〇〇〇〇	
承審書記	一	二五〇〇	二五〇〇	三〇〇〇〇	三〇〇〇〇	

警政

光緒三十一年縣令雷公文銳奉命來縣建立聽治因帶有防軍兩營分紮各區保衛治安故未設警隊迨民二年王召學任內始設警備隊一隊警士一百名編爲十棚每棚十名計什長一名並設總隊長一名綜理全隊事務副隊長二名勸理隊內各事宜所需月餉由地方欸項支給除留三棚常駐縣署保守及維持城廂治安外其餘分由各副隊長督率駐紮邑內各區要地保衛地方民國七年梁佩祥任內以地方多故非增加兵力不足以維持治安除原有警備隊十棚外又組織地方警察所一所委邑紳盧丕基爲所長所內警兵兩班則跟隨所長至中左右三區每區另設警察游擊隊一隊每隊三十名紮各區與警備隊聯絡共同防衛委地方紳士充任隊長其餉項照糧底計算每糧底一元每月捐收毫洋三角六仙充之民國十年周穉任內有自治軍周元陳桂芳何海清蒙家全等於九月三十一日攻陷城池縣公署之警備隊槍枝盡被勒繳無餘警察所長盧丕基祇能帶其所屬部隊向貴州下江縣宰便退却以保存其槍械不被勒繳及民國十五年盧所長逝世後十六年隆武功任內派員往下江宰便收回其槍撥作縣政府警備隊及地方民團之用計隨任成立警備隊三班民國十九年三月間共匪迫近縣城黃縣長伯安離職攜印並警槍九枝下柳交後方辦事處存留今未領回是年地方陷於無政府地位者半載有奇矣迨九月陳縣長作亮到任成立警備隊二班所用槍枝均由勦匪繳獲或向民間借用民國二十二年雲駢任內奉令改組將警備隊改爲政務警察共設三班內分衛生消防巡邏等組其槍械即以警備隊原有之槍及總部核發充之設正副警長各一員由省委任警餉由地方欸開支

建置

城池：縣治設縣未久財力薄弱尙未建築高大城池現環圍衙署者僅矮石牆而已牆高約七尺牆脚厚約三尺牆頂約二尺不甚堅固至街坊因無城郭防禦失堽民國十七年縣長隆武功徵調民工購集材料建築署東朝洞砲

樓署南體育場砲樓署西江洞砲樓共三座在風雲緊急之時可以派兵駐此防患焉

署廨：衙署係舊式屋宇構造第一進爲頭門一進三間（由下循上）右爲通報室左爲衛兵室橫右一進三間爲差房

橫左一進三間爲監獄第二進儀門一進三間橫右一進五間爲兵房橫左一進五間爲書記房第三進大堂一

進三間中爲法庭左右爲職員室第四進爲預審庭一進三間中設公案棹左右爲職員室連右三間爲東花廳

連左三間爲西花廳橫右一進五間爲廚房橫左一進五間爲勤務室第五進爲最後一進五間爲縣長室及重

要職員室民國十五年陸任將儀門一進拆卸無存民國十九年三月間共匪李明瑞二千餘人陷城土匪何老

八乘機附和將衙署各房放火焚燒差房監獄大堂兵房等處化爲灰燼其餘雖未被燬亦不過僅存瓦柱而已

內部則空空如也是年九月間陳縣長作亮蒞任無處辦公暫住高小校約一月有餘召集地方會議捐抽款項

約二千元重新建造監獄一進大堂一進兵房一進及購料修理各房內部十二月間離開學校搬入衙署照常

辦公其後歷任陸續修葺迄今稍有可觀民國二十三年雲軒任內另建廚房一進於東邊將以前之廚房改爲

職員室今東花廳改爲會食室西花廳改爲辦公廳其餘各房亦隨各任之改變未有固定

廟寺：附近縣署頭門東邊清代曾建有文廟一座三間民國初年又增建廟前一進三間左右橫房接連中爲庭院廟

後廢廟停祭則改爲團務總局警察所地方財務局教育局等機關先後就任辦公民國十九年三月間共匪放火焚燒片瓦寸木無一存焉（即現今之民團司令部）

治安鄉龍岩寺在板仁村邊附於岩口清代建造一進三間民國初年廢廟毀佛即改爲國民學校尙能敷用今屋宇猶存夏天就此避暑涼爽異常

崇興鄉迴龍寺在達興村測打後背清代建造一進三間民國初年廢寺毀佛寺宇丟空民十政變而後地方擾亂土匪據爲巢穴負險自恃莫之敢攻邑民受害擢髮難數至民國二十年冬匪幫罪惡貫盈經大軍李營長端金民團指揮官羅禪禪會師圍勦不過兩晝夜攻破匪巢犁庭掃穴縱火一炬寺灰燼焉

學校：於開縣之始縣長吳敬廉任內建築兩等小學堂在才西村前距署約半里計三進每進五間內分二講堂至民國十年辛酉三月十九晚匪幫韓四約一百人乘夜潛入搶劫學校拉去學生二十餘人到宜山測考一帶藏匿勒贖身金家資富裕之學生去銀二三千元中資去千餘元最低限度亦二三百元此次學生被拉勒贖損失數萬元之鉅大受創痛是年大局變更學校教育因而停頓民國十六年縣長隆武功恢復教育以原校不固前車可鑒遂派民工拆卸搬運磚石移來署前山脚重新建造上下兩進每進七間橫左一講堂三間橫右兩講堂每堂三間後又增添一講堂三間四週圍牆磚石鞏固前後對角砌成碉樓防禦匪患頗有把握民國二十一年添築廚房一座五間於左側外邊開門通內此係附城學校之情形也

一、李花村校舍一座五間民國十七年隆武功任內由公款補助五十元建造餘則派民工合作現附村公所在

內

- 一、馴駐鄉中心校一座五開民國十七年隆任撥支公款三百元建造民國二十四年李任係蒙永祥充校長增建一座現馴樂鄉公所附內

- 一、相堯村小學里校舍一座五開係小學里四甲民衆捐資於民國二十三年建造吳奉縣政府核准成立分校距離村公所約四里遠

- 一、相堯村校舍一座民國二十四年全村公衆捐資出工合建附村公所在內

- 一、治安鄉中心校一座七開民國二十三年李縣長希白任內提撥公款補助及派民工建築

- 一、鹿洞村校舍一座三開民國二十三年公衆合建

- 一、中和鄉中心校三進上下每進五間橫左一進五間民國二十四年縣長李志任內提撥公款補助及派民工建造附鄉公所在內

- 一、古樂村校舍一座三間公衆合建附村公所在內民國二十五年建成

- 一、崇興鄉中心校校舍一座七開民國二十五年建造附鄉公所在內

按——以上所列皆是已成之校舍其餘各村未建成而借用民房者現已陸續籌辦大約兩年內可以先後完成也

公所：一、舊保衛團局二進每進三間民國七年建成在署前山脚學校右側

- 一、舊民團司令部一座五開民國十八年建成在朋倫街開口

一、治安鄉公所一座三間民國二十三年建成在中心校對面梁洞四墟墟邊
一、崇興鄉公所一座七間民國二十五年建成并附中心校在大貢五墟墟邊

倉廩：民國四年成立倉廩兩座建於縣署之內一曰東義倉在東牆邊一曰西義倉在西牆邊至民國十年九月間自

治軍破城倉廩乃被拆燬無餘現由李縣長志另在明倫街街尾舊民團司令部內另行修建名曰縣農倉

祀典：縣署頭門東邊前設有文廟一座春秋行祭由縣官率領勸學所長員及學校校長在城員紳恭行奠祭於先一日榜示使各準備與祭其文云「廣西宣北縣爲祭祀事某月某日致祭 至聖先師孔子所有與祭生及祭祀各生均宜預期齋戒恭行典禮須至榜者」正獻主祭官縣知事某某陪祭生某某 春秋二祭啓五更一點縣官穿朝服與各官親詣 大殿唱起鼓奏樂執事各司其事正獻主祭官就位瘞手血迎神位跪九叩首禮與奠帛行初獻禮引唱正獻主祭官行初獻禮詣盥洗所盥洗淨巾升階登堂入室詣酒樽所司樽者舉樽酌酒致祭於 至聖先師之神位前跪奠帛獻爵叩首與贊唱讀祝引唱詣讀祝就位跪贊唱陪祭官皆跪引唱讀祝讀畢叩首與復位贊唱行亞獻禮引唱主祭官行亞獻禮升階登堂入室詣酒樽所司樽者舉樽酌酒致祭於 至聖先師孔子之神位前跪奠帛獻爵叩首與復位贊唱行終獻禮引唱主祭官行終獻禮升階登堂入室詣酒樽所司樽者舉樽酌酒致祭於 至師先師之神位前跪奠帛獻爵叩首與復位贊唱飲福酒受胙引唱詣飲福位跪飲福酒受胙謝胙叩首三與復位贊唱撤饌送神就位跪行三跪九叩首與奠帛者捧帛司爵捧爵各詣其所望燎灌爵禮畢退班開導回衙須至禮節者除祭文廟外別無祭祀而此項祀典民國初年已廢矣

文廟祝文 維先師德隆千古道冠百王揭日月以常昭自生民所未有屬文教昌明之會正禮樂節和之時辟雍鐘鼓咸格荐以馨香泮水膠庠益致嚴於鐘豆時屆仲秋欣逢祭日虔修祀典用展微忱尙鑒

附錄武廟祝文 主祭官某某致祭 忠義神武靈佑仁勇威顯護國保民關聖帝君之神位前白維 帝浩氣凌霄丹心貫日扶漢室而彰信義志在春秋秉大節以篤忠貞威行華夏神明如在遍祠宇於寰區靈應丕昭恭馨香於歷代履徵異蹟默佑羣生茲值佳辰遵行祀典筵陳俎豆凡冀牲醴祇荐馨香仰祈鑒格尙鑒

倉儲：縣屬向設東西兩倉在縣署之內由各團申抽谷送倉每糧一角抽谷五斤存儲選委地方公正殷實者負管理之責名曰總理協理其經費由義倉紅息項下提支糶糶期間規定每年四五月間放谷救濟平民十一月間收谷入倉每百斤紅息二十斤行之數年貧農救濟有賴至民國十年九月自治軍入境存谷爲其散失倉廩被其拆燬積年之基金掃蕩無餘矣民國二十三年省令組織鄉村學倉團倉農倉全縣五十八村街每村街按定置倉一座照糧底抽谷每糧百斤抽取十斤入倉存放以作救濟貧民及作各村基校資金現各村經已遵令成立
照常抽儲

自治

邑民風氣閉塞智識淺陋對於自治無嚮之程度惟保甲法在隸於思想時代已實行設置團總分編村甲清查戶口編訂門牌一家妄行九家糾舉發生匪警聯絡援警宣統年間縣令張松齡奉令頒行地方自治章程成立自治籌辦公

所自始研究所召集地方公正紳士研究自治章程三個月滿期舉行投票選舉自治人員縣城立董事會鄉立鄉事會辦理地勢自治事宜又成立參事會公選公正紳士爲會員行之數年袁世凱改行帝制通令廢止自治機關此自治之一停頓也民國八年恢復地方自治民國十年大局政變自治軍與人自爲政家自爲謀土匪蠢起民不聊生地方陷於無政府地位者半載矣自治事宜不能推行此文爲之一停頓也民國二十年省令舉辦清鄉殲除匪類中左右三區每區設一民團局及民團支局局以下設鄉村甲以十戶爲一甲以甲爲單位實行聯環保結一家通匪九家同罪至今依此沿行無大改變此又自治之大概情形也

兵防

一、廣容營房一座在治安鄉廣容村板光里村頭於清咸豐年間貴州苗匪王鳳作亂侵擾邊境前清舉人韋繼新辦團爲維持地方治安計乃於此建築營房一座四圍築土爲牆駐兵防堵以防苗亂至今舊址猶存

一、鹿洞營房一座在道安鄉鹿洞村玉華里對面於清咸豐年間因土匪滋擾無有寧日前清廩生蒙恩詔在此建築營房駐兵防守以維持治安今舊址猶存

一、中里八營房在崇興鄉雅山村屬肯南里於光緒三十一年土匪出沒無常時出爲患縣令雷公文銳在此建築營房一座派兵駐守以保治安民國十年政變匪燬無存

一、義道營房在道安鄉義道墟因該地距城遙遠屢被匪擾於民國七年縣長麥應榮提出公款就此建築營房一座駐兵防守維持治安現已傾圮無存舊址尚在

一、宜北縣分爲六鄉五十八村街民國二十三年每村建築哨壘一座於險要隘口派遣團兵防守以杜匪患均經先後築成

寇警

宜邑向屬思恩所轄與貴州毗連古稱蠻地蠻獠等族雜居清乾嘉以前有無寇警發生無志可考自乾嘉以後下鄉旁搜采訪前輩昔日筆記存稿載清代道光末年洪楊起義盜匪乘起咸豐初年有外匪朱四九約千餘人竄至中里八墟一帶滋擾時有前清舉人韋繼新約集團練會同武技韋金部攻破匪幫匪勢不支潰向三防逃去地方得安

咸豐末年太平軍翼王石達開派兵進據思恩城貴州苗匪王鳳作亂率黨千餘人竄擾治安鄉廣容二墟一帶舉人韋繼新督練勦匪匪潰向貴州逃去後韋公遂在板光村頭建築營房以防苗患現舊址猶存

同治初年治安鄉龍岩村板仁里梁上達與韋繼新因事涉訟至省上達被禁詎其通神脫網潛行回里勾結貴州九千里苗匪簡大王帶黨數百人與韋繼新城門尋仇報復焚燒韋繼新團房屋梁黨愈聚愈衆地方受驚草舉家避思恩盤谷寨方濂山寓吟詩設教數年之久其詩句有云「六年團總已無家」時上里韋梁兩姓各分黨派互相尋殺靡有寧日遂有韋梁械鬥之語後經縣官及地方團紳調和糾紛方止

同治次年貴州九千里苗匪簡大王竄入思恩攻陷縣城孔營長禦敵敗走思邑盡遭蹂躪後集兵團會勦苗匪潰散竄入宜北燒殺劫擄無所不爲時團總莫如勤盧丹成集團捕勦匪力不支敗退向貴州而逃地方始得安寧

光緒初年城廂鄉才院村清附生莫夢弼與思恩葛姓合股開鉄廠因利色私忿釀成大禍初涉訟於縣不決互控至省

萬勝莫負莫被禁於省運神脫網潛回鄉里號召黨徒謀舉大事四方歸順者絡繹不絕聚成千衆聲勢浩大自稱順德王駐紮才院村其公館對聯云「炮响動地驚天胡子聞聲裂胆旂開遮雲蔽日黎民引領歸心」又檄文云「蓋聞帝王廟起發於欽啟者孔多豪傑迭興出自布衣者不少是故高王以亭長興兵洪武以牧牛起義開漢四百年之基業成明十七代之山河上觀往古下察來今惟恐無虎賁之臣何患無龍飛之日孤自少攻書及長肄業芹花曾採於學宮丹桂未扳於月窟自笑漢家臣子反蒙胡虜冠裳揆諸天理其何以順叩諸人情其何以安况乎謝令不仁殘民以逞清廷無道華政肆虐華夏坐於塗炭蓋亦有年中原困於倒懸殆非一日孤目不忍見耳不忍聞反清復明之計早成變夷用夏之行未就復思不大困者不大多不奇窮者不奇遠且被葛姓之捏成受貪官之屈辱仰伏皇天保佑坭馬渡河全憑烈祖威靈白光引路豈非命也信是天乎現今坐才院之村無異咸陽鞏固守連天之隘何殊劍閣崎嶇策士謀臣如雲如雨憤戰能爭動云幾百荷戈負戟何止數千天與人歸神推鬼助以此制敵何敵不摧以此攻城何城不克蠢矣謝保年臨下里而魂飛天外野哉吳景亮過中州而魄散空中不有蔡陽之力難舞關聖之刀孤糧已足而兵已精謀已成而事已舉不日兵攻桂嶺馬渡環江凡屬萍鄉畢窰葭李之誼乃若梓里分明瓜葛之親如列謀功之輩同具攻城定加獎賞務農安分之家諭其迴避免受驚恐先此曉諭咸使聞之欽哉勉之」當時四鄰聞風附和葛姓懼迭呈請縣官亦有懼色詳請派兵攻討省憲遂派臬司李秉衡帶省防軍并調湘軍到恩恩城聞莫聲勢雷屯雲集不敢直衝開軍事會議分路進兵光緒十年四月蘇元春帶湘軍由馬口洞進董管帶由永安路進蘇軍奮勇猛進先占地勢莫退回中河四月初八日在河對戰一小時蘇軍槍械犀利莫只鳥鎗暗鎗桿隔河交戰力不能敵遂奔北而退當日如王帝逐鹿之

戰是日天日有重輪光彩四射此亦異徵莫兩兄弟星夜奔走竄入黔省古州潛藏再圖大舉其部下參謀羅壽山心懷
巨測貪賞反擒夢弼夢葵兩兄弟解送邀功阿葵遂在思授首示衆時盧公丹成與思恩葛姓有親戚之誼亦爲莫所忌
惹起糾紛雙方發生鬥爭親戚因受牽連損失不少

道光年間鹿洞塘善村附生覃昌明家資巨富於六月六日晒銀爲家工窺見垂涎私引苗匪百人左右各持刀矛黑夜
中搶劫其家貨物一空聞總豪恩詔起圍追捕苗匪竄逃

咸豐年間北宋村盧公式慎曾任雲南藩庫太史卸任回籍頗有所積時當地地方不靖藏避山寨內匪勾引外匪數十人
破擄其寨貨物盡空全家男女老少被害九命後盧公建旌表牌坊於其村前印有一門九烈簡冊

光緒廿八年游土各匪盤踞思恩下幹一帶八月十五日游匪傳進與千餘人上到建洞(即今之縣城)嘯聚住兩日勒
令附近村庄老壯人等歸附揭舉紅旗在朝洞開台拜會對衆演說願吾者生逆吾者亡地方民衆驚慌失措紛紛逃上
山寨躲避匪幫從此連續而來

光緒廿九年繼有游匪朱五徐大林華堂等幫聚成萬衆先後上來駐備三里五洞勒捐紅牌焚舍劫寨無所不爲邑民
受害不勝枚舉據約一年後經大軍龍濟光統領率隊勦擊追至思恩廣南洞交戰數日匪敗全幫遂撲滅焉

民國四年外匪李媽拐老皮股等幫在左區邊界出沒無常時來搶劫左區各村拉生勒贖地方惶惶不安

民國十年三月十九晚上匪幫韓四劉安廷潛入縣城搶劫高級小學校拉去學生二十餘人帶至宜山屬測考一帶勒
贖身金或數百元或數千元此次學生被拉損失共數萬元之鉅大受痛創

民國十年九月二十一日自治軍陳桂芳周元何海清蒙家全等共千餘人陷城縣長周械遷住東門佛建岩內被勒繳印空手還鄉自治軍佈告收糧又按每牌捐取毫銀七十五元白米一百斤豬肉五十斤送濟軍需倘有違抗燒殺劫掠崇興樂才交乘被匪攻破拉去男女數十人貨物擄送十一月警察所長盧丕基向貴州下江縣請得友練數千人回鄉時我邑蒙俠任下江縣長回來援宜與自治軍交戰克復城池因糧餉缺乏支持不久城又失陷全邑被匪燒房者數十村損失不計其數由本年起地方匪窺愈出愈衆演愈兇民受蹂躪慘不堪言因大局變更省憲無力維持

民國十一年韓彰風韓彰輝韓瑞琪楊世昌約千餘人盤據城池捐米每牌一百斤豬肉五十斤並征收糧賦接濟軍需是年外匪劉安廷蔡鴻生等幫和繼而來本地土匪乘機蠢起匪館林立勒抽銀米霸收墟捐紅旗遍地瘡痍滿目罔共岳者有之姪殺其叔者有之生殺予奪民不聊生

民國十二年正月韓軍下思恩進歷遠隨有外匪龐德偕舒老六黃生賢等幫接踵而至就地捐款供其食用又有黃秉風竄擾治安鄉破殘洞山寨拉人無數擄物一空是年全縣盜匪如毛無一片乾淨土三枝槍爲營長五條鎗爲司令彼此稱強甲乙稱勝地方廬舍邱墟田園荒蕪真難言慘狀

民國十三年劉安廷劉中球蔡老甲黃用舟等囑聚縣城戴老水草鉄虎礮右區惟是年時常不下千餘人滋擾各村人民有田不能耕有家不能歸避居山野露宿風餐環顧鄉里舉目荒涼

民國十四年五月十四日雲南紅頭軍唐繼虞李友勤二萬餘人過境停駐數日地方各米爲其擄盡卽向貴州而去是年土匪充斥又加大軍數萬經過米糧因之大貴每毫銀壹元僅買得白米三觔皆由苗山三防運來救濟民衆餓死不知凡幾樹皮草根挖食殆盡餓卒載途白骨滿田九月韓軍復來沈鴻英二千餘人同時蜂擁而至分駐逼邑軍用米餉悉皆就地籌給人民自此重責痛苦不堪十二月向貴州而去誠空前未見之奇災

民國十五年匪幫秦鴻生覃老雷散駐左右各區搶村劫舍拉人擄牛上峯派來正式軍隊數百人攻破崇興崇大貢梁殺斃匪徒數十人地方匪患稍減一二至十一月沈鴻英部隊數千人由貴州而來盤據各鄉捐米每牌二百斤猪肉五十劬駐月餘仍退由貴州而去


民國十六十七十八等年地方盜匪遍地充斥農村痛苦與前無異

民國十九年三月間共產黨李明瑞張雲逸陳豪人共數千人陷城兇惡異常殺人放火姦淫擄掠種種暴動無所不爲焚燒縣政府各房以及卷宗化爲灰燼殺害團總韋茂松一命情狀至慘共竄送與土匪何老八槍枝數十桿助張匪勢何匪住肯地岩固然殘暴宜北受其禍害指不勝屈得有共黨補助槍械增加勢力兇殘益張地方受害水深火熱共黨去後六月間黃聘三約千餘人由羅城三防路而來駐城月餘勒捐軍米每牌三百斤人民苦不堪言民團副司令覃秉政隊長覃楨被其殺害慘狀難書是年永安有匪幫韋文標數百人噓聚下城一帶左區有關康蔡鴻英等匪幫聯絡本地土匪百餘人駐據迴龍寺爲巢穴燒殺劫擄無惡不作

民國二十年十一月省憲派大軍營長李瑞金會同民團指揮官羅禪輝統率大兵臨境圍剿廻龍寺匪巢攻兩晝夜遂破當場擊斃匪徒不計其數生擒者數十人起獲被擄難民多命貨物甚夥犁庭掃穴匪風遂熄而永安韋文標匪幫因其狡兔多窟不易勦滅上憲乃利誘其出編帶下柳州設計逐一緝縛盡行斬決無一漏網是幫由此完全撲滅矣

民國二十一年地方匪患完全除淨省令清查戶口舉辦清鄉組織民團訓練民衆近幾年來邑中安靖慶享太平人民在數年前逃避山寨者今已回家安居田園之荒蕪者今已陸續墾耕若從此以後安堵無驚則元氣不久亦可恢復原狀也

民國二十四年八月間思恩匪首何老八蒙十二代住肯地岩經民團指揮部派兵會同思恩宜北兩縣起圍會剿圍攻十餘日破入匪岩擒獲何老八蒙十二代解下思恩縣斬決梟首示衆兩縣人民痛快淋漓額手稱慶現邊境已無匪患矣

A decorative rectangular border with intricate floral and scrollwork patterns, enclosing the central text.

第
四
編

經
濟

產業

一、農產

一、穀類 糯米 粳米 粘米 大麥 小麥 蕎麥 玉米 高粱 雜米

一、豆類 黃豆 黑豆 紅豆 綠豆 刀豆 毛豆 飯豆 扁豆 豌豆

一、菜類 1、(葉菜) 芥藍 青菜 坡菜 蕪菜 莧菜 同蒿 苦馬 韭菜 廣菜

紅青 芹菜 白菜 蔥花 蒜 包生

2、(根菜) 蘿蔔 茨茹 紅薯 黃薯 白薯 毛薯 山薯 芋子 生薑

3、(果菜) 南瓜 黃瓜 絲瓜 西瓜 水瓜 苦瓜 葫蘆 茄子 厥子

一、果類 1、(核果) 桃子 野桃 胭脂李 四月李 苦李 枇杷 柿子 萬字果

2、(仁果) 柚子 柑子 檸檬 橘子 雪梨 沙梨

3、(殼果) 龍眼 板栗

4、(醬果) 葡萄 石榴 黃皮果 橙果

一、花類 菊花 鷓冠 月季 盤龍松 板牆 牡丹 指甲 茶花

一、棉麻類 土棉 苧麻

二、農業

宜北縣志

宜北全是以農爲業自耕農質居多數佃農祇占少數而已惟佔有土地稍多之戶不能自耕者分給別人佃種或僱工助其勞作其工資方面可分爲長工短工兩種支給長工按月計算每月工資二元五角食費由僱主負擔年終製與衣服一套短工按日計算每日工資五角伙食在內工畢給資並無發生糾紛

1、地價

田分上中下三等價格上等田每禾一雙價銀三元至六元(本縣收谷以雙爲單位每雙可得淨米十五斤)中等田每禾一雙價銀一元五至三元下等田禾一雙價銀五角至一元歷來之一般價格大都如此亦可隨時勢轉移也

2、播種法

種穀用浸種法先選良好種籽除淨壞粒用籬盛之浸於水中約經一日撒播秧田分隔段落俟秧達到相當時期拔起細束分種各田其餘玉米豆類播種地面覆以稀土聽之生長限時鬆土除草

3、農具

農工所用惟犁 耙 脚犁 鍬 鎌刀 禾剪

4、肥料

種田所用肥料惟牛糞豬糞草灰綠肥墨石牛骨石灰桐渣於插田十餘日施肥

5、播種期

種稻在谷雨節下秧本或亦有在立夏時下種中部氣候寒冷三十六天拔秧分種左右兩部氣候溫和二十六天或二

十八天可以分種玉米在清明節前十天播種麥子九月間播種豆麥在四月間播種糙米五六月間播種

6、收穫期

三月收麥六月收玉米七月收粘米八月收豆九月收稻及收穫米晒乾進倉儲藏

按——本縣氣候寒冷每年種農作物只能一造

林業

(一)木之類

杉木 茶油木 桐樹 楓樹 梧樹 楊柳 紅栗 錐栗 椿樹 榕樹 樟樹 野桑 千歲木
檀香 柏子 松樹 金剛 梅樹 上楠木 黃楊木

以上所列之木除杉桐茶等木用人力種植外其餘均係自然生長縣地天然林頗多滿山滿野森林蒼翠不知其名者可稱雜樹邑人砍樹造成香菌獲利甚大

(二)竹之類

金竹 白竹 大頭竹 苦竹 南竹 櫻竹 黑竹 吊竹 箬竹 冬竹 羅漢竹
種竹均用人工鬆土以竹之根芽栽於地下次年出笋漸長漸多

(三)茶之類

香茶 金鈞茶 苦茶 藍院茶 民國十五年縣府檢送香茶種子寄到南京試種出茶品種最佳
曾給予獎狀若更加研究改進種法及製法將來茶業發達未可限量

(四)藥之類

熊胆 麝香 虎骨 牛黃 龜板 穿山甲 羚羊角 猴結 當歸 川芎 杜仲 天青草 石
菖蒲 骨碎蒲 四方藤 皂角 黃草 見血飛 桑白皮 丹白皮 土人參 路邊菊 九里光

宜北縣志

夏枯草 水草 金耳環 紫草 滿天星 蒲草 木賊 薏苡 蒼耳 葛根 淮山 毛根 馬鞭草 金櫻子 山梔子 百合草 百部 車前草 烏倍子 黃柏 黃芩 王不留仁 大血藤 黃精 羅裙帶 天門冬 地門冬 桃仁 金銀花 花椒 巴豆 草薺子 谷精草 厚樸 山茨菇 天仙子 艾葉 紅背菜 馬齒莧 赤茯苓 澤蘭草 紫蘇 薄荷 劉寄奴 芭蕉 蒲公英 白頭翁 野桂 天南星

礦產

(一) 金屬

1、鐵礦 馴樂道安兩鄉山脈綿亘數十里多產鐵礦已經開採著有再興廠復利廠復合廠廣利廠等集股開辦均著有成效

2、銀礦 相傳道安鄉北山村有銀礦在地清乾隆間經行開採鑿山採礦運到架洞鑄錢已著成效嗣

因山崩壞人乃行停止厥基猶存

(二) 非金屬

1、硝磺 縣屬各山岩隨處有硝祇政府懸為禁例商人不敢開採耳

2、煤礦 馴樂鄉紅山地方煤礦甚多土人採為燃料及造鍋爐之類

3、墨石 城廂中和上花峨山英豪各村土岩中所在多有農家挖取以作墾田肥料成分頗佳

4、石灰 隨處皆有之掘土作鑿推青石於其中用火燒之即成生石灰其用途頗廣

水產

- (一)鱗之類 鱗魚 鯉魚 青魚 鰱魚 黃魚 草魚
- (二)無鱗類 團魚 狗魚 泥鰍魚 點秤魚 黃鱔魚 塘角魚
- (三)蚧之類 蚌蛤 田螺 蝸牛 蛤蚧 山瑞 旁蟹 蝦子

漁業

本邑治安鄉達肯才板等村居民常養鷺鷥黃類以爲捕魚之用并自結網罟於秋冬農隙時期用漁艇三五成羣巡行左江河下至思恩宜山所屬之河懷遠等處捕魚以爲副業至崇興鄉板冒村亦有數家捕魚爲生活又馴樂道安兩鄉沿河岸邊居民亦結網罟取魚以佐肉味惟城廂中和兩鄉因地勢過高向無漁利可圖近數年來有商人由貴州販運魚苗遊村出售每東毫一角可買鰕魚仔約一百尾放之田間至秋冬割禾後放水取之重約半斤名曰田魚近來邑人亦有知養魚母存俟谷雨節時將魚母換入新塘從高處放冷水淋其魚背更用蕨草敷塘魚即生卵隨撈取附卵之草另行放置於水田之內經三七日後魚仔自漸長大獲利頗厚此邑中漁業之大概情形也

畜牧

(一)家畜獸類 牛馬豬羊貓犬
牛分水牛黃牛兩種秋冬時則放之野外吃草每十戶或二十戶共成一羣每日用一人看守輪流任務週而復始至晚

吹牛角爲號趕牛歸欄由牛主自行檢點如有偷盜落井虎咬尋不見賍證者看守人負賠償之責若見賍物則免責任到春耕夏種時各自管理或割草飼養水牛黃牛均能耕田且能生產獲利頗厚一年一胎惟水牛比黃牛產期稍遲耳馬種只有一焉邑產之馬身矮而小但頗善騎畜牧之法與牧牛大致相同熱天須常洗刷以去病癩至其生產期一年一胎

養豬之法係用野菜取米糖貯於大鍋煮熟以喂之者至蒸酒之家加酒糟喂之更爲肥長迅速但豬之生育比牛馬不同一年兩胎每胎多則十五隻以下最少亦三隻以上濼利頗多如養公豬能善飼之週年卽長大至百餘斤專供肉膳售之亦得毫銀十餘元至二十元家家養之以助進益

羊只有一種牧畜之法預先買牴羊兩個牴羊一個每日上午十時並須察看何處是向陽之方露草已乾始行放之任其吃草及晚斜陽西下卽驅之歸棧方免遭瘟復查羊性喜燥惡濕故養羊須先建好羊棧如置之濕地則不繁滋至其生產力每二年可產五胎每胎一至五隻不等

貓只能捕鼠並無別用故畜貓者須用肉和飯喂之或用生魚更妙因貓類虎最好腥膻但生產不繁每胎只得一二子如遇寒天多遭死亡故其不甚繁殖也

犬能守家又能田獵畜犬者飼以肉飯善教之則性馴能通人意守家之犬則視主之願盼射獵之犬則受主人之指揮其生產時每年兩胎或三胎不等每胎三子至五子爲止

(二) 家畜禽類 雞鴨鵝鴿

養雞之法係用谷米飼養其距能翻土啄食小虫公雞能司晨母雞能生卵孵雞每窩十餘隻邑人固守舊法不知改善產卵甚少雞身不大今後養雞宜根據科學改善方法則利益甚溥

養鴨之法鴨母只能生卵不能覆孵須以人工造成用多年陳粘谷炒之熟良約五分先盛鴨蛋於桶內每蛋一層敷粘谷一層并須每日更換二三次約二十日以上即登之於床且須日巡數次至三十日始生鴨崽挑往墟中發賣每百隻價銀二元五至三元養鴨者買回須飼以煮熟之粘米過三五日放之溝中啄食魚蝦逐漸長大約兩個月每隻可重二斤餘價值價銀二三角尙能獲利此不過貧人營此事業耳

養鵝之法先選取雌雄成對放之田間或河畔採吃生草約半年始產卵每窩十個左右鵝母覆卵與雞相似約三十日孵生鵝子其雄甚惡遇人則啄因其殘食田禾令人厭恨邑中少養之也
養鴿之戶甚少不常所見鴿性喜吃鹽辣且喜飛入水缸洗濯故人多厭而少養也

按——飼養六畜其目的在求增進利益而畜舍必須適合衛生尤應改良畜種使之繁滋根據科學改善飼養方法庶牧畜日有進步也


(一)野產毛族及羽族

毛族類 虎 豹 狼 熊 鹿 麂 野豬 野貓 香羊 山羊 猿 猴 白面 黃獺 箭豬 野鼠 黃腰

狐狸

羽族類 野雞 野鴨 水鳥 烏鴉 斑鵲 鸚鵡 斑鳩 金雞 畫眉 報春鶯 燕子 黃雀 伯勞 鶻 鵲

宜北縣物產圖



廣西宜北縣物產圖
 第四科繪圖
 民國二十六年三月
 二十五日

工業

邑人工業遠讓他邑且狃於古制不知改良器具出品陋劣價值過低茲畧分述之

(一) 陶業：城廂文臣村人開土碗廠製造土碗湯碗菜碟酒杯中和鄉上花村人開土罈廠製造土罈水缸之類馴樂鄉紅山人採取煤礦除供燃料外並造煤罐煤鍋之類觀察上列各村所製碗碟缸罈鍋等器型式無大差別祇其不善上釉色彩過劣致而價值過低獲利微薄

(二) 冶業：再興廠復合復利廣利等廠鑄鐵塊並造鋼鍋運往外縣發賣進益不少(即鼎鍋尺八鍋之類)中和鄉

峨山村人百祥村會洞人善製鐮刀柴刀菜刀斧頭鋸口等甚為精美馴樂鄉翠山村那洞下地及下幹人各戶均能造成鐮子鋤頭剃刀柴刀鐮刀等鐵器運銷內地及運往下江發賣頗獲利益

(三) 木工業：邑人無有專業惟各村均有木匠祇其於農餘時間與人作工鑿木造屋

(四) 石工業：石工鄉間隨處皆有而以才昂雅京兩村為最多數

(五) 縫工業：向昔縫工均以女子充任凡家中作衣女子自裁自縫不假手於人亦有少數男子學縫者近來縣城成衣機器有十餘架鄉中子弟喜其工藝精巧競相投之而鄉村縫工乃受打擊幾乎無存矣

(六) 紙工業：治安鄉廣容村有大紙廠一座以竹浸沒加以石灰迨數月竹腐成摺用木搗濫製作炮紙運下懷遠發售百斤獲價三元至五元不等并裁作紙錢用之焚以敬神

(七) 織工業：邑居邊僻生活艱難素無專門織工各家所需之布皆由婦女自種棉花自紡自織自縫自衣已耳

商業

縣屬位於本省之極邊商業冷落以縣城論雖有商舖數間在街開設然資本微薄貨物無多至各墟場亦屬微小每逢墟期人不過千墟中賣品米肉棉布鷄鴨而已蘇杭雜貨攤面資本亦不超過百元由此觀之瞭然宜北商業之衰落也縣屬出產城廂中和兩鄉以黃豆爲大宗治安崇興兩縣以香菌桐油茶油五倍子蜜糖茶葉杉木爲大宗馴樂鄉道安兩鄉以鐵礦鐵鍋鐵塊杉木白米爲大宗而尤以鍋頭出品獲益爲大每年進款萬元以上惜操在外人之手邑人未沾何益也

交通

(一)水路：邑有左右兩河道左江河又名三里河其水源係由貴州下江縣交界而來經過治安鄉崇興鄉而出思恩屬拉友瀾門廠到宜山刺考安馬直達懷遠鎮與右江河會合是河灘稀水順可通小舟春夏水漲每船可載三千斤秋冬水淺每船僅載二千斤如遇灘急難行船伏必涉足下水用肩膀合力推船始能流行地方平靖人民皆以此河爲生活右江河又名馴駐河出自貴州荔波九千里而來經過馴樂道安兩鄉而出思恩屬之傳溪洛陽等鄉過思恩縣環江直達宜山懷遠鎮與左江河會合是河灘急高險舟行不易每有虎臂之虞故少有行舟惟竹筏則常有上落也

(二)陸路：宜北號稱山國鳥道崎嶇近數年來開闢各鄉道路可謂便利交通矣

1、宜崇馬路由縣城達崇興鄉之馬路於民國二十三年甲戌春縣長雲軒任內征調民工建築2、由縣城達道安鄉喇接思恩馬路於民國二十三年甲戌冬李縣長希白任內征工建成3、由縣城達馴樂鄉之公路於民國二十五年春季縣長李志任內建築4、由縣城到中和鄉之公路二十五年夏季建成5、由中和鄉接達馬口洞達到思恩喇接肯甫之馬路二十五年冬季建成6、由縣城達治安鄉之公路二十五年冬季二月征工建成各村公路亦陸續修築邑內交通便利再不比過去之羊腸鳥道行走維艱也

(一)電話：民國二十二年雲縣長任內選送學生赴柳學習電話技術畢業回籍辦理電政

1、由縣城到道安鄉之電話喇接思恩於民國二十二雲軒任內架設2、由縣城到治安鄉之電話於民國二十三年冬季李希白任內架設3、由縣城到中和鄉之電話於二十四年架成4、由黃城到馴樂鄉之電話於二十五年春季縣長李志任內架成5、由縣城到崇興鄉之電話於二十五年夏季建成6、由縣城達慶遠區部之電話同年夏季架成7、縣城民用電話設在醫務所內二十六年元月架成

(二)郵政：宜北邊僻小邑不設郵局只有郵政代辦所一所由宣統元年成立三期至民國二十一年改二期

水道

縣屬水道只有左右兩河已詳列水路類不再重贅

水利

縣屬城廂鄉遍地皆山且甚高登近城有小溪一條係發源於石厓陰山間流出經過龍水梅林二村之前而環繞於江隆村背轉至縣城對面之大拱橋傾入龍潭深不可測直流而下過學強村之沃近溪倒下洪浩小村邊過板廟墟遠關而入于三里河溪之兩岸各村民均砌成水壩蓄水注田計可灌溉農田數百畝至中和鄉則無大溪惟有水泉自山流出農民引為灌溉田畝之用如遇荒旱水涸則有深潭蓄水農民厚之以養田亦有造水車備旱者治安崇與兩鄉位居三里河兩岸隨處可砌水壩及造水車至其最高之處亦有小溪由高傾下足資灌溉天旱亦可收成又馴樂道安兩鄉則馴馴野河迂廻灣曲貫入中間兩岸居民均築水壩以灌田畝其最著者為前賢雅脈村腰洞人章乙佩曾自出資本築成旺山壩可資灌溉十里田畝永權村亦修濬纓泉可養田數百畝此縣屬水利之大概情形也

貨幣

縣屬上古時代係閉關自守民間交易均以粟易布貨幣尙無標準明清以還漸有考據茲將采輯得之分別於下

貨幣種類	行使時期	兌換比價	信用程度	流通狀況
銅錢	明洪武有洪武錢清道光咸豐各有銅錢均在清代通行至民國初年廢止	每紋銀一兩兌換銅錢一千二百文	全境通用	民間交易咸稱利便
錠銀	清道光至光緒末年	每錠重十兩每兩兌換銀錢二千文	完全信用	同上

花邊銀圓	同	上	每銀一元兌換制錢一千四百文	同	上	同	上
碎銀	清同治光緒間多用之	每碎銀一錢兌換制錢一百四十文	同	上	同	上	上
毫錢	清光緒間	每花銀一元兌換毫錢十千文	民不願取	同	交易不便禁止		
銅圓	光緒中年	每銀一角初發十枚中發十二而十四十六十八二十現枚兌換至二十八枚	信用	用	流通無阻		
銀毫	光緒末年	每銀一角換銅仙十枚至二十八枚至民國二十四年不准用	信用	用	流通無阻		
鈔票	民國二十三年	每鈔票一元換銀一元	民間利便信用		僅限省內		
金庫券	尙未見用						
中山毫	民國十八年	一元換八角八折而已	信用	用	流通無阻		
日本銀圓	光緒二十八年至民國	每元換得一元三毫	今已不用				
首飾	沿用已久	每兩換一元	民心好用		只作裝飾并無交易		

A decorative rectangular border with a repeating floral and vine pattern surrounds the central text.

第五編

文化

文化起源及變遷

縣屬上古文化遠不可考自漢惠帝趙佗稱臣於漢漢以兩廣地封佗爲南粵王迨馬伏波將軍平蠻振藤附葛靚詣斯境（現崇興鄉久懷村背有馬伏波馮此字跡）邑地始入版圖宋元年間上派員測繪擬設縣署於道安鄉永權村築土爲城開東南西北四門故名下城後因恐於風水改往思恩設署自有縣治以還邑人稍知文字研究詩書六藝之文此文化之起源也明代雅脈村韋紹前韋紹伯習八股文章及詩聯赴柳州應試取錄生員後補廩出貢邑人競向求學乾隆三十七年遷考棚來慶遠宗師范斌按臨考試自文化漸開道咸間韋乙佩韋繼新學貫一時乃邑中文化之增進時期也清光緒二十六年詔廢科舉廢八股文詩律邑境尙隸思恩學堂未及建設學業荒廢迄四五年於茲宣統元年建設兩級小學堂一所於縣城才西村前分高等初等兩班教授科學爲國文地理歷史算術體育博物圖畫此文化第一步變遷也

學校教育

1、以前之學校

- 一、縣立兩等小學堂宣統元年建立內有高等初等兩班學生共百餘人每月經費由地方屠捐支給校址在才西村前距城半里民國十年辛酉三月十九晚被匪擄韓四劫校拉去學生二十餘人至此停頓
- 一、區立第一初級小學校民國初年成立學生三十人每月經費十二元校址在才院村
- 一、區立第二初級小學校民國初年成立學生三十人每月經費十二元校址在豪洞村

宜北縣志

- 一、區立第三初級小學校民國初年成立學生三十人每月經費十二元校址在邦洞村
 - 一、區立第四初級小學校民國初年成立學生三十人每月經費十二元校址在下洞村
 - 一、區立第五初級小學校民國初年成立學生三十人每月經費十二元校址在甘洞村
 - 一、區立第六初級小學校民國初年成立學生三十人每月經費十二元校址在巖山村
 - 一、區立第七初級小學校民國初年成立學生三十人每月經費十二元校址在下料村
 - 一、區立第八初級小學校民國初年成立學生三十人每月經費十二元校址在六道村
 - 一、區立第九初級小學校民國初年成立學生三十人每月經費十二元校址在介洞村
 - 一、區立第十初級小學校民國初年成立學生三十人每月經費十二元校址在堯四村
- 以上學校於民國十年時局變更時停頓

2、現存之學校

- 一、表證中心國民基礎學校內有高級生兩班初級班兩班約有二百人每月經費由省款支給半數縣款支給半數民國十五年隆縣長武功任內遷來署前東門山脚建築前後有砲樓頗為穩固
- 一、中和鄉中心國民基礎學校內有高初兩班學生約百人每月經費由縣款開支校址在吉祥村墟邊民國二十五年新造
- 一、治安鄉中心國民基礎學校內有高初級兩班學生約百人每月經費由縣款開支校址在梁洞四墟墟邊民國二

十三年新造

一、崇興鄉中心國民基礎學校現尚在籌備建築中

一、馴樂鄉中心國民基礎學校內有高初級兩班學生約百人每月經費由縣款開支校址在馴駐老街民國十五年
建造

一、道安鄉中心國民基礎學校現尚在籌備辦理中

一、全縣分五十八村街每村已經成立村國民基礎學校一所每校學生三十人左右每月每校經費十二元校舍陸續建成

以上學校均由幹訓畢業生充任校長兼村長後檢隊長等職負三位一體之責任推行廣西三自三寓政策以建設廣西復興中國

社會教育

縣立宣講所 民國初年衙署東轅門左邊成立宣講所派勸學所勸學員每逢墟日宣講教育要義并下鄉宣講實行

數年社會大衆頗能了解迨民十政變始停廢

平民夜學 民國十六年陞縣長任內小學相堯李花等村成立平民夜學每村一所不分男女招收入學上課講授適

應日常生活必需之文字并講解公民常識半年停辦

圖書館 民國二十一年成立由地方款購買多種書籍存放館中供應民衆披覽參考

教育會 民國二十三年成立內設幹事數人由地方選舉辦理社會文化事業


白話劇 民國十八年隆任辦過一次民國二十二年雲任又成立驚夢話劇社表演多次成績尙佳

成績展覽會 民國二十二年冬季雲任舉行各校成績展覽會凡各校如有成績占得優勝者則給予獎品在體育場

舉行頗爲熱鬧足以引起民衆興奮傾向教育略線正步前進

宗教

邑人素來崇尚道教佛教每有災難則設道祈神以求護佑父母逝世則誦經拜佛以度超并除此之外別無信仰現積極宣傳改良風俗破除迷信以道佛亦逐漸消滅矣

A decorative rectangular border with intricate floral and scrollwork patterns, enclosing the central text.

第
六
編

人
物

官職

縣屬向隸于思恩歷任官職在未分治之前思恩縣志紀載無遺光緒三十一年劃分邑境為安化撫民分府後改安化縣繼改宜北縣茲將歷任官職詳列于左庶開闢之功不泯俾後人一覽而知也

官職官

宜北縣歷任官職姓名一覽表

朝代	姓名	別號	籍貫	出身	到任年月	在職操行	卸任年月	備考
清	雷文銳	子明	四川	附貢生	光緒三十一年		光緒三十三年	建設衙署第一任官
	李肇律	懷廣	四川	進士	光緒三十三年八月初二日		是月二十六日卸任	代理二十四天
	譚鄴華	臨川	湖南	舉人	光緒三十三年八月廿六日上任	理政明決地方胥賴立德政碑紀念	光緒三十四年卸任	前署思恩後調安化
	吳敬廉	勉之	江西	監生	光緒三十四年上任	勤政愛民	宣統元年卸任	
	黃玉森		湖南	監生	宣統元年上任	誇大自高好談惡直	宣統二年十一月撤職	十一月十九日被匪劫署朱印被摻
	賀源清	怡生	四川	進士	宣統二年十二月上任	心存道德	宣統三年二月卸任	
	趙紹會	謙怡	四川		宣統三年三月上任		八月卸任	

宜北縣志

汪汝楫	賀憲章	梁慶會	梁佩祥	蘇禹基	麥應榮	王召學	潘贊銓	鍾元勤	黃堃	王召學	黃鳳翥	張松齡
仙舫	宗魯		紫波	穎根	袁甫		谷吾	善初		幼琴	錦城	雯沼
安徽桐城	廣西桂平	廣西貴縣	廣西貴縣	廣西武鳴	廣東香山		廣東	廣西柳州	廣西武宣	廣東梅縣	廣西蒙山	湖南
監生	拔貢	監生	進士		廩生		拔貢					
上民國八年十月	上民國八年三月	上民國七年九月	任民國七年三上	上民國七年正月	上民國六年七月	復任民國四年四月	月上任民國三年十二	月上任民國三年十一	月上任民國三年六月	月上任民國二年十一	月上任民國元年十一	上宣統三年八月
公正廉潔	性暴好殺	貪財廢政	老成諳達 勤政愛民		虐政害民	貪尚無度 有甚於昔				貪婪酷峻	好大喜功	
上民國九年三月卸任	任上	上民國八年八月卸任	上民國八年九月卸任	上三月卸任	上民國七年正月卸任	上民國六年七月卸任	上民國四年四月卸任	上民國三年十一月卸任	上十一月卸任	上民國三年六月卸任	上民國二年七月卸任	上民國元年七月卸任
		係紫波公侄子 公卒以之代理	逝世之日百姓 如喪考妣			任立根賦起						

宜北縣志

周 械	西屏	貴州石阡	舉 人	民國九年十二月上任	老成諳練	民國十年九月離職	九月廿一日自 治軍破城勒交 印交手還鄉
崖參天	曉嵐	宜 北	貢 生	民國十年十一月上任	公 正	十二月卸任	地方公舉代理
蒙 俠	散仙	宜 北	清附生又廣西 法政學校畢業	民國十一年正月 月上任	明 達	五月卸任	地方公推
周瑞麟	華甫	廣四上林		民國十一年五月 月上任		七月挾印去 永安設行署	自治軍委任
蒙卓英	偉南	宜 北	監 生	民國十一年七月 月上任		九月卸任	地方公推
蒙 俠				民國十一年九月 月上任		二月卸任	地方公推
何秉珩	伯衡	廣西柳州	監 生	民國十二年六月 月上任		民國十三年七月離職	韓軍委任
莫錦波	繡洲	貴州下江	辦 團	民國十三年七月 月上任		十一月離職	地方公推
勝秀廷			軍中管帶	代理數日			自治軍委
劉第中	砥生	廣西宜山	廣西法政學 校畢業	民國十三年十月 二月上任		民國十四年四月卸任	省委
蒙 俠				民國十四年四月 月復任		九月卸任	地方公推
覃秉政	子昂	宜 北	貴州講武堂 畢業	民國十四年十月 月上任		十二月卸任	地方公推
覃夏啓		廣西思恩	慶遠舊制中 學畢業	民國十五年正月 月上任		五月回籍 病故	自治軍委

李 志	陳希夷	李希白	雲 軒	陳作亮	莫 衡	莫錦波	黃伯安	黎爲敬	廖秉鈞	隆武功
子英			佛齋	碩明	超南				洪鴻	
廣西邕寧	廣西北流	廣西容縣	湖北人現 住慶遠	廣西博白	廣西思恩		廣西武宣	廣西橫縣	廣西柳州	廣西鎮邊
內政部高等警 官學校廣西縣 長訓練班畢業	大學畢業	大學畢業	陸軍講武堂 畢業	廣西軍校畢 業又廣西法 政學校畢業	廣西軍校畢 業		武 人	中國大學畢 業	中國大學畢 業	武 人
民國廿四年八 月上任	民國廿四年五 月上任	民國廿三年八 月上任	民國廿一年正 月上任	民國十九年八 月上任	民國十九年七 月上任	民國十九年六 月復任	民國十八年十 月上任	民國十八年九 月上任	民國十八年二 月上任	民國十五年七 月上任
勤政愛民			心懷惻隱 公正廉明	熱心勸匪 精明諱忍					性情柔綬	暴 猛
現尙在職	民國廿四年 八月卸任	民國廿四年 五月卸任	民國廿三年 八月卸任	民國廿一 年正月卸 任	八月卸任	七月卸任	民國十九年 五月離職	十月離職	八月卸任	民國十八年 二月卸任
省委兼民團正 司令	省委兼民團正 司令	省委兼民團正 司令	省委兼民團正 司令	省委又兼民團 正司令	省准代理	地方公推	省委	省委	省委	省委

附民團副司令副縣長表

朝代	姓名	別號	籍貫	出身	到職日期	在職操行	卸任日期	備考
民國	覃秉政	子昂	宜北	貴州陸軍軍講武堂畢業	民國十九年三月到職		七月被黃聘三扣留殉難	
	盧德輝	鳳三	宜北	監生辦團出身	民國十九年十月到職		民國廿三年卸職	
	黃質強		廣西果德	廣西軍校畢業	民國廿三年到職		在職	民國廿四年副司令兼副縣長

清代照磨官吏姓名於左

賀家瑞 在任壽終 陳能舉 周敏 封熙 江應霖

以上照磨官吏清代有之由省府委任以協助縣官辦理之不及滿清推翻民國成立此項官吏名目遂廢止之

科第

清代

文舉

韋繼新 字芹塘道光年間舉人治安鄉雅龍村人公應北闈不第留京三年歸里因地方多故避居思恩縣城掌教環

江書院旋奉徵委浙江錢塘縣缺因苗匪陷城公未赴任已遇害深為可惜

宜北縣志

廩生

莫邦弼城廂鄉才院村人同治癸酉科拔貢

莫卓羣城廂鄉才院村人同治辛酉科拔貢

韋欽明崇輿鄉下才村人光緒乙酉科拔貢

蒙懷理治安鄉雅龍村人嘉慶年間貢生候選訓導

韋道純中和鄉吉祥村人道光二年恩貢候選教諭

蒙道高中和鄉吉祥村人乾隆三十八年貢生候選訓導

蒙顯烈道安鄉鹿洞村人嘉慶年間貢生候選訓導

莫如謙城廂鄉才院村人嘉慶壬寅年貢生候選訓導

蒙恩詔道安鄉鹿洞村人同治年丙寅補廩平苗有功保舉訓導

莫魁群城廂鄉才院村人同治年間恩貢候選訓導

蒙貫通中和鄉吉祥村人光緒丁酉科恩貢丁未特授澤州府儒學正堂其人尙存

莫若鄉城廂鄉小學里人光緒戊寅年歲貢生

蒙峻如中和鄉百祥村人光緒辛卯年歲貢生

莫雲衢城廂鄉小學里人光緒年間增生候補廩生

章豹崇興鄉板廟村人光緒壬午年歲貢生

覃如璋崇興鄉日新村人光緒四年貢生

莫燦章城廂鄉才院村人光緒丁酉科貢生

覃冕鑿崇興鄉東興村人光緒年間貢生

莫汝漢城廂鄉李花村人光緒年間貢生

章紹前道安鄉雅脈村腰洞人乾隆年間貢生

章絢鴻道安鄉雅脈村人乾隆年間貢生

章乙佩道安鄉雅脈村腰洞人嘉慶年間歲貢生博通經史過目不忘應鄉試九次不第乃設館教徒文人士子多出其

門世稱大儒

章士敏道安鄉永權村下城人道光年間貢生

章書囊道安鄉永權村人光緒庚寅年貢生

崖參天道安鄉永安村末畧人光緒年間貢生

章順堂道安鄉永權村下城人光緒年間貢生

章紹伯道安鄉雅脈村腰洞人乾隆年間貢生

章廷傑道安鄉雅脈村腰洞人嘉慶年間貢生聰明穎悟與乙佩等

韋絢齋安鄉雅脈村人嘉慶年間貢生

韋一枝道安鄉永安村中封人同治年間貢生

韋練成道安鄉永安村中段人同治年間貢生

韋須佩道安鄉雅脈村腰洞人嘉慶年間貢生

莫子榮中和鄉學義村人光緒年間附貢生其人尙存

蒙相材中和鄉茶洞村人光緒年間副貢生

選舉

覃占鰲廣西初級師範畢業民國元年被選爲本省臨時省議會議員

莫堯瑞清附生民國元年被選爲縣議事會正議長

盧煥榮省自治研究所畢業被選爲縣議事會副議長

莫之珍省自治研究所畢業民國元年被選爲縣議事會議員後選充議長

盧寶賢清附生民國元年被選爲縣參事會會員

蒙貫通清貢生民國元年被選爲縣參事會會員

崖參天清貢生民國元年被選爲縣參事會會員

蒙卓如清監生民國元年被選爲城董事會董事

盧永清清監生民國元年被選爲城董事會會員

盧純肯清附生民國元年被選爲縣議事會議員

章衿華清附生民國元年被選爲久安鄉議事會議長

黃鳳祥清監生民國元年被選爲久安鄉議事會副議長

章茂松清監生民國元年被選爲長治鄉議事會正議長

章龍光清附生民國元年被選爲長治鄉議事會副議長

盧建極清附生民國九年被年爲縣議事會議長

單玉成清附生民國二十二年被選爲中區區長二十三年被選爲財監會委員

吳玉光辦團出力民國二十二年被選爲左區區長二十三年被選爲財監會委員

黃 鮮辦團出力民國二十二年被選爲右區區長二十三年被選爲財監會委員

莫子榮附貢生民國二十二年被選爲自治籌備委員會副委員長

莫 恆幹校畢業民國二十二年被選爲自治籌備委員會委員

章弁紋清監生民國二十二年被選爲自治籌備委員會委員

梁玉祥縣立教員養成所畢業民國二十二年被選爲自治籌備委員會委員

單子美辦學多年民國二十四年被選爲縣教育會幹事

莫錦呈辦學多年民國二十四年被選爲縣教育會幹事

盧尹貴州陸軍講武學校畢業民國二十四年被選爲縣教育會幹事

莫相慶遼中學畢業民國二十四年被選爲縣教育會幹事

莫紹祖廣西行政研究院畢業民國廿四年被選爲縣教育會幹事民國二十五年被選爲地方財政監察委員會委員

盧劍鋒富有辦事經驗民國二十五年被選爲地方財政監察委員會委員

保舉

莫聲赫城廂鄉才院村人清乾隆年間從戎黔省有功保舉黎平都司

覃學明中和鄉峨山村人清咸豐年間勦匪有功保舉六品軍功候補千總

章偉鏞道安鄉永權村人清光緒年間從軍報効保舉把總

蒙卓如中和鄉茶洞村人清光緒二十九年勦匪有功保舉五品頂戴賞戴藍翎

莫堯瑞中和鄉才院村人光緒二十九年辦團得力勦匪有功保舉五品頂戴

韋鳳蛟馴樂鄉長治村人光緒年間從軍効力保舉五品銜

畢業

文學校

蒙俠清附生廣西桂林法政學校畢業中和鄉茶洞人

覃占鰲桂林省立初級師範畢業中和鄉峨山村人

覃景炎桂林省立初級師範畢業崇興鄉東興村人

覃贊襄字玉成清附生慶遠中學師範班畢業中和鄉峨山村人

莫蘭薰清附生慶遠中學附師範班畢業上花村人

盧 封柳江師範畢業才西村人

莫 奎柳江師範畢業中和鄉百祥村人

覃懷漢慶遠舊制中學畢業中和鄉下永村人

蒙紹興慶遠舊制中學畢業中和鄉吉祥村人

盧儒宗慶遠舊制中學畢業治安鄉古樂村人

盧袞榮慶遠舊制中學畢業城廂鄉裡洛人

莫炳華慶遠舊制中學畢業城廂鄉李花村人

覃體仁慶遠舊制中學畢業崇興鄉東興村人

黃玉書慶遠舊制中學畢業馴樂鄉加旺村人

韋獻祥慶遠舊制中學畢業崇興鄉板廟村人

蒙 相慶遠省立十一中學畢業中和鄉吉祥村人

覃有蘇慶遠省立十一中學畢業中和鄉下永村人

盧錦華慶遠省立十一中學畢業城廂明倫街人

潘儒宗慶遠省立十一中學畢業道安鄉弓洞人

蒙 主廚遠齋制中學畢業及廣東鐵路專門學校畢業中和鄉吉祥村人

盧紹斌慶遠省立十一中學畢業城廂明倫街人

蒙 策慶遠省立十一中學畢業中和鄉百祥村人

莫 芝慶遠省立十一中學畢業城廂鄉相堯村人

覃文化貴州達德中學畢業又廣東軍校政治深造班畢業中和鄉峨山村人

蒙 魏梧州優級師範畢業又廣西教育行政人員養成所畢業茶洞村人

蒙 繼偕貴州達德中學畢業中和鄉茶洞村人

蒙 浩廣東法學院畢業中和鄉吉祥村人

蒙 詢廣東電務學校畢業中和鄉吉祥村人

韋國強柳州市立第四中學畢業道安鄉下城人

覃 展慶遠省立十一中學畢業中和鄉下永村人

韋競鮮慶遠省立十一中學畢業道安鄉雅豚村人

武學校

盧 灤雲南講武堂特別班畢業城廂明倫街人

莫樹三 貴州陸軍講武堂將校班畢業城廂鄉才院村人

盧 尹 貴州陸軍講武學校畢業城廂明倫街人

覃秉政 貴州陸軍講武堂畢業中和鄉下永村人

盧扶明 廣西軍事政治學校畢業城廂鄉文臣村人

蒙玉明 廣東軍校畢業中和鄉會洞村人

韋景華 廣東軍校畢業崇興鄉雅山村人

以上畢業人物調查至民國二十五年底止以後應續查繼誌

仕宦

清代

莫聲赫 字梁山城廂鄉才院村人乾隆年間從戎黔省有功陞充黎平都司

韋繼新 字芹塘治安鄉雅龍村人清舉人大挑一等檄委浙江錢塘縣知事未赴任因苗匪亂陷思恩城公遇害深爲可

惜

宜北縣志

莫如勳字醉經城廂鄉才院村人清附生加捐五品銜委充貴州安化縣知縣補用直隸州黃煥花翎調署湖南直隸州

復關管辦粵黔邊防軍務

盧式慎字敬丞中和鄉北宋村人清監生委充雲南藩庫太史調署貴州長寨司

盧宜猷字甸廷城廂才西村人清監生委署貴州永從縣知縣

蒙貫通字達材中和鄉吉祥村人清貢生特授潯州府儒學正堂其人尙存

盧禹塗字堯臣中和鄉北宋村人清監生委充貴州凱里縣事溶江縣釐金總辦

民國

盧濤字壽慈城廂鄉明倫街人雲南陸軍講武堂特別班畢業歷充貴州營團旅長陞充貴州總司令兼貴州省長又

黔桂討賊軍總司令貴州抗日軍總司令等職

單占然字巨卿中和鄉峨山村人桂林初級師範畢業被選爲廣西省議會議員歷任貴州台拱縣三合縣仁懷縣等縣

縣長現復任台拱縣缺

蒙俠字散仙中和鄉茶洞村人清附生廣西桂林法政學校畢業歷任貴州凱里縣下江縣廣西宜北縣等縣縣長

覃秉政字子昂中和鄉下永村人貴州陸軍講武堂畢業曾任宜北縣縣長又宜北民團副司令

盧袞榮字仁階城廂鄉裡洛村人慶遠舊制中學畢業曾任恩縣縣長

盧丞基字弼周城廂鄉明倫街人清監生辦團得力勳匪有功省委試署羅城縣縣長

莫玉明字實之中和鄉會洞村人廣東軍校畢業歷充廣東營長團附廣東清遠縣外交監察員

軍文淵字中和鄉峨山村人貴州陸軍崇武學校肄業曾任貴州全省軍械處處長

盧德輝字鳳三城廂鄉明倫街人清監生辦團得力荐充宜北民團副司令

殉難

覃學明中和鄉峨山村人清咸豐十五年充團總奉思恩縣令翟景禧命帶練數百援城抵安順中與苗匪遇屢戰數時
公銜鋒陷陣身先士卒素業寡不敵陣上亡身遂殉難焉與思恩團總覃可佐同日殞命後翟縣令提案呈請上憲獎勵
封六品軍功加于總世襲列入慶遠昭忠祠家立祠堂春秋二祭賜匾額忠魂入夢四字以旌其忠

莫盧氏中和鄉百福村人係清武生莫質芝嫡室自幼聰慧助夫成家思恩縣令柳春芳稱其賢慧賜以匾額女中丈夫
四字光緒十年莫涉弼起事大掠其家氏乃奮身拒敵死而不退竟以身亡

覃秉致下永村人歷充宜北縣長民團副司令于民國十九年三月間其匪李明瑞千餘人迫境城危且夕時縣長黃伯
安樂民先去獨覃維持危局夙夜奔馳七月黃聘三詐稱奉命駐防約千餘人臨城迫覃改變方針圖謀擾桂覃以守土
有責忠實不渝堅持不爲所動乃觸其怒竟被扣留拉到右區馴樂鄉境而死於難

覃謙崇與鄉東興村人歷充民團隊長忠勇有爲因覃副司令蒙難多方設計以圖脫險詎又被扣留拉到馴樂鄉井覃
副司令同時身殉殊爲可惜

莫弟城廂鄉合洞村人民團十八年在民團總局充兵五月十八日跟縣長黃伯安往中和鄉常洞攻剿何老八匪幫

葉弟奮不顧身勇往邁進中彈殞命竟殉於難

莫自強城廂鄉才院村人充民團隊長於民國十六年六月奉隆縣長命赴刺友剿匪團剿匪若數日不得計自強憤極乃潛近岩門欲壞其牆入詎無相當證蔽匪由岩內向外射擊自強竟飲匪彈而殞

韋貝干道安鄉下城村人於民國十年十二月初六日匪幫搶劫下城村拉擄人畜貝干奮不顧身與匪決鬥因鎗械不利遂遇害焉

韋老蓮中風村人於民國十四年三月初八晚匪幫圍攻中風村勸衆入黨時民團隊長韋寶光約集團兵與匪交戰韋老蓮奮勇爭先身陷危境死於匪手惜哉

耆壽

黃經文馴樂鄉長安村人行年九十二歲尙能健康操作如恒童顏鶴髮教子有方九十三歲無疾而終

城廂鄉才院村清附生莫如忠字崧生是富翁揚彪之子貢生如謙之堂弟刺史如勤之堂兄爲拔貢卓羣貢生魁群之父附生堯瑞之嗣子孫滿眼五代同堂三代儒林享壽九十六歲次子卓羣字西山一生粹然至善心醉經史享年九十一歲三子恩貢生魁羣字梅卿享年八旬福祿壽喜一家兼全詢爲吾縣第一家也

道安鄉雅脈村貢生韋書囊字錦心年六旬有季子監生懋蔣公年八旬有四見孫接媳八十六歲方爲地下修文果見
皇天不白讀書人矣

道安鄉雅脈村前保衛局長韋弁紋之祖母享壽九十八歲

馴樂鄉前充保衛局長黃鳳祥之母現年八十二歲精神健康弄孫自樂其人現存

中和鄉虎榜村清附生蒙貫光之父母年上八旬精神矍鑠趙宗師贈給福壽齊眉匾額後登耄期相繼仙遊

崇興鄉安山村板願清貫生章豹裘之母莫氏母儀足式趙宗師贈淑慎流芳譚縣令贈柔嘉維則兩匾額享壽八寸

五歲

中和鄉義學村莫光文稼穡開基樂善不倦培承重孫子榮讀書進學公年八十五歲捷報到家公以手摩報條笑曰予願足矣遂夢南柯亦見積德獲報之徵矣

崇興鄉標山村覃公金生有四男子孫共三十餘人現年九十歲飲食若常一生安逸其人尙存

城廂鄉相堯村小學里師範生莫炳熙之叔母陸氏現年八十四歲精神強健

盧若圭馴樂鄉長安村人平生忠直善於排紛解難辦團多年鄉里敬信壽元九十二歲無疾而終

莫賢芝中和鄉百福村人清武庠生辦團得力地方俾賴甚殷且好善樂施濟急憐貧思恩縣令賜匾額一方題曰急公好義四字壽元九十六歲而終

戴貫通中和鄉吉祥村人清恩貢生特授漳州府儒學正堂民國元年卸職歸里現年八十三歲精神矍鑠其人尙存壽算正未可限量

盧永昌城廂鄉明倫街人生平最尙耨開耕釣自樂鬚眉皓白望若神仙年登九十九歲無疾而終時人號稱爲陸地神仙其子萬合壽八十九歲其孫寶賢清附生壽八十四歲而終可謂一門壽考其子孫繁衍益斯濟濟矣

盧騰蛟城廂鄉明倫街人平生營商積資成家生六子多孫民國二十一年壽九十六歲而卒
韋鄉彥道安鄉永權村人清捐從九品銜爲人忠直善於非難解紛充當團務三十餘年壽八十九歲而卒子孫滿眼五代同堂

盧母莫太夫人城廂明倫街盧總司令壽慈之母德性淵懿樹義行仁可爲宗族鄉黨模範享壽七十五歲壽終默垣
盧莫氏城廂明倫街清附生盧寶賢公之賢配前團總盧霞伯之母親身體強健子孫滿堂現年八十五歲飲食起居行動自如

盧莫氏城廂明倫街盧公丕基之母親盧尹之祖母也現年八十二歲身體強健子孫滿門

覃陳氏崇興鄉東興村前教育局局長覃景炎之母現年八十三歲強健如常子景炎專之極孝子孫衆多可謂有福

覃秦氏崇興鄉東興村前縣督學覃體仁之母現年八十一歲身體健康子孫滿堂衣食豐裕

盧娉氏城廂鄉龍潭村盧汝明之母親盧迎祥盧春榮之祖母現年八十九歲身體強健子孫滿眼四代同堂

節烈

莫母護氏中和鄉學義村附貢生莫子榮之母年二十餘守節孝事翁姑和九晝教子成名堅苦卓絕衆望允孚縣長
譚鄒華賜志堅金石縣長吳敬廉賜松筠魏節縣長汪汝梅呈請省長李靜誠賜陶孟遺徵等匾額旌表節孝享壽八旬無疾而終兒孫昌盛

黃草氏治安鄉九有村舉人韋繼新之女少年喪夫養親撫孤堅苦卓節可爲女宗之範縣長汪汝梅賜形管揚芬匾額

享壽八十五歲而終

莫盧氏城廂鄉才院村貢生莫如謙之妾附生莫選舉之母年方二十歲如謙公作古選舉公尙在懷中盧氏操誓柏舟心嚴獲堅苦卓絕撫孤成名保全財產洵闈閨韓正氣享壽八十歲而終

盧陸氏城廂鄉明倫街附生盧建極之母少年喪夫從親撫孤教子成名享壽八十歲而終

韋氏福綬道安鄉段村人清附生韋裕華之妻於民國三年九月二十五日李螞拐匪那黑夜劫擄其家拉去其夫裕華及其子泰尊出們而去韋氏大聲疾呼鳴衆救援村人畏匪如虎不敢出救韋氏憤恨填胸不顧身命乃持槍裝彈向匪射擊欲救夫子脫險詎意匪還鎗掃射韋氏竟中彈身亡鄉人嘆惜不已

韋氏道安下城人清附生韋袞裘之妻係恩縣烏村附生韋顯書之女年十六歲適袞裘夫婦情篤尙未生子其夫年二十五歲藥世時氏年方二十四歲痛夫之死茹素守靈堅心守節誓志靡他現年六十歲不愧爲節婦矣

韋浩然道安鄉永權村人身未嫁夫民國十年十二月初六日匪劫其村大肆擄殺氏奔避山間無路逃生乃被匪執誓死不從致殞命焉

孝友

莫汝漢字泳可清貢生城廂鄉李花村人事親以孝聞家僅中資節衣縮食供養父母學業成名一日其父晒穀使之看守勿任牲畜踐踏公敬謹遵命因其嗜書手不釋卷閱書高興忘其所以父自外歸見穀狼籍怒而笞之公跪曰偶爾違命見罪之矣請父杖之雖痛不辭父命恕方起立告退父母歿公呈請立家祠以祭父母上許之前清學院狀元鈕福保

賜匾額一方曰恆春累葉懸於宗祠門首其次子附生莫禦孝養不置事公亦如公之事父母也蓋亦積善之報焉
覃懷漢字德輔中和鄉下永村人慶遠魯制中學畢業自幼純孝鄉黨稱之不幸父先去世有母在堂在慶遠求學期間
每遇寒暑假歸里必親手自備柴炭鹽油以供母親敷一學期所需囑其家人不許動用母親物品此出於其孝心然也
畢業歸里任高小校長十年之久士子出於其門者蓋亦衆矣可惜中道崩殂鄉里悲悼

A decorative border of small, repeating floral motifs surrounds the central text.

第七編

文藝

文部

請春酒啓 七十三個春字

舉人章繼新

伏以春帝司辰快視春城開畫錦春王(開春錦)紀日喜隨春令佈陽和念春暉寸草難酬對春酒一樽欲獻恭維惠政
春溫仁聲春雷春雷鳴春宇狀威令之春行春水漲春潮泛恩波之春蕩有脚陽春普濟春盎四時無窮春意發施春回
八部春和議賑濟春耕農春省之仁春暖命栽培春木吐春生之氣春飛春雪農占春瑞慶豐登春凍春河人履春冰思
傲惕旋升春日以解春寒復見春天而增春麗春花春豔舖錦繡於春郊春鳥春聲奏管絃於春陌問梅邊之春信和調
鼎于春藻催花底於春歌即換絲綸於春殿者也新鑿叨春育虛度春秋剪春韭採春芹擬上春盤而介春壽與春衣沾
春酒敢扳春翼以賞春明謹瞻旣望之春辰聊獻粗筵於春晝伏願乘春興而覽春容趁春情而尋春樂隨車春雨流來
春水洗塵埃繞座春雲掩映春羅飄瑞氣收宇宙春歸之肺腑春趣融融暢飲懷春散之几席春光洩洩聊當春風一度
長留春色十分敬叨春堂預陳春啓不勝叨荷春榮之至

自壽序

愚千子即乙佩別號貢生章乙佩自作

愚千子者不知何許人也雖愚魯性成而肯極深研究幾自謂愚人千慮必有一得因以爲號焉其始居於廣莫之鄉隨
化育選徙來到大清國爲人活脫不羈與言經書子史則歡笑欲狂若孺子然言及俗子則拍案大怒又苦血氣方剛者
又時尺規寸矩循循若七十八人莫莫知其老少有問者曰子年幾何矣答曰忘之矣吾生之年不知爲甲丑乙子也吾

生之月不知爲丙卯而丁寅也吾生之日與時不知其爲戊戌而已午庚酉而辛戌也大約四千歲矣日子何以知之曰人生數十年則數十年之事皆知之數十年以上無聞焉百年者則百年之事皆知之百年以上無聞焉今日義舞以至於今四千歲之成敗興亡皆歲歷如昨若客大庭則幸得之父母傳聞彷彿其大畧而已是以知其爲四千年人也日子閱歷既久則閱人必多四千年之人其往來必親厚者可一二數之曰未可盡也嘗記從尼山老師教我以祖述堯舜而憲章文武迨孟夫子其人亦周流四方得盡交隣國天下前後盡名士是故父事者不知幾何人而堯舜其最也師事者不知幾何人而尼山老師其最也兄事者不知幾何人而臬夔稷契伊尹萊朱太公望散宜生等其最也友事者不知幾何人而董仲舒賈長沙諸葛孔明陶淵明韓柳歐蘇等其最也至於詞人墨客亦不可勝數嘗與其上下其議論而余皆不及至今猶內愧於心惟守吾老師發憤忘食之訓而已然諸人並皆不在惟以道德政事文學功業傳於世或所曾共遊一途同宴一席僅千百間而窅然已盡雖彭祖以久特聞亦遽然掩忽披其文而覽其名嘗爲嗟吁者久之然諸公既有以有以有以不朽遠勝余之從長生而久視矣或曰是矣子真四千年人也可以壽子矣答曰子安敢取壽物以壽我陽春已壽我以烟景大塊已壽我以文章尼山老師已壽我以六經鄒國公孟夫子已壽我以天下善士周程朱張已壽我以身體力行集註四書性理小學諸等聖域子安敢取壽物以壽我毋亦惟是談書一篇如男之壽屏懸之中堂以誇耀乎是乃好名也毋亦惟是若長安衆富兒盤膳羅繡葦子雖得一偏之樂有如聚飛蚊是又吾友韓文公之所竊笑也子休矣雖然數者之外豈更無可以壽者子其有以語我來或曰子好讀詩書也好讀詩書必伏光明吾請壽子以智愚千子深曠盛額曰昔黃帝遊于赤水遺其元珠使智索之而不得乃使罔得之智吾不欲也曰聰明睿智守之以愚請以壽

子曰愚吾所固而有重加之是以水濟水以火濟火名之曰益多又吾尼山老師所深慮其不移也愚吾不願也或遂巡避席曰辭盡矣吾無以進矣敢問其方愚千子曰何以獨明乎禮義而墮于知人心乎夫百年之人皆有以自見余生已四千歲而無一能終身役役而不見其成功恭然疲役而不知其所歸而欲仰首伸眉日與其徒論列是非而未見有己也是真可愛笑矣子其壽我以笑可於是或呵呵愚千子亦呵呵

盧公與全壽文

拔貢莫卓華作

竊維五福首壽而必本乎仁四德統仁自足兼乎壽仁既純於性生壽必申自天賜故祝林叟之壽者必曰清淨無事能守其仁於己祝朝士之壽者必曰發奮有爲能施其仁於人壽雖一致仁乃殊途自生以來求其有居林叟之地而溥朝士之人仁以清淨無事發奮有爲則莫如我盧與全老太公乎者今夫朝廷於鰥寡孤獨者皆有所養而公則已有貧窮稱貸而不急索償者矣是仁者之仁也朝廷於奸邪讒譴者皆有以罰而公則已有邪僻逞惡而不稍寬恕者矣是仁者之義也朝廷於賢能俊傑者皆有所禮而公師儒則隆重之非仁者之禮乎至其燭機於未形料事於未見其知也皆有以成其仁也以故乃千斯倉壽而富也身其康強壽而康寧也樂善不倦攸好德也萬歲之後所謂考終命者斷未有以得其四而猶缺其一焉者乎故甲者祝曰公建一石橋於東澗時有仙人降鑿益公以壽若干春乙者祝曰昔公置一寺院於南山時有佛法活現益公以壽若干秋此輩皆舍中庸而信隱怪雖公有佛氏之慈悲仙家活現足以致壽而要公所以眉壽而無害者不若據孔子云仁者壽一語以卜之而能得公之生平也際此甲子初週齒德俱尊關係桂子羅列庭前凡屬一方之同姓異姓文武耆紳莫不忭舞歡欣躋彼公堂稱彼兪觥爲公祝曰仁人也壽考維祺公屋背有山公

之壽則與山高峻公門前有水公之壽則與水悠長以此獻公諒公亦莞然一笑曰善哉願騰寶獲我心

宜北誌畧

附生盧建極作

千載以下而能知及千載上之行者以其事蹟存焉千里以外而能通商於千里之近者以其物產生焉古帝皇分封藩鎮何地不然非以葦爾之區而不記及所有也賢宰體先王探觀民風察識土宜之至意而以宜北之古蹟下詢生敢率意直陳之原夫古以小桃源稱五洞者今宜北當五峒中樞則小桃源之名彌久而彌彰也况外有三里一大水襟帶盡乎東南馴駐一大河關鎖週其西北惟地瘠土薄漢大將軍馬伏波征南行經此地見民疾苦登記糴糧放下里那環村有漢馬伏波寓此大字碑在山岩有各村里朴額碑在田峒正爲萬世不朽古蹟在若支近廳東有福建岩內一小山如佛拱立頂若鍋盆擎注天漿清澄無比搗菽飲之可以除瘡疫而身健壯而廳南有龍灘潭其水流潺潺近如鐘響去年夏旱譚太尊往開龍堂天雨沛然民喜栽種因令署人每携煮茶暑氣全消精神爽快廳西遠及永安五十里有鶴鷹一岩最極清亮昔韋乙佩每至夏率及門數十人誦讀於內進步孔多且廳北上額遠離中樞五十里即前才院莫如勤刺史開鉄廠處所有一澗溪水上有生成大石數丈直長爲橋又有生成土蓋上是行龍東氣因名曰龍橋况五峒宜北龍脈悉本由此過峽出脈蜿蜒而來其間迢迢行數十里之遠至才院迴環聳出一大山岩形如白象因名其岩爲白象岩也昔刺史君醉憲翁莫如勤不惜費千金用火磚砌整約百餘丈屹然如天塹飛塵不到現游匪攻自避退儼然鞏固金湯過脈來十里又結起廳城其宜北山川形勝至此可略紀矣又廳北近馴駐邊界有幹龍小岩僅容一小艇陰隱甚極清涼石間視槽水出夏不溢冬不乾行者飲之一勺之多足以供百人之渴而不竭前雷太尊巡經到此而奇之因同作

記曰神泉及支右區得嗣村四十里有石山之橋灣如長虹天造地設行旅之往來咸稱曰仙皇橋迨支由巖北左區上里著章繼新孝廉之坊雖被苗熾猶噴噴人口名稱弗衰惟其上里四墟之龍岩寺下里五墟之迴龍寺至今雖鱗甲宛然與盧庫太史之牌坊詰封卓爾中里八墟之三妹山右區下海之兩榜山雖亦皆有取名要爲各處之奇觀耳姑略之而不敢陳懼褻也以言乎土產凡竹樹杉桐棉荳包谷土性是宜秦窮山僻壤而所出無幾錫礦錫礦雖聞之而未覩採辦僅此鐵礦一項最盛亦最著名而其利已甚溥矣土產之大宗諒不以此如量而足是知宜北之古蹟土產固在邊隅未知有利益於國家什之二三否也倘蒙筆之於書登傳誌記庶宜北之人物風土得與通都大邑附焉不啻聲價十倍豈不懿歟

那環碑記

岳和聲作

率土王土尺土亦王土漢當神雀五鳳間黃頰川用戶歲增征京兆尹膠東流民自古濶異加等賜爵支非有土長民之故歟而義成侯等矯制襲擊康居衡營爲招難更生以大功當封拜終不以勳遠勞勛之四子者或以征或以爵或爵而不免營而不碑封侯蓋功名如斯之難也嘗讀中宗世祖兩詔每疑綜覈刻深者咸寬專無趣伊吾心覆甌卽不任缺繫桑亦不任拓何耶元康二年五月詔曰夷或填與孫役餘廚傳稱過使客越臨法以取名譽猶踐薄冰待白日而建武二十七年詔報藏官所稱引黃石柔弱廣德之指甚擊詎是保塞夫且閉關愁憾旣消令汚穢錄不遺綜覈刻深柔弱反覆勝之然則冒頓不肯與東胡聞地龍門會爲嗟異而仲尼獨汝陽歸田咤春秋盛事者在土曰鴻名將寶也柳下不證膺司城不釋愛敬管仲不爽曹沫小快而作內政寄軍令三官三宰三族之屬斷斷如也夫惟是例職方界試索其土之

所毛與其所不毛俯仰得之延袤而或捐之尺寸深計者不以小厲軌大戒內寧外憂厥捐略可觀矣思恩於慶爲西鄙中州又迤而西焉其地上中下三里以洞釋者五十有二下里距縣五舍而近中里則五倍而遙上里與貴陽黑苗相距錯縣且四十舍迤矣而五十二洞散布內外者幽遐渙深莫得控攝焉其山自捍嶺而入若崑崙若秦敷若三妹若塞虎若才焦若泥若若更甘磨石窮隆勃列以及培婁之屬麗齒馬跡罕有至者而其江則伏波運江也浪泊站鸞于鼓猶壑思見其水逆行嶺際而垂瀑以下者相傳爲武侯兵書積處其言頗類齊諧其泉曰婆婆志稱道渴者呼婆婆乞飲始溢出餘已又渴又一異也蔽日之葉干零之粹若檜若楫若櫂若粟若黃楊名材不下隴獨而鉛礦寄利故錫坑所必需者也土夷或勾結奸賈射穫相仇殺旋啓旋閉必厲禁乃已凡距五百餘里爲五開濶則揆文之所不屆而標欲時有聲教溱然以其介麟其衣裳爭此非朝夕之故矣前是與主此屢舉屢蹶狼荒服置之夫以四面緹緯而狐兔中穴稍不踐於疆理遂割離理越在一膜何封守之爲也蕭令君來閱年而誘降其渠魁待以不死爲請事當抵罪其終硬而不馴城旦而鬼薪之關梁構茅招携起科夷險控尼入利四難之議行而衝縱五百餘里明豐蔀渾噩之區莽不見日月者若觀天宇而映晨光凡立靡一以縣簿居之凡立堡二伏波曰諸葛凡得田八十二頃三十七畝有奇得朴二百一十石六斗撞民子弟誘教之葉法戶習者十而三而瞻焉西顧中州之士乃始爲王土矣嗟呼伏波堡故與村爲文淵駐兵語葛堡故城門夷人夙以宋阻自古者孔明也屯田遺址在焉自漢迄今逾千五百年昔之謂謀老畢力經紀記有此土是孰而遣以葵蕪皇祐天關釀化至今日而光復舊物如匪甕積壁不玷不虧爲銅柱金牛吐氣蕭令君鑿鑿焦括樹秦倉幾斗沫礎劈於此凡幾日月而出山若增而益江若濬而深原田每若脫笠笠而錯文繡以及愉快也假蕭令君而營神雀五

鳳聞宜以何爵賞勞循異而又豈易儀成候輩矯制遂事乘危而徼倖可同日道哉余愧後至樂觀蕭令君之成而重其請何能無說而處此至其土矣願爲震疊之祝蓋昔當路大人君子若大中丞蔡公直指呂公穆公觀察黃聶公暨先事觀察張公劉公以擘畫鎮撫而前太守柯君少府楊君司理江君質佑厥事成今之美余非身爲之弗敢驥附也夫令亦恭難也卓績褒德寬恭愛民不忍欺而課南李行言驚不假纖毛民亦惟恐其代去令君有篤契於其間而拓土聚民直凡褒德而謂南聖天子且下聖書恒然廷召以報令君子功名之際中州之民其報臥以須矣令君諱鳴盛字伯韶直隸四川人爲步進士其恢建次第常有紀而余其言其大著者於萬曆王子季夏之望以刻之碑石賜進士出身中憲大夫廣西省慶遠府知府節冊封准滯禮部積膳儀清吏司員外部長水岳和聲撰昔萬曆王子孟秋吉旦立

安化廳創起落成碑序

副貢生蒙相材撰

蓋世必有非常之變故然後有非常之事功然後膺非常之幸福天時人事豈偶然哉邇者風潮激落莫不思角利以求平等改良以進文明詎當改革創建之始而可不究其變故之始終事功之澁烈與幸福之無窮用昭觀感激勸者乎爰爲謹按其地實係邊粵署黔鑰鎖之形勢固雄而谿峒之陋名猶未去者何歟緣趙宋雖有人烟究莫詳其種類明代方登版宇猶遙隸於思恩命名曰五峒定賦惟猿糧尙目爲羈糜荒裔故也然志乘有云三里與五峒人少莫來弄則其氣質精強可知又云非蠻烟瘴雨何遜桃園因而有號小桃源焉則其風尙醇樸又可知惜乎時無激刺之故未知質勇而進化耳不然乘際國朝黜蓮又何無能文化與隆駸駸名區勝地夫豈終不成材料之野蠻者比哉無如窮鄉邊鄙終受羈鞅之拘未能遠颺高瞻施爲自展所以光緒甲申以前因礦廠之競爭致莫盧之械鬥驚動國兵虛糜

國帑憫時者曾有建請立城邑於斯之議矣特難而未行復至光緒壬寅乙巳游匪蔓至而莫能禦其非常之變故惟任其盤踞摧殘幾陷於陸沉者無那邑衙署之可恃也旋幸國家兵威既賜賊渠醜類以肅廓清又賜置吏設官以堅長治爰卜斯市嗣建洞村庄之形勝以爲駐節市中復劃三里馴駐永安各地之犬牙以作蔽屏障外俾結一廳之團體卽懸極點之目的不惟恰符初議抑將鞏固後圖誠改良之盛舉而爲非常之武功也歟尤幸有雷司馬者篆乃文銳甫稱子明蜀產英奇才兼文武天生碩輔職統軍民以天子之命吏關斯土之新疆陸將邱壑巒山倏變繁華重鎮一切締造無擾而安一志撫循有人胥化因命名曰安化應抑何酷肖其實乃爾耶至若建衙廨以壯觀瞻置倉厥以蓄積聚以及廟社兵農學務礦務數大端無不畢舉而道途市肆諸細微勿論也然皆顯見者耳烏足以盡安化二字之奇功惟是百爲均經報竣百姓咸慶落成從茲平等主權旣播自有以後文明幸福何慮弗膺哉普願境內國民須知創立更始之艱共奮舍舊謀新之便稽誠粹厲氣概壯此山河命脉靈長雲勳綿於帶礪豈不懿哉乃材也愧乏如椽之筆祇憑如管之窺旣無識以盛紀國恩復無能以敷彰吏治但敬承司馬之命而勉繕崖略於碑如有感激奮興者尙望補其不備云謹序

五洞新建撫民分府論

附生盧建極作

五洞昔原人文之林茲今爲匪黨之巢穴也匪黨不宜居人文之地人文何容藏匪黨之身乃事出無意人所難料此分府之所由建撫民之所由名也前數年來匪賊之境始居思屬下幹繼及牛洞都脂終則散滿邑郡燒殺綑擄取盡錫鉢無地不受其害無家不受其苦惟五洞者地居高聳四面山圍假令父老齊團派丁扼守關隘匪卽利器攻亦難入矣則四鄰親朋避逃而進中以保其性命者莫不稱殺函之間哉奈何人心非此竟而交匪勾匪帶匪教匪藏匪主匪或爲師

爺或爲寄爺或爲秦水泰山或爲連襟連袂帶馬者括尉入內大老者聚斂存中明鑑遠引避地節烈賜死捐軀地利矣不利禦寇而利爲寇人和矣不和討匪而和勾匪幸今皇天不佑國祚彌長惡罪貫盈災殃必至自逞其奸相率去攻城而奔北大軍勦之營兵驅之逃入官橋之麻洞戰死餓死靡有孑遺矣廻問昔日擄藏金銀玉帛之多者而今安在哉貨悖而入亦悖而出何不思口讀孔孟之詩書身服當朝之衣冠縱不能戡亂扶危亦當保身明哲謹誠子弟理法自守而乃忍相爲謀逆反叛忘國忘家忘身忘命干犯天罪之大者也宜乎刑者刑罰者罰國家惡之乙巳之冬清鄉之後輓或雖長馬不及腹移德勝分府衙門而立於建洞焉命元任公祖大人雷外而三里駟駐旁及六洞永安共歸版圖新授潯任以淨內奸以除外匪嚴化及汚俗舊染防杜其冷灰復燃名之曰撫民挽天意也回人心也與成王命微子除其邪虐永茲東夏其相符乎嗚呼武庚不判洛邑無營不有東征何立東都今而後仍歸舊版翁受新猷官清若冰民安若堵匪黨并靖平矣人民其加盛矣四民其安業矣百廢其重興矣所謂收民心萬億年敬天之休也吁大軍之勦匪功何大哉上憲之愛民恩何深哉

送縣主萬民傘稟

(昔尙隸於思恩而有此文)

敬稟者竊思子駿服官一路有福星之頤溫公爲政萬家與生佛之歌古曾飲水思源履地而能知地之厚今豈忘恩負義戴天而不知天之高恭維 父台大人閣下同心白日志對青天存叔子之高風抱武侯之雅致立綱陳紀興情之望已孚訓俗型方簡在之心猶格無功不立有利必與灘石破而舟揖通功垂百世蠶桑分而縑絲出名願千秋除暴安良萬民感德輕徭薄賦四境沾恩講聖諭於琴堂化斯邦之陋習修倫堂於花縣培此地之文風諭亭之崩崩而復舉濟院

之廢廢而再聖琚宰江陵何難媿美范調蜀郡堪與其稱帶水河修沐聖君之發政環江有幸荷慈父之施仁是以聞風俯首薰德格心近者悅而遠者來庶民傘送畏其神而服其教德政碑歌藉申祝日之誠聊表瞻雲之切然天視自我民視天聽自我民聽鸚荐之書必陳朝右龍章之典定錫殿中非李廣之難封是班超之易顯十旬九錫不難再見於崇朝一月三遷應有重逢于此日某等樗櫟散材蒲柳弱質離城遼遠居邑邊陲跡有阻於鳧趨情倍殷於燕喜敬憑子墨末申虎弁之形聊表寅丹敢上鶯遷之願肅修寸莛叩賀鴻禧

請留仁宰稟

敬稟者爲久留仁宰以慰輿情事竊思股肱所寄朝廷原重乎大臣禍福攸關草野全憑乎仁宰故范調蜀郡民歌有五柳之休琨宰江陵麥穗生兩歧之美反風滅火德威劉琨買刀買牛愿承賜遂蓋仁宰居于上位而恩波逮於下民某等遠僻小邑當風俗之澆漓值人心之浮薄萑符載道枳棘盈門被生苗之擾于前哭聲震地遭游勇之焚于後冤慘彌天蒙大軍之征剿奠此地之平安奈前門之虎已去後戶之狼復匪竊害土棍勾通蟲役添足畫蛇以誣控作威恣虎以行提輪坐三名伏誦數十所至無異兇星出世恍同惡煞臨凡猪羊之宰殺故然婦女之姦淫亦有行票脚錢勒令膏腴白串站堂送案動云朱提數斤錢少則輸銀多則勝把四鄉之費此也破產猿哀將六里之民彼也傾家鶴淚殆劫數之使然誠頽風之難挽幸我縣主某公正其誼不謀其利明其道不計其功勤政惜民忠君愛國下車伊始五美俱尊蒞任以來四惡俱屏有長必錄無弊不除放告日期出票何曾錢買坐堂時候審完便喚結回辨疑惟輕功疑惟重輕徭薄賦恩豈忘心除暴安良言猶在耳蠱役之目前雖瘦庶民之刻下亦肥而且濟院倫堂分明再舉亭諭議倉畢竟重興破頑石

於險灘紆行何阻教養益於閩里絲出無窮既啓帶水文明又培環江元氣挽狂瀾之旣倒實而無虛作砥柱於中流真而弗假觀今風俗漸漸遠淳從此人心將將復古統之如日瞻之若雲然草偃之風已著瓜期之代復聞感德之人均皆失色沾恩之輩莫不搥胸五夜深思慨聖君之將往三更長嘆緬慈父之難逢曾欲攀轅惟憂私出尤思挽駕最恐不留無計可施有懷莫吐恭仰 憲天大人案下德伴天地功高日月內爲心膂外作干城言聽計從不啻周之望旦民胞物與儼然漢之蕭曹匍匐鈴轅奔投玉案敢上留安之稟願陳借寇之呈伏懇上詳國家留仁幸以策久安下慰輿情得賢侯而享長治將來帶水風俗還淳自後環江人心復古文教不振武功紀盛三生有幸五內俱銘 憲天名勒鼎鐘振風聲於百代功垂竹帛昭仁愛於千秋爲此懇呈

控貪汚稟

知縣方憲修作

蓋聞上台爲清安之區職專彈劾州縣重責成之寄首禁貪汚故遴選公而民困蘇陟黜嚴而官方肅斷未有缺分爲利藪祝國典若弁髦而猶甌居民上也我思邑粵黔鎗柳度咽嗟十餘年糜爛不堪數百里赤空如洗元氣驟難以收復宰詔猶賴乎得人也乃有孫德元者一榜出身應不改讀書本色一行作吏忽變而貪饕居心始畧悞於宜山繼又分咄於帶水方期克副委任上體某某皇仁詎意慢無主裁總聽家僕以私情而壞大局因恃寵而攬全權擾亂是非罔措烽烟之餘鴉擅作威福誰拯水火之窮黎斯其苦莫解乎倒懸罪難書於罄竹者矣謹將各款略陳於左藉備探風一助云以上八款皆地方共見共聞之舉即三尺之童無不甚知至於蠹民悞國罔上行私則又指不勝屈矣叩維某某聖天子軫念邊陲各某某大憲關心民瘼豈忍哀鴻之痛而忘猛虎之苛但王法如山耳目所不能及侯門似海聲勢於以雞通

用是固作不平之鳴藉當登聞之鼓伏願大加斧鉞寃莫聽其呼天欲固屏藩仇先去其虐我况值苗氣猶熾恐逼成魚雀之驅兵氣未消請善擇牛羊之牧與其養灘以貽患何若剷草除根倚蒙俯體輿情遷來良吏則不獨一邑獲安全之福亦通省賴保障之功也爲此公稟

又請留仁字稟

爲懇留仁宮以慰輿情事蓋聞東平之輪轅載道雀躍依劔河東之父老歸心葵傾借寇文翁化蜀策勳尙待三年張敞留京握篆何堪五日良以澤必漸而後洽化必久而後成者也竊思我邑深沐皇仁素稱易治慨自貪泉浪湧合浦遺珠良善無依奸刁逞勢因而土風衰薄野道流離民鮮畏志之行歲多無情之案致終訟之邑人動牽連於事外卽循規之士子尙踴躍乎計中驟起平地之風波無中生有疊選無根之雀角是誣爲非矧有倚勢凌人鯨吞無厭藉端報怨虎噬難堪事事塞心攪髮難以歷數種種惡弊馨竹莫可形容願司牧之得人急同望歲欲秀民之更化綏豈待時現署邑候趙父母者世係黔陽之望族來作帶水之牧民昔之宰宜山柳城也計出伏莽喜慰伏藜地方漸次稍安河道往來無阻以致流離得以依歸彼都久被乎深仁口碑載道此地獲瞻乎吉曜俯念仁暉願願匪涯自去夏來守是邑甫下車訪利病勸農桑勉孝悌抑奸邪有古吉風其他月課頻與士子遂觀光之志團規甫敷六逆嚴越擾之防有罪則坐止罪人網開三面無私而嚴防私隙心懷四知此和甘普遍於環河威嚴宣揚於黔界邊防親閱甘苦儼管白晝則沐雨櫛風晝夜則披星戴月救赤子於烈火試青劍於盤根鶴騰行空必謝涓公之水羊腸巡邏惟携笏尹之冰况乎聖廟傾頽捐修倡首舊制重新橋樑朽坏補造自驗行人普濟惟問已則竭爾身力故今長當行之事於目而在民則冀吾父母實黎元曠

古之逢現在百廢初興苗氛未靖奈籌畫之長未竟瓜期之代已臨既飲水以知源蓋思人而求舊以故止黃公之風聲
鶴衆口一嗣夏召之父母陞今鄉同念敢陳功蹟雖與創不符實吐至情亦爲非阿所好倘得久於其任定聞比戶絃歌
如今永作之師無負與情鼓舞仰仁憲情深民瘼志肅官方春鶴茅簽喜曝三冬愛日雲開桂嶺欣傳一路福星爲此公
議原鑒俯准俾遂依劉之志庶罕借寇之心陰隲齊天公侯萬代矣謹稟

舉人韋公繼新墓誌

知縣方憲修撰

公富昌公之孫懷剛公之長子也少聰敏守伯兄體謙先生訓習舉業列志自勵甫弱冠補弟子員食廩餼設帳課徒遠
近尊師之惟嗜學家事悉委之內而夫人能耐苦饑不繼輒紡績以佐館穀遂得置田園嫁女妹婚子媳諸賴賢力公
猶不以治產爲念寢食經史故時藝及策論大作力追漢唐以上直與嘉隆先生輩枕席至工近古體詩特其餘緒耳中
道光癸酉科鄉試策九名入春闈爲杜時樣弊不售歸里後於戈四起羣推公掌團務凡唱籌量沙所向克捷咸豐庚寅
以授知縣梓里倚長城咸廳命歲在丁巳內亂作邪正不兩立構釁橫生家產蕩析從公奔者千餘人所過處爭逢迎矢
義奮勇不數年逆省授首還故土旋膺邑侯聘主書院講丙寅冬十月黔苗逼縣公馳名子弟賊擄城公率少子宗才嬰
城守外援絕共遇害都人士聞訃而痛者幾爲市罷賊退殲公歸凜然生氣共驚爲神茲安厝於南山之陽諸公子請修
序修與忠難交知最悉公生子縣各四其長嗣克有父風屢膺荐剡次華儒淳謹自若三己已歲庠書香永維後之興者
正未有艾謹約略誌之藉述梗概以當吉光片羽云銘曰維嵩嶽靈篤生奇傑邦家之光經史之液荒破中州光騰魏闕
桂嶺棘闈蜚騰越兵甲橫胸斗星羅列保我桑梓奠我邊粵器重明庭功垂奕業中歷坎柯幾遍輪輻轉徙百戰掃盡

餘孽官仰其品士崇其業主講環溪絃誦不輟運至陽九復經浩劫嬰城無援矢盡力竭爲國捐軀英風凜烈白日其心
清霜其節大厦誰扶斯文欲絕留青兮劍留血葉蒼蒼兮山疊疊誰招魂兮熾火滅欲潮榛莽兮撫千秋之碑碣

盧氏一門九烈徵詩文啓

知縣翁裕珍撰

蒼蒼真木撐天接葵宿之輝凜凜寒霜皎日壯河山之色雨晴正氣亘古常昭一片孤忱千秋罔替盧氏蒙宜人永錫公
繼配演潘庫尹式慎之賢母也生不名門於歸世胃柔嘉維則勤修榛栗之文淑慎爾儀毋爽蒞蘭之節挽鹿車而相夫
子德著宜家而熊丸以教諸兒範昭賢母薛庭三風吳占折翼之悲韓氏雙環具有千霄之瑞永錫情耽泉石與託農桑
火澆容端敦考亭之踐履香霏蘭頰解鄉黨之難紛親戚交遊資其困乏橋樑道路聊以治平爰是慶集蘭闈辭饋梓舍
芝蘭玉樹成生積善培庭琤瑤環克稱大家風範青松結社美繼竹林白髮齊眉情甘藜藿效陶公之偕翟氏鋤後耕
前比德耀之侶梁生倡予和汝青山十畝掃除碌碌之塵紅燭三根醉聽烏烏之曲得性情之真樂最可長生詔詩禮之
異聞更無餘事賀矣飲食洵稱陸地神仙大哉春秋已向香山比老乃值滄桑之變即歸箕尾之星蒙宜人常則順德流
輝賦鷄鳴而戒日變則真心著善調別鶴以言哀感歷窮應慨時綱之已紊亂生積規悼家運之方屯問天道以難明宛
轉負愛天之際重國恩於多故殷勤剴報國之肌由是次公含瑄忠構身危義膺家難練團練聚寧親寓堅壁之謀備械
儲糧却敵宏折衝之畧固已振聲威於閭里離散歸心樹勇烈於疆場么麼遁影矣何乃黔苗家突土冠蠶屯妖箠方張
糜戰而牽其首尾凶謀益急聞道而擄其腹心內守旣虛外援更絕砥平原之血痛宜人暨女美信孀孀蒙宜人姪女淑
任四口閩室捐生殉下壺之身慘次公含瑄堂兄蔭祚蔭善姪嘉星禹留五丁疆場戰歿時季公式慎莫身死門已拚九

死之甘潰陣生還翹切獨生之痛於是效包胥秦庭之哭矢荆卿湛族之心小醜跳梁不漏吞舟之網縣尊動色爲與傳
檄之師虎穴親探盡搏鱷虎魚邦暗渡悉餌遊魚剖心以祭先靈喋血而伸義憤返親喪於烏舍馬鬣初封致廣柳於鵠
原牛眠始固里人罷社邑分式廬獨子分祿續仲兄忠誠之嗣一身兩後慰叔妣貞烈之靈繼述如斯顯揚恐後報施有
在否泰相乘趨鳩鵠以鳴珂佐屏藩而總賦先占黔嶺再筮滇池雖增堂構之輝益起松楸之感鸞封鶴俸已蒙勅授之
恩雪白霜寒更荷旌崇之曲倘教湮沒定遺憾於瀟岡欲與褒揚應乞言於椽筆爰爲濡墨敬事書形所冀名公鉅卿錫
以琳瑯賜以華袞區區拙句聊以引玉拋磚炳炳名公豈惜投桃報玖意昭激勸盛朝之乘史先登風採輶軒彤管之繪
音允荷煥重園之寵卹感動神靈仰天節之額頌榮增邑里揮毫敬告毋任神馳劈紙歡迎不勝忱懇肅啟(男坊對聯)
百戰衝鄉邦在昔風雷沈毅魄九重發節義自今泉壤發幽光又聯湛露沐宸章九陲繪音旌宅里疾風標勳草千秋義
憤壯山河(女坊聯)義烈出深閨古井寒波昭勳節恩榮崇綽楔名山貞石紀芳徽異命錫榮封優詔卽今褒苦節坤維
留正氣貞珉終古挹清芬(家祠楹聯)桂水啓鴻基百世馨香綿祖澤范陽垂燕翼一門忠存振家聲龍水振家聲陸族
敬宗同敦仁孝鳳山貽世澤光前裕後永存馨香

盧公壽慈哀母啓

嗚呼 自去年辭母回桂因事留滯經歲未歸吾母病不及侍湯藥吾母歿不及視含殮吾母以民國十二年夏曆三月
初一日辭世已三閱月而霖奔喪始至樵心泣血搶地顛天爲痛無紀極矣禱自有生以來幸能成立以與國中諸大君
子周旋不至見棄於人皆由仰承吾母慈方之教今已不可再聆慈訓矣蒼蒼者天從此永爲無怙無恃之人寤寐未安

勉當大事憶母生平肝腸寸磔也母性莫氏廣西宜北縣人系出名門幼嫻禮教歸先考泰留公勸儉誠樸和易愛人家
庭內無間言鄰里尊爲矜式先考懷抱壯志投筆從戎恆不愛內顧也甲申乙酉間匪亂蔓延先考爲地方官紳所推倚
爲軍中嚮導慨然遠行時燾方歲餘母乃襁負偕同邑中婦孺流離避亂於岩穴山菁中險難荆棘病困饑寒千苦萬狀
無所告語也丁亥歲匪亂始平先考尋得母子匿所偕歸灰心進取鹿車共挽隴畝躬耕此時四壁蕭然父任耕母任織
燾未成人亦能任盥事先考夜課燾讀焚膏不繼母輒燃藜助之父母期愛欲有成立寸陰無弗惜者燾年三先考
命燾往從姊婿郭體軒學人有以年幼獨子不忍遠離勸吾母者曰吾與君父不欲以溺愛誤學齡也壬寅秋先考見背
是冬姊婿亦相繼歿愈復伶仃孤苦嗣母爲燾娶於覃氏蓋爲鄉中望族謂燾曰汝成年當志四方內助有總無以爲念
燾於是始泣別母出就濟軍事旋迎母於柳州時清廷失馭國事日非燾與同志張鐵城王威洋陳曉峯曹清桂易麥秋
諸君運動革命所謀輒阻戊申六月桂省大府索之急別母走香港母挈媳及幼女孫旅寄無依悉倚十指爲活越歲得
友人韋君欽武資助旋里已酉燾至滇考入陸軍講武堂至辛亥八月畢業九月反正與援川之役壬子夏四月應唐督
命至貴陽秋八月迎母來黔未一月援銅仁不及小憩癸丑七月奉命援渝九月返貴陽以政府獎金三百元之母母恐非
義之財燾以實白且言奉母教無敢妄爲母乃色喜曰汝能如是吾心慰矣冬十月奉母至滇甫三日又有援榆之役疲
於奔命年中無兩月聚者甲寅春乃辭職奉母旋里取道越南香港廣州柳州未抵里門奉劉督急召五月仍至貴陽乙
卯冬帝制事起同志多反對燾以白世母曰籌安會召亂也志士反對義舉也燾乃與王君電翰李君雲鶴袁君鼎卿胡
君蘊山合謀義舉將奉命東下擬送母復旋里母不謂然廣西繼起反對又安歸乎已而果然帝制亦旋消滅戰事解決

丙辰秋迎母於銅仁戊午四月奉命撥湘己未八月迎母於辰州庚申四月奉命撥渝又奉母寄寓銅仁是年九月總黔軍回黔冬月乃自銅仁迎母入省後家人骨肉始克團聚中多變故定省仍疏或至上厓母疑且喜有孫男萬金萬水孫女槐柳槐槐實定銅仁銅軍晉筑繞陵承歡舍館爲樂聊慰遲暮而母每操作如昔一以勤儉爲本並欲垂爲家法經言恒其德貞吾母誠有之也壬戌三月定黔軍與黨以母命力避戰禍退而閉門侍母無何滇軍入桂有討賊之舉假道貴陽堅約與偕且以時局大義相責難值桂軍將領函電交至迎黨回桂而定黔軍袁總指揮復加援助爲黔爲鄉爲友遂有不能不出之勢夏歷四月二十日別母而行嗚呼此行遂與吾母永訣竟不得迎母還鄉黨爲名教罪人通於天矣是役也奔馳於桂粵湘鄂京洛滬僑事與願違不得要領思母之心一日數轉去多十一月在湘始得母函謂八月十六日跌床下致中風亟欲返黔侍疾屬以牽師羈縻加以烽烟彌地身欲奮飛卒不可得度日如歲迄於今春中間迭得胡君壽山田君鳳丹劉君俊三各函電言母病狀肝腸寸摧忽接次女一函言祖母飲食尙好差爲一慰三月十九在香港得田君鳳丹轉到內子及次女函催歸又急中心如碎二十日買舟泝漢時川黔戰事旣起陸步荆棘乃先電慰吾母此電已不能達母之目矣是月三十日劉君少南樞君孝先張君建中轉到鄕中侯君厲霜來電吾母竟不及待齋歸而長逝矣雖得噩耗未得時日刻即叩天設靈成服四月初一日渡江乘長武快車赴湘回黔奔喪長沙趙省長炎午餽贈派兵沿途護送并抄來致廣州滇軍楊總司令紹基代轉黔劉省長周公一電及參謀長王君承旂副官長林君笠耕促歸各電至是始確知吾母於三月一日棄世嗚呼吾母辭世之日正粵中戰鬥開始之時距齋開耗已及一月戰禍相尋交通多梗各方知愛諸公之函電及家屬之音問勸輒轉涉及旬月道途困人悲傷曷極已矣齋今長爲無母之人矣今遵遺

命以時方多故非歸葬之日就貴陽擇地淺厝謹述吾母生平困苦行畧及所以教肅而望肅者乃在致力國家而肅不克肖無以承母志慰陰靈也終天之痛何日已哉倘蒙當世君子鴻博健華錫之銘誄以彰母德而光泉壤攷存之感金石不渝矣苦塊之中語無倫次伏乞矜鑒棘人盧齋泣血稽顙

盧母莫太夫人像贊

宜北名家粵如皇族習禮明詩鄰厚姻睦肅哉遺風卷施芳躅教子成名荷天寵祿寶婺星沉窮齋巷哭繡像鑄金其人如玉侍生劉顯世敬題有子克孝母慈可知有子克仁母賢可知我聞盧母既賢且慈宜其有子仁孝冠時穆穆母儀昭昭盛範瞻拜遺容爲之作贊世越姪唐繼虞敬題

王甫墓誌

附貢生莫子榮撰

前清邑庠生莫公蘭薰字王甫余之同學年友也民國庚午年秋作古冬月安葬舍嗣君俗經等問余代作碑文余感懷故友墨淚毫端隨屬東家常相來往平生歷史頗悉恭詳曾祖佛求公祖考燦紅公顯考詡能公字子才前清增生顯妣盧氏孺人生公天資明敏心性忠良宗族以孝悌稱鄉黨以和睦著品行美學問優縣考慶戰多場出人頭地弱冠入泮綽有祖風由宜北分設縣治與余餘充政學等職清廉勤慎衆望允孚雖時局政變均能明哲保身可謂識時務之俊傑矣公淑配夫人前清監生蒙造之公之女賢爲內助家計日興誕生今嗣君五人義方庭訓業紹箕裘令媛有一嫁與監生韋炳榮之子男女均有家室子評願畢眼見兒孫茂盛高大門閭我輩名教中人維公先沾慶世清福詎白鷄入夢

一笑而終人之云亡國之不幸而典型尚在炳若日星勒石載銘庶幾終古銘曰天留碩彥兮黨國紀綱天飛玉樹兮蓋世文章人往名存兮百世流芳先生之風兮山高水長

戒洋烟賦

以鴉片烟上了癮爲韻

清舉人章繼新作

洋烟爲害實屬堪嗟出於洋域染遍天涯死盡乎趙錢孫李禍延及府縣州衙嘗來奪命之膏藥惟愛毒走入斷魂之陣路不嫌差論到開燈都洋洋而得意言及過癮正躍躍以相誇非故非親都成眷屬卜晝卜夜不悛人家任多旨酒佳釀伊無爲者寧可餓乾米盡此可離耶腐體凋零罔惜形同餓鬼容顏憔悴可憐似寒鴉乃有富貴驕兒鄉村俗諺雅愛吹噓不爭臉面業惟弄乎一丸功每深於百練餘屎搓來五道猶說馨香清油添過數回不知勞倦慣食於幾兩官班托命於半張草薦錢財不憚消亡人品更爲污賤當年一肥二胖玉潤珠光今日七死八生頭昏目眩虱如蟻蟻髮間何止千羣衣似袈裟身上居然萬片爾乃青衣子弟美貌少年街前戲耍帳內偷閒始則初學入門聊貪兩口繼則放開大量竟登雙肩掛肚牽腸內已生乎根蒂窮形餓像外更少乎銀錢當權記於生離兒襁婦禱書更立乎沒賣祖宅父田餘熱因人籍銷鎔於肺腑一寒至此供吐納於雲烟更有旅客行客石工木匠猶乞人憐罔知自量隨時倒枕橫床到處簞燈列帳賜非布而火光難怪焦枯口非塗而墨點不成形狀入宿則店主常嫌幫工則東家多誇善騎疏黃馬借得親朋貨物有去無還會駕簸箕雲驅得婦女簪環旋得便喪終歲肩挑背負盡化熔於竹孔之中一生汗力血資悉消滅於燈光之上然而氣類偏多友朋不少頻來混食之蟲有似同林之鳥只圖一口半分不顧形勞心惰到時脅肩諂笑媚媚偏工坐下巧語花言人情貴曉條爾長吁短嘆淒涼話說得堪憐忽然雄辨高談謔戲居然善嫻人纔讓枕忙道多承多承

身未登床運稱招撥招撥不知人厭得一望二轉求餘問顧烟完似豆如拳還恨少混過今日望明日下氣無窮食竟東家走西家求人不了嗟呼孽本自招窮將誰憫弄盡聰明翻成愚蠢試問歸根何所乞巧偷兒安知絕路非逾形銷命殞立心尚悔前非割愛還須堅忍烟槍本殺人凶器謹避鋒銜烟托乃刺肉利針不重吮吮穢污烟屎轉翻莫學光燐烟爛臭烟泥稿壤無爲蚯蚓烟帳改爲鴛帳雙棲烟燈換爲書燈克勤克敏盛殺不可烟盤敲碎何妨量米未能烟斗打開要緊烟媒留爲燒火煮飯烹茶烟剪送爲裁衣製襟開袵吹烟之物拋完嗜烟之心斬盡吾形依舊豐肥家用亦非窮窘省却無邊花費免貽父母憂愁斬除不好秧苗勿使子弟替引

今日安閒恃父兄（八股篇法）

舉人章繼新作

恃父兄爲安閒非佳子弟也甚矣父兄非有安閒之日也惟子弟不忍安閒庶可其勞苦耳而恃之奚爲者且夫人之有子弟而懼其流於宴安也故爲之擇明師。選良友與之攻習文章探討道義使爲聖賢中人而其心始安爲子弟者亦當體其期望之心而爲之奮其心堅其力不敢自曠其切自墮其業勉爲聖賢中人而其情乃盡而執意今日則大有不然者間嘗徧窺同堂靜觀諸子見夫優游無事日袖手於明窓淨凡之間密語私談或放浪於流水高山而外蓋安閒甚矣使其資質優異義理則心領神會天資有餘人事不妨其不足專功半倍聰明所以有獲也而二三子不能也使其學問充足經典則過目不忘則十年讀書不可無十年涵養優游屢飲默識所以心通也而二三子不能也其安閒也若有所恃然所恃惟何則父兄是或爲富足之家其父兄持籌握算不辭朝夕之經營而糜有餘粟先生長者之東僂皆先世祖宗之福澤也而恃之者不顧也但知父兄之多財食用不妨於過侈但知父兄之有勢禮貌不讓於同儕以父兄無限之

殷勤長我今日之矜傲蓋其情悻矣或爲貧窶之子其父兄沐雨櫛風不憚世途之奔走而日求升斗月較輻銖書房誦讀之膏油皆當日負載之血汗也而恃之者不顧也但知父兄之節於飲食雖偶得甘旨而不分但知父兄之習於勤勞卽當躬瑣屑而亦委以父兄生平之辛苦遂我今日之逍遙蓋其志忍矣故其行動之際氣彙雄偉言論丰采儼然以書生自待而考其品詣豈真當代名儒細察不過一柄白紙扇一件好綢衫一對糊子履几席之間筆硯縱橫經書羅列宛然以博雅自居而叩其誦讀止此詩文兩本敲死不能數周朝三十六王漢朝二十四帝唐朝一十八宗習氣健則迷惑愈甚雖告以懷安壞名宴安鳩毒之言而其心不悟姑息慣則驕惰性成雖加以督責誓言夏楚撞牆之詞而其志不與吁數輩者吾不知後日來爲何如人父兄猶以聖賢中人而甘爲牛馬也悲夫

詩部

到京感吟二律

其一

舉人章繼新

多年矯首憶京華此日都門望眼除烟裡亭台歌舞院雲中樓閣帝皇家九天星宿來仙客萬國雷霆走轉車我到正當春二月擬將看遍上林花

其二

炳然人物冠塵寰惟有京師是大觀二十年光來自易八千里路到應難山如登秦邱陵小水若望洋眼界寬生長邊方聊自慰壯遊今日抵長安

都門雜詠四首

其一

舉人章繼新

寒窓那識玉堂中趁伴朱門謁相公南北語言猶可通趨踰拜跪却難工念他赫奕高官職盡有誰光下士風萬里雲程欣得路諸君何以答明聰

其二

庭闈一別已堪嗟况到庭闈萬里除穉穉一年三過節關心十夢九還家飄遊子身如葉班白思親髮有華擬待顯揚資祿後如何歸去藝桑麻

其三

金盡囊空用不舒，都門留滯正愁余。豈惟旅客常多恨，到底長安不易居。積日又添新酒價，隔年未到故鄉書。百端交集難成寐，臥聽宵行轆轤車。

其四

扳龍附鳳到京都，三載依然一野夫。恨別飲從醒後醉，思鄉客在衆中孤。王侯地宅如斯盛，文武衣冠與昔殊。上國觀光觀已盡，此身端合返邊隅。

出都門回感吟二首

其一

舉人韋繼新

數載燕台運未通，都門回返復匆匆。時來道路分明記，去日鶯花婀娜同。快意池魚歸澗壑，忘情山鳥出樊籠。下科未卜來相否，相勸慇懃感相公。

其二

前名

多少資緣官裏去，蕭條獨向粵中回。寒儒到底成難仕，朋主何曾棄不才。目下相知揮淚送，故鄉有約笑顏開。從今風月交誰愛，野鶴林猿莫漫猜。

登岳陽樓

前名

岑樓到處歷尋常，勝境今茲上岳陽。雲步遠看烟漠漠，洞庭親見水茫茫。范公有誌吾曾讀，崔灑無詩我亦忙。氣象萬千誰領畧，同觀大塊大文章。

登黃鶴樓望武昌漢陽諸郡

前名

亭亭黃鶴剩高樓，崔顥留題筆力遒。不長古人詩亦就，欲追仙客願難酬。交爭莫問三分國，千里直看兩岸舟。此日登臨良不易，果知還有再來遊。

將進京會試感吟四首

章繼新

儻開家食忽三年，又向長安去着鞭。敢說鴻毛風易順，自憐鷄肋味難捐。看花聲氣虛前度，拾芥功名望後賢。回首幾多離恨積，此心那不似旌懸。

其二

十載輪蹄困軟塵，長吟短劍合隨身。高堂晨夕離甘旨，遠道風霜閱苦辛。未必劉賁終下第，可憐王粲總因人。中宵起舞，舞聞慣記取天涯若比鄰。

其三

臨行何事轉遲遲，兒女榮情豈忍離。問字祇全須外傳，牽衣粗解數歸期。百年骨肉誰能遣，萬里功名未可知。料得蒼韓愁座裏，還憑笑語慰輕眉。

其四

北望燕台路阻修，匆匆循陸又牽舟。不遑將母惟兄托，無以爲家賴婦謀。五夜荒鷄催舊夢，千條楊柳繫新愁。分明萬里雄心在，祇自臨岐悵遠遊。

起造八角樓成自題

韋繼新

樓成恰值酒初馨
飲酒樓觀醉眼醒
繞郭玻璃雙水綠
當窓卓筆一峯青
天低有影是堪摘
夜寂無聲日可聽
從此欄杆高處
厥四時間倚對長瓶

其二

危樓高百尺
手可摘星辰
不敢高聲語
恐驚天上神
只有天在上
更無山與齊
舉頭紅日近
回首白雲低

創旺山新壩成自題

韋乙佩

高田爭耐故橋低
再溯源頭過小溪
忽看雲間飛白練
斗從天外落紅霓
却因導水惟穿石
不假漚洪更築隄
隄隴居然皆樂土
歡騰村北與村西

其二

橫開百尺石層層
拗取泉聲浪不崩
活水遠通渠十里
枯苗徧起陌千疇
培滋地力原無盡
疏決人功更可憑
但令成終如善始
家家代代樂豐登

新秋病起二律

方澐山

推窓病起望斜暉
睡葉鳴風隔岸聞
辟穀不靈還願我
返魂無恙爲思君
藥爐閒貯三更月
茶灶里開一壺雲
萬慮消除吟興健
滿山秋色合平分

宜北縣志

一三五

其二

無方却病浪痴肥汗洒南薰不解衣
七尺軀邊伸五尺十圍腰已減三圍
一天霜白摩長劍滿院槐黃悵晚暉
猶作此間風月主開中相對可忘機

恭步新秋病起原韻奉和滁山刺史

韋繼新

山中容易又斜暉無限秋聲入耳聞
果熟風前喧桂客林幽月裡嘯山君
止隅自笑忘機鳥出岫欣看作雨雲
一曲陽春驚索和巴人何止讓三分

其二

兼人天與此身肥碩大魁梧稱袞衣
腹笥珍藏千萬卷沙撻衝突機重圍
并包兆啓三刀夢普照清陽二離暉
弱小豈堪當大任原來有識早知機

春花

韋繼新

多少園林費剪裁漫呼仙子下瑤台
不緣姊妹三生約肯遂繁華一笑開
伴柳早知無傲骨輸梅先自占高魁
記曾分與江郎筆五色爭看奪錦才

春草

暖風吹動賦如油十里幽平原九里幽
襯得江山渾如畫飽含雨露不知愁
三竿日上誰調馬一笛風清正放牛
回首池塘春意滿王孫欲去又勾留

春山

憶昔驚寒睡欲神，醒看大地已回春。
本來面目原非假，花樣文章迥逼真。
佳景四圍開笑靨，錦袍一脫剩閒身。
兒孫繞膝餘青眼，閱歷繁華舊復新。

春風

斗柄新回到巽宮，乾坤一氣劈洪濤。
不無鼓盪難生物，信有吹嘘始見功。
柳絮池塘鶯語碎，杏花驛路馬蹄雄。
金鈴動處對姨笑，脂粉殘紅散滿空。

春雨

韋繼新

尋芳忙起作春行，踏遍香泥履齒輕。
茅屋半間容客賞，平隄十里有人耕。
養花預卜爲霖望，潤物應無破塊聲。
遙憶渡頭潮落晚，空濛烟裡一舟橫。

春水

昨夜風雷發怒號，半江新漲沒三篙。
浮空白鷺濤翻雪，夾岸紅濤浪捲桃。
到眼落花飛汎汎，驚心逝水去滔滔。
武陵果詩來津問好，掛春帆盪小艘。

春鳥

欲向枝頭覓好音，泮林消息尙沉沉。
久無簫管歌紅紵，猶有笙簧奏綠陰。
滿面春風來故友，一聲天籟助長吟。
山居也自

憐岑寂坐聽提壺日勸斟

春鶯

啼遍東風願未除遷喬到處可爲家畏寒自把金衣着向陵誰爭綠葉遮巧弄機聲頻織柳驚回春夢若憐花羨渠生少
原清貴太液池邊度歲華

春聯

韋繼新

宜春裁能醉中携一色桃符貼整齊到處風光工點綴幾人門第合標題墨花香落雲箋細簫鼓聲沉日影低安得十聯
詩好句揮毫寫上御屏西

題十二樓詩

貢生韋乙佩

鳳凰樓

香散朱樓月影移涓雲闌樹尙雌離百年霸業無遺土一代風流屬女兒樓外有天容並駕人間無地種蓮枝卽今豈少
吹簫者不見雲禽欲待誰

白玉樓

鴻濛一氣擁危峨玉案阿誰曳綺羅取土塵中今絕少寄愁天上古來多錦囊已化風雲去寶檻從教日月過彩筆花顏
同簿命不齊召去意如何

黃鶴樓

雲籠鸚鵡久埋憂，一片猿聲不出樓。
詞客有靈魂上下，仙人無術影沉浮。
巫峯遙散琉璃頭，雨漢樹平分鶴背。
秋我欲携將，雙玉笛倚檻吹破古今愁。

井幹樓

翰名悔後美人亡，信是無心作帝王。
樓影漫教探月窟，秋風偏會斷腸郎。
青鸞浪寄蒼前信，錦帳虛留夢裏香。
難斬情根，聊學道英雄癡處最堪傷。

仲宣樓

疊疊湘雲匝四隅，南冠無賴劍光枯。
只言薄命皆兒女，那識飄零有丈夫。
鄂渚啼猿爭日暮，荆門過鴈笑人孤。
公爲男子猶多恨也，念文姬遠嫁無。

隋迷樓

香結濃烟柳柏堤，瑤窗直與白雲齊。
忍將茅屋千家哭，博得珠樓一字迷。
錦纜牽殘紅粉命，彩花化作杜鵑啼。
風流罪過何須貴，只恨昭陽少諫妻。

綠珠樓

銀屏夢破綵雲空，縹緲珠樓倚白虹。
熱血久飄鸚鵡外，香魂只在牡丹中。
幾層玉級能忘妾，三斛明珠不負公。
亦有同心無死所，因卿哭向落花風。

岳陽樓

寒闌難作楚江遊，夢裡頻登湖上樓。冷月不通巫峽雨，水心愛浸洞庭秋。湘靈偏鼓離高曲，山鬼能招獨客愁。苔竹斑斑波浩浩，與誰同上木蘭舟。

花萼樓

花萼相輝夾御城，三郎原是愛多情。若教椒殿無狐媚，真個天家好弟兄。倚檻淵淵催羯鼓，入簾恰恰叫宮鶯。如何韓虢風流帳，終勝那等雁字屏。

紫雲樓

江頭仍舊見雀巢，魏依斯西風弔客暉。亡國分明因李相，登樓何必罪楊妃。檻雲帶紫光猶淺，堤柳含青春漸肥。却使梨園老子弟，儻香昔是與今非。

燕子樓

檀檜燈影曉風吹，門捲殘春翠幕垂。紫燕到簾能見信，白楊作柱反相疑。廿年似夢全非我，一命如花尚倚誰。最恨深閨生死事由來，難說與男兒。

籌邊樓

斯是衛公舊將台，巴童綉婦到今哀。君王信謗原非策，元老臨戎未盡才。壁繪維州城碧血，心隨悉阻碣黃埃。手原尚有吹笙妓，胡不飄然歸去來。

步和十二樓詩

賈生韋絢鴻

鳳凰樓

俯仰興亡互轉移，霸圖惟剩黍離離。
香雲終古埋鶯首，蕭韻何平引鳳兒。
畫檻不留含睇面，春風獨綻合歡枝。
前身定是天孫化，謫嫁人間識者誰。

白玉樓

碧空莫覩帝居職，想是瓊樓十二羅。
應召鬼才今古絕，合章玉闕雨雲多。
詩讖直兆蛇神幻，塵夢孰招款段過。
漫憶休文天遽奪，醉遊采石奈如何。

黃鶴樓

巫雲夢發楚王憂，未倦登臨水上樓。
仙馭縱隨風雨至，乾坤猶作畫圖浮。
落梅曲奏笛聲慘，滄海烟拖水色秋。
從覓鶴蹤何處是，湖光瀾漫不勝愁。

井幹樓

萬種塵情竟末亡，憐春奚必定襄王。
木欄忍聽迴風曲，仙露難澆滄惜玉。
腸無術返魂，嗟薄命終宵望。
魂慘殘香長門結怨，君知否夢寄蘇蕤漫愧傷。

仲宣樓

宜北縣志

鄂烟曷曷繞天隅久繫雄心和說枯萬里穹愁懷古國十年離恨著潛夫樓頭滿眼春光老江表依人客命孤若使劉曹知倒屣鹽嗚猶可濟時無

隋迷樓

綠楊十里奄長堤遙映廢樓撲地齊曲聽鷄石邊夢斷春醒寶帳又情迷流鶯何處尋鴛畫杜宇無心傍枕啼香洞從來銷駿骨空教月夜覓仙妻

綠珠樓

粉澤依稀笛韻空望迷金谷鎖殘紅香塵步冷疏櫺外皓齒歌煙錦帳中念重雙棲難化蝶情深比目合依依公可憐三斛明珠妾只付秋陪一夜風

岳陽樓

何必華胥翻勝遊長空香闌正當樓君山遙擁千層翠湘竹忽喧一片秋落落賓鴻驚旅夢珊瑚寶瑟散香愁月宵更有宜人趣兩岸漁歌放釣舟

花萼樓

平王聞說醉傾城何意崇敦棣萼情友愛可能眠五帳喪亡豈復誤三兄雕甍月上頻移仗禁苑芳濃暗轉鶯一自海棠花睡足鴈行從此撤雲旌

紫雲樓

樓高直逼蕊宮巍有客臨軒悼晚暉
筆墨忍歌天寶事珍珠惹惹上楊妃
琳玲曲奏退垂紫閣掃妝梳粉肥
回首霓裳今已矣長生私誓計全非

燕子樓

風笛鶯簫擬立吹那教玉淚竟空垂
夢懷隻影從今絕天妒雙鳴有古疑
焦悴爲郎應憶我飄零如燕又憐誰
蛾眉歌舞渾成幻賺與詩人贈粉兒

籌邊樓

皓皓蟾光照埃台元戎曾此靖邊哀
運籌不減量沙策畫壁眞粹聚米才
南道河山歸掌握吐番部伍熄氛埃
登臨遙憶西州守恍觀登轡航海來

軍中感懷百韻

慶郡太守張凱嵩

帳幄舒籌策挑燈夜不眠戎功期努力
民事愧仔肩否泰分消長乾坤賴轉旋
馳驅勞戰伐遭際感速還愷授守州常
希渤海賢并盟象漢土鎖鑰握黔滇
蒞治新刑發愛時大厦顛豺狼屯滿道
鬼蜮躍鸞筵毒烟蒸庠序晨炊冷市塵
謗謠工射影劫掠脆腰纏白晝青燐結
紅旗綠野塞澤鴻哀欲絕巢鵲念難獨
日近雲堆蔽箕燃豆可煎將軍眞屬鼠
屬吏半寒蟬孰殺僑居鄭難圖段處郡
及茲辭担荷毋乃廢旬宣對局棋頻布
陳書墨屢研礪糜安肘腋擒捕理蹄筌
和衆姑排難盟神特告虔賊會驚早遁
圖冊喜重編公簿宏規著澆漓薄俗漸
百骸知痛癢四路掃腥羶鄂莫樽初設
王姚榻尙懸

難渡羅俊彥彰輝判燧妍樂業勤耕鑿修文播誦絃調間官舍鶴瑞集講堂鱉僕從途方戒凶頑黨又連蝟函齋桂筮羽
騎騎花驪勁旅蒼頭聚征袍碧血濺巨鯨波漸息狹兔窟仍遜用閱心相印燧渠首意駭憲釋雜笈戢兵器欵戈鋌楚客
休鳴鳳函民競獻駢毀譽聊復爾富教遜如焉鞅掌經九天石江鷗翼展台座豸衣鮮攬轡蹤猶滯跳婆禍
已延根空唯畫餅矢竭慨張夸肝腦中衢伏脂膏閭郡腹饒虞原接壤隴蜀果垂涎聞警征精銳陳師按伍偏燧槍光閃
燦刁斗响喧闐捷足騰楓樹殘屍枕木棉快如探蠅亂迅若逐鷹鷂風化通谿洞塵埃靖陌阡共欣千載載差幸九能全
炎夏駒陰駛青秋鴈陣聯西成納稼穡東望起烽烟藉地狂麇旁長堤駭浪穿當關高築壘逆水猛乘船拯溺疇援手持
危獨奮拳詢謀資宿將叱咤擁中樞有虎禍終負無鳩戶盡鍵火攻親搗穴林立衆推堅詎料軍能左翻教轍覆前妖氛
揚頃刻幻境墮重泉擢髮違言罪捫衣且蓋愆瘡痍思待瘳軀命忍虛捐懷鎮輕車騎儒生義撤傳匡扶推領袖誓歃列
性倥世牧忠輸餽窮黎勇控弦剝膚憂懼裂裂皆怒悃悃奇正韜縠六縱橫敵繫千殊助收轄邑暮景返虞淵僞帥櫻戕
斧降人具粥饘孤城容獸困七度易蟾圓伐宋鄂雖入平淮石未鏑旌麾遲蔣琬鞍馬老揚旒破碎沿村宅荒涼繞郭田
山深鷲吠犬春至獸呼健伏莽盈郊左誅茅徧嶺巔流忘嗟失所勦藹盼何年况復巡方使難逢點石仙供支衡累黍搜
括罄數細計拙漸綏寇才羸耻僞員飢疲誰遣此激勵亦徒然今夕移情遠幽栖塵影憐鏡中雙白鬢身外一青甌食少
參芪代愁多涕淚漣蒼忙家國恨飄泊弟兄緣憶膾非殊翰浮槎合問籌危機恆易蹈痾疾幾曾痊失步尋莊蝶聆音怯
杜鵑苦吟聊當哭靜坐信如禪臣也懷明聖君哉邁古先宸威臨咫尺厚德洽閭閻小醜冰消易元僚聞奇專崑崙誠許
齊泗谷豈須城急舞劍珣劍爭揮祖迹鞭敢忘窮蹇塞漫負腹便便羅士營開柳談兵暮啓蓮星韜圍按節露布重防邊

慰勞同仇者追隨各勉旃榮名標竹帛私志擲金錢
整隊宵傳箭啣枚曉濟川留侯終滅項樂毅再存燕
敵風吹籟蒲酒在籩好唐圻父什愛讀武城篇
顯隙斯文犯悲輸我意牽鏡歌還擬製珍惜衍波箋

步和軍中原韻

舉人韋繼新

籌邊勞獨運烽火警愁眠大將堪管胆萃才敢息肩
誓師同邁往奏凱卜言旋時雨人皆望追風馬不遑
謙恭勸下士仁愛喜親賢反掌收全粵同心及古滇
功名懷管樂伯仲見闕頗月報來三捷風歌起四筵
舟航通海國梯棧達山塵胸有精兵具腰無寶玉
纒識韓聲價軍借寇袞裳摹作法皆深意盟神早
吉獨鼎形如物象丹灶費熬煎貝錦終投虎螳螂漫
捕蟬苞茅齊楚戰蔓草鄭征鄢孫武謀攻善泉陶淑問
宣脅從應罔治義理最精研羅雀雖開網烹魚肯忘
釜風乘今慕慈刀贈昔交虔韜畧書成卷盜氓册可
編新恩三宥允舊染一時漸歸化苗興雨輸情蟻戀
覆雷聲誠大震露布擬高懸風景當前換烟花分外
妍詩應吟苦調琴令改張絃奈負山嶠虎還遊釜底
鱉鷹揚方擊搏島合又鈎連大半櫻戕斧偏多踞錦
鞫危城氛甚惡明鏡淚誰灑塗炭黔黎苦兵戎歲月
遷再衰戈必倒三駕馬仍駢浩氣餘勇長鎗雜利鉞
芟夷同去草驅逐類從豺集義所生者求仁莫近焉
亂邦成樂土人力可回天指示偕功狗親烹一小
鮮繪音加寵錫國祚慶綿延自笑投班筆憑空稽李
壽爲誰三載忿忘我一身腹蟻掃杯中粒蝸粘壁
上涎焚香常默禱造物庶無偏果見班師樂應聞
振旅闌軍心同挾纜人章共縵綿淵靜魚無擱叢
深雀避鶴從龍歸北極買宿事南阡生殺無多事
寬嚴得兩全九坡欽軟蕩百辟翕班聯闕舉停征
柝村鳩起爨烟十行堦共閱七札不須穿畫倚
臨風閣宵乘載月船無花督老眼有肋邊尊拳吏
隱誰能試官開亦中權庭空還獨坐門設不妨健
此景思難繁霜履父克堅踰關方去後跋履更當
前天地

生頑梗江河飲盜泉所歸千萬何止二三德名豈斯人假軀應爲利捐包藏心叵測惡貫滿當傳如鬼看披髮欺神况攘
怪詠會於斧鉞朴可應弓弦王法難寬恕人情共忿恚龜文輕十萬虎旅聚三千善勳飛無極深藏躍在淵枚啣多勇壯
困指宿梁饋邊吏才何短將軍智有圍功深省俊偉鑄鼎合雕鷲清淑呈川嶽光芒在玉璇人遊安樂土農種太平田開
放風則鶴時驅雨後健民安衆物阜水潏更山巔虎拜揚休日麟書大有年間真香案吏飲亦醉中仙蔬食同梁肉荆釵
勝玉釧山中餘宰相物外作官員人力安如此天工恐未然赤心無此老黔首有誰憐武備嘗新物官裝只舊氍毹衛徵
氣象江漢濯清漣親炙今生幸趨承宿昔緣白駒當永繫黃鶴漫高齋匠巧材堪用醫良病可痊岐中常彩鳳洛下未聞
鶴長詠非無教清談妙入禪奇才誰與並儒雅更無先臣績熙三載皇威被八埏勤勞羣牧共信任九重專大力山能拔
真心海欲填滴看穿石溜投有斷流鞭須識無難事端因不自便精誠戈轉日機巧鉢生蓮西粵天涯遠南丹地角邊本
根叨庇蔭繁榮受旌旂各有從軍志慚無餉役錢恩難忘北關晉共障東川麟關遠思漢金台且築燕担如能負荷耐敢
望嘉籙定亂期三箭歌百篇兵威當直立時價忽橫牽郢笛安能和塗鴉一幅箋

題中河拱橋

莫甫芝

四面山光接水光中河橋拱不尋常頻催野老驚初月幾度勞神伴曉霜此日落成真穩便當年砌石費心腸參天化育
工程浩到底伊誰作主張

其二

尋常事業不堪誇此舉超然是也耶漫道經營浸雨露誰知結構伴烟霞雙雙宛若金鰲背落落渾如鳥鶴香合志同謀

艱苦甚還欣大匠半心餘

題漢馬伏波寓此詩

忘名

龍韜豹畧著功傳，寓此專圖誌姓綿。境險林深容甲馬，山高水淺遇軍賢。南郊玉嶼輝河漢，邊幅福威振瘴烟。人去碑存清士覽，漢來刊字半山懸。

題三妹山詩

覃卓類

幾重青嶂翠微間，千古佳名三妹山。芳草春深裙共綠，冰輪秋夜鏡常閑。每當柳碧舒前眼，並帶雲歸整小鬟。華嶽峯頭應有伴，風姨寄語幾時還。

題莫醉經小桃源序

韋繼新

仙源開在最高山，古洞紆徐路幾彎。望月庭開紅楹讀，書人在白雲端拚放木石千金役。買後林泉一字開，百慮憑欄應忘却倦飛。惟愛鳥知還。

其二

古洞千秋頃刻新，烟霞共享太平春。暫爲岩穴之間客，自謂羲皇以上人。清境雅宜歌白雪，長年飛不到紅塵。仙緣笑我非漁父，寬勝猶思一問津。

清宣統辛亥夏，馴洛鄉白焚苗村坡崩水淹八家，只剩一兒，深堪惘惘。

宜北縣志

一四七

感 囑

貢生韋書囊

湯湯洪水電滔天報到苗民甚可憐屋倒人亡歸大海山崩地裂改桑田生來八字何乖命沒去一村共劫緣世奉祖宗
無歛享剩兒自見拜牛眠

步 和

貢生韋豹裘

天道難憑漫問天豈焚死事甚堪憐苦遭暴雨山崩石湧起洪濤水破田一族弟兄嗟浩劫全村男女絕姻緣何辜亡去
人多命那肯泉台瞑目眠

步 和

附生莫子榮

豈焚慘被禍彌天土覆人亡大可憐頓使鄉村為水府竟同滄海變桑田八家淹斃無從救孤子逃生有幸緣過客停車
增感慨白雲悵望不成眠

依 和

循生英卓魁

大雨連綿數十天天心何忍不民憐不衝巨浪山和地土覆豈焚人共田深痛八家奚罪孽各存一子繼祚緣囑今擇處
當明鑒莫效豈焚亂枕眠

依 和

夢遭淹沒水連天死者無知生者憐昏墊下民誰掘地放開弱幼使畊田魚腸鱷腹埋仙骨犬吠雞鳴斷俗緣幸有深仁

劉不盡黃泉台下剩孤眠

贈蒙達材公選授潯洲府儒學正堂二律

韋豹裘

鸞詔頒來第一名，潯陽竊喜振金聲。十年經學研明晰，一旦官階慶顯榮。雲雨龍蛟翻汲浪，春風桃李滿江城。遙知子弟
遵師範勝俟朝廷待命卿

其二

潯江美缺素稱名，幸整官裝始一行。莫訝山河重起色，果然花鳥倍多情。春風化雨堪同坐，玉振金聲仰大成。官路倘能
蒙附驥，鵠堂班列慰平生

光緒三十年東蘭廖幫帶訓法奉令剿匪到宜北中里吟詩一律

頻年戎馬困風塵，到此停驂話夙因。新友面交新友面，故鄉人過故鄉人。談兵愧我非能將，題句推君早報春。但願同心
敦世好，撥開雲霧氣還伸

步和原韻

縱無物色賞風塵，何幸今朝結夙因。纔荷辱臨三里地，旋蒙認作一鄉人。數年細雨落炎夏，一旦鶯花慶早春。此路得君
來保障，萬家冤屈料能伸

廖大人疊吟在宜過年

廖生廖訓法

宜北縣志

一四九

腊鼓吹來不斷聲他鄉作客勸思情缺衣與食誰將借別子離孫爲遠征身入柳營勞汗馬恩波楓殿聽春鶯冬寒冷
休生怨雲霧撥開見月明

步和原韻

章豹裘

夜夜營門鼓鼓聲吾儕傍聽尙忘情要思伐魏應終局豈久平蠻不遠征烟柳營中勞汗馬宸楓林上看選鶯大才用
君須記輔漢除非一孔明

題下料村前二峯二首

章繼新

三峯巖列鎖溪邊繞繞層巒淡霽烟無脉過來無脉去一重纔斷一重連初疑玉笋抽平地誰把遙斂刺遠天五老如何
堪着筆對山欲問李青蓮

其二

誰將杜甫插山巔簪秀三峯象萬千孤月浮天頭上照羣星渡漢頂中懸烟爲行帽春秋帶箬作紅纓日夜穿想是華陽
歸馬後將軍冠掛水雲邊

廖大人訓法題中里八景

山形姊妹拔中洲魚躍鴉灘水逆流喜見春瀾東渡口閒看鎖鑰北岩樓馬鞍人倚行千里獅子峯高冠九州無數朝烟
迷嶺仙橋得路任遨遊

其二

中洲山水冠環江更有名山遠近揚未聞先賢留筆跡幸從今日寫詩章風流刻畫難如畫形勢非常妙異常觸目生情
吟俚句令人拍案喜欲狂

宜北於民國十八年兵匪交至抽米捐銀人民不堪其苦有感而作

莫子榮

去去來來滿縣城一年幾次客官兵征途後隊追前隊民屋新營接舊營炮响鬼神偏擺魄旗飛草木盡知名收糧捐米
供軍餉百姓不堪苦慘情

其二

前部征收尙未清後來佈告又催征螞蝗苦被兩邊咬鴻雁哀聞四野鳴東酒西漿嗟告匱南箕北斗師行糧食古來有
天實爲之莫怨聲

七言絕句翻譯體歌

章繼新

- 一、鳥比翼分樹連枝妾與君分安可離身雖遠心常近風馬奔兮雲車馳
- 二、絲與羅兮兩纏綿蝶與蝶兮共翩翩鴛與鴦兮同生死妾與君兮何不然
- 三、人生何似林中花一開一落感物華安得花開終不落四時灼灼光紫霞
- 四、花開既愛花滿枝花落復喜滿天飛花開花落俱多事樹若無花未必非
- 五、鶴在青桐鳳在梧小姑居處嘆無夫人間兩美終須合相待其如海欲枯
- 六、到手明珠自棄捐好花落盡復情牽每思怪怪人間事作合由來總自天

- 七、昨夜燈前妾掩羞對郎顰重訴閑愁早知郎意多輕薄借問今朝尙記否
- 八、綺語嬌聲最有情滿庭嚙嚙鳴新鴛也知美意宜傾聽儂自生愁多不清
- 九、如弓如鏡復如娥對月懷人羨素娥畢竟年年天上月團圓時少缺時多
- 十、羨花賞日同把酒花香在衣月在手阿儂見月倚思君知君見月思儂否
- 十一、當時月下美人來美人明月共徘徊會與美人月下別至今見月最傷懷
- 十二、飢渴思君與君會不幾時君返旆江頭佇立遙望君孤帆漸沒斜陽外
- 十三、介子牛鳴長鳥語情通異類不差訛情致纏綿同厚意蠻兒翻作漢兒歌
- 十四、愛君別君最念君思君安可說君知一月思君三十日一日思君十二時

丁憂卸任留別四首

縣長麥應榮廣東人

捧檄欣然計已差何堪親在遠離家前村忽覩南星隕此日剛逢朔雪加凄絕晚風吹不息思來故里望偏除憲恩浩蕩
矜存沒准代先期到及瓜浮雲蹤跡宦爲家指點中州駐客車弭盜難希冀渤海悲時誰信賈長沙瘡痍滿目慚無補憂
樂關懷願轉奢積有元戎新駐節四郊應種好桑麻記昔文淵駐此舟半年萍跡許勾留緣真不淺才偏淺學未能優仕
豈後戶有驚瀛應下考野無馴雉媿中弁浮沉宦海將何補轉幸風帆得早收驪歌唱到別離聲久住黃鸝若有惜去那
尚頰河內借歸裝休笑越中輕查覆日蹉懷人感綠水青山送客行寄語扳轅諸父老不須惆悵問前程

敬依元韻步和

莫子榮

仕計榮親念豈差英雄爲國以忘家鞠躬本欲勛名著轉瞬誰知計報加鶴俸頻頻傷迫切鵲啼悵聽望仍餘忠臣卽孝子門出何患及期不有瓜生佛纔開頰萬家端因甘雨早隨車狴犴仰見懸形獄鬼域全消射影沙南極三更輝忽歿東雲一旦驟偏奪琴堂解組移新令脫却朝衣換着麻訪聞馬首向東州臥轍扳轅不可留幾對甘棠思德厚空看芻豢沐恩優而今忽別明公訓此後誰能貽我弁惟幸青天重見日瘴烟滿目一時收白駒空谷聽傳聲南浦廷君那盡情宜北民常星斗望粵東公去雪山輕眼無隨淚遺碑在惟有輓歌作餞行再會天緣如有分重將竹馬待前程

省視學員重到宜北留別四首

視學員李蘇同

萬山馳驟馬蹄紅三載重來百感中綠鬚自慚非昔比青峯猶覺與前同相看兒已多成長紛說儂曾見是翁一例奚奴隨拾句滿囊詩料我家風龍門令範蔡邕才足跡遑然倒屣來雅愛何休時列席更欣趙德日登台反三我欲同會孔知十何人敢望同最是王郎新畫筆輕將淡抹百花門誰將桃李種連村花滿河陽酒滿尊勉學有人思孟母育才無處覓培根膠庠廣闊遠文郡弟子從遊類孔門行看他年收美果家家十哲國之藩一聲驪唱又登軍多謝行歌遠送余花錦前途期共勉輶軒使者愧空居參軍疊語誰吾與七子才華我不如蜀道至今行未了不知何處是雲衢

依韻步和二首

莫子榮

重勸植桃滿縣紅爭花淑氣透窓中新章要把舊章換小邑勉爲大邑同朋訂書原尊孔子增開校又賴文翁月將日就

三千輩共拜春官滿座風前身合是謫仙才何幸惠然又肯來統勉全堂修竹簡勸君開廚置蘭台羹藟慕切堯於舜問
答欣如孔訓回塵拂清談都盡致一朝民智妙天開

贊李縣長志公建築縣府明園落成

莫桂五

(一)明園設備好盤旋，愛樂與民同後先，播草新生能指佞，琪花勝賞妙神仙，辦公暇日談苗圃，解唱歌風
撫管絃，金谷來遊妨罰酒，燃鬚得句付鸞箋。


(二)明園苗圃設西東，不惜先勞提倡功，酌黍召棠宜播種，潘桃張麥現榮茸，救貧濟苦猶時雨，敦俗勸農
邁古風，父母重聞逢召杜，謳歌載道頌恩宏。

莫桂五

恭祝李縣長志公得嗣子

(一)嗣星耀彩映琴堂，喜報傳喧產令卽，公種生公繩祖武，相門有相紹書香，周南麟趾堪持贈，宜北輩聲
藉大光，李母長庚重叶夢：開潭雀躍樂無疆。

(二)脫簪助治計多春，到此楊生芝葉新，論貌本稱金鸞薦，試啼確是石麒麟，祁綏仁宰行仁政，故有可兒
慰可人，命帶三奇六乙貴，前程穩卜別羣倫。

A decorative rectangular border with intricate floral and scrollwork patterns, framing the central text.

第八編

雜記

軼聞

清嘉慶年間有一客人流落到治安鄉改名換姓假充乞丐住宿廟宇當時貢生韋體謙在鄉教館所出文詩對各題目客代學生擬答文詞高雅字墨非凡教師驚訝逼請學生誰替撰作學生以實對教師再出對云「樹大根深不宿無毛之鳥」學生送去客隨答云「河狹水淺難藏有角之龍」方知其不凡遂敦請進館以客禮優待叩其姓名自說曰姓王名光遠從此交情日厚成爲相知嗣從王氏之應酬文詩集成巨帙因代遠年湮損失無存

清嘉慶年間有一客人名曰葉成芳不知籍貫並帶女孩一口隨來此地幫人傭工精於地理後爲地方所信用嗣有治安鄉板仁村梁上達請其擇地葬父將臨葬時葉先生囑云俟我過均方可下墓詎上達不依師言立即將棺葬下葉過河未登彼岸河水暴漲竟被溺斃屍身隨流到板廟渡口爲舟子撈起葬在板廟村頭其墓在焉

清同治年間才帛村有巧人名曰莫廣料者平生善於巧計戲謔多端當年因事被控縣差傳提差抵其家百般威嚇廣料憤極乃設局套騙差於頭夜熬成牛皮膠凍俟冷切塊次早和米粉拌勻詐爲米粉放入飯內置於灶上對差云我往鄰家携酒請煩代炊并給炒熟玉米一二撮以拌口悶差信以爲然一在客室橫榻吹烟一在灶門折薪舉火并吃玉米口不絕嚼逾時廣料携酒瓶返甌中盛水見差尙在灶門整火問肉蒸熟否詎意膠凍一遇熱氣必溶化爲水揭開甌蓋飯中一無所有廣料詐怒肉爲爾一人吃盡粟酒何用途將酒瓶擲碎水流滿成與差大鬧一場烟差在床上大吼亦云難怪其在灶口咀嚼有聲乃私吃肉也大罵不休其差叫屈連天關至官廣料理勝而差負也

清嘉慶庚午年治安鄉雅龍村農戶韋懷剛家人見天星流入其屋又有鷓鴣飛入其庭遂生一男兒相貌魁梧聰敏過人名曰韋繼新平生勤學不輟詩策歌賦高壓羣倫每逢考試皆名列榜首應鄉試中第九名舉人檄委浙江錢塘縣缺未赴任尚在思恩縣城掌教環江書院因苗匪破城爲匪所害迴憶將誕生時鷓鴣棲庭又飛到田洞被一土人槍射而亡後公在思恩城遇害恰應其兆惜哉

異聞

清道光年間城廂鄉李花村有一少年名曰莫德慶者在生陰靈顯聖其孀三峯村下料里莫往孀家次日忽雨如注河漲奔騰人莫能渡莫告歸姐以河漲難涉阻之其不以爲然整屣而返其姐心慌送之河畔更阻其勿爾莫曰無妨乃手執白巾向河一招遂變成橋樑信步而行過抵對岸橋化鳥有姐嘆曰此人乃神非吾弟也回抵家時卽刻坐化厥後大顯神靈神名曰莫大聖靈于其母有一大坵田在李花田洞其田水常被偷開母泣田女嫁兒亡老獨被人欺甚設田乾禾枯我將何以爲生兒如有靈陰爲照願翌晨復有盜水者偷其田水而盜者之手遂被拴執緊不能動坐於田畦久之家人往視方知其盜水被神壓住乃宰豬供祭當筵宣悔不敢復爾其手得釋而歸自此永無敢盜其母之田水者嗣有同村貢生莫汝漢應慶遠府太守汪宗海之聘爲幕賓談叙此事王太守贈封佑民顯聖四字匾額釘之廟門民間有所祈求甚爲靈驗至今鄉人尤爲敬奉香烟不絕

清同治年間道安鄉永福村中段甲韋紹隆之母韋氏年六十歲於夜三更時飛身從窓櫺出到山岩間摘食木葉充飢其坐岩口能見人往來別人却不見形過得二十八日仍還家與昔無異後加壽二十年而終

道安鄉永安村末畧甲崖天福白晝身飛入岩父母尋之不見七日而歸敘岩間龍樓鳳閣奇形怪相又經多日飯不沾唇而卒顏色如生

清道光年間永權村江色甲有蒙鞏印一名身軀高大勇力過人每飯非十餘斤不飽酒肉亦然時入山伐木作舟巨材笨重偶墮井中衆拖不出蒙以手牽毫不費力衆大悅又一日其岳家搬木造屋煮飯五斗蒙獨一人停口吃盡衆皆笑其多食當運木料時或兩人一條或四人一柱喘息不止蒙亦笑衆無能乃將大柱細束四根爲担挑之回家如尋常然衆皆吐舌稱讚勇力無匹

道安鄉永權村肯谷甲有岩飛潭水深難盪時有鑼鼓自鳴時人傳爲水神宮清道光間七月七日有美女二人顏容如玉由潭邊走出趕墟異於常人至晚沿途而歸有慕香男子唱歌獻送比至潭邊下水而去遺帽二頂拾起視乃二木葉耳始知其爲水中神女也

清同治年間中和鄉學強村強洞里有莫老記平生操木匠業人頗誠實其子阿記年十餘歲被虎噬斃其父去別村做工至夜未歸老虎必至工作處候接夜夜如是回至村邊虎仍向山中而去人見而畏獨其父不懼以其亡兒靈魂顯形凡遠村夜不能歸者請其作工俱辭不去以爲住宿隔宵有虎伴住惹人厭惡後人欲射虎其父極力阻止以不忍傷其兒魂也虎伴夜行屢屢如是至其父去世而止清咸豐癸丑年崇興鄉中里八墟一帶有烏鴉飛千萬成羣次年甲寅遂有匪幫聚至竄擾鄉中民國十二年又有鸚鵡數千飛集滿地是年大幫股匪雲集

民國十七年崇興鄉安山南平村前大河深潭正月初七日忽現巨魚一條長二丈餘錦鱗輝煌光彩奪目并有無數小

魚擁護出現初七八兩早而隱只有鄉長韋茂松及一工人所見不久遂有紅軍數千人到境韋被紅匪所害工人亦於飲酒後棄世想此以二人見此巨魚皆不祥之兆也

災異

水災：清宣統末年辛亥六月十八日雷雨經旬水勢滔天永安河忽有蛟龍橫塞河道洪水橫流淹沒下城江色兩村

房屋倒塌至數十家趙縣長紹曾親臨勸踏給撫卹金壹百元救濟難民

民國三年六月朔樂鄉長北村邑焚苗村忽然地陷變成滄海民戶七家二十餘丁口盡歸馮夷澤國僅存孩子

三人不死真乃天之不絕人後也邑中人士多有作詩追悼（見詩部）

民國十三年六月雷雨連綿經旬餘河水泛濫惡浪奔騰左右兩江河岸田畝被水冲壞不計其數民間經將

灾情呈報上憲蠲免糧賦又民國十八年五月淫雨連旬河水陡漲淹沒人畜甚多

火災：民國十七年才院村莫有才因烹飪不慎失火燒房累及全村四十餘家有才身為火化僅餘一肺慘哉

民國十八年二月微洞寨茅屋三十戶被火焚燒貨物谷米牲畜付之一炬因此糾紛互訟至官數月始決大學

上村亦被火災延數十家損失不少民國十九年道安鄉永安村因過路人放火燒山火因風起炎焰冲天延燒

民間三個山寨貨物谷米牲畜變成灰燼損失浩大

旱災：清道光庚辰辛巳旱魃為虐兩年不雨五谷無收米貴如珍人民餓殍死相枕藉又光緒二十七年庚子由六月

至十月驟陽烈日不見雲雨禾苗枯死十之八九次年米價昂貴每洋壹元買米十斤人民餓死不計其數民國

十四年五月至九月無雨五谷失收加之紅頭軍數萬人過境米無存粒每洋壹元買米僅得三斤嘗往鄰縣三防苗山販運而來方館稍有救濟人民死於饑餓白骨滿郊樹皮草根挖食殆盡誠空前未見之浩劫良深浩歎

雹灾：清光緒二十四年七月十四日雹下如注打壞民房牲畜不計其數又民國三年申寅三月十四夜雹降滿地木

石拆崩又民國二十年辛未四月風雹驟至大樹拆拔民房損壞

風灾：民國二十四年乙亥八月十五夜狂風大作月色無光田禾被風吹壞滿河槁死俗語說「禾葉青青未足憑年逢灾變也驚人」誠不謬也

蝗灾：清光緒二十五年蝗蟲四起蝕盡禾心噴噴有聲其年歉收大受饑餓又民國二十一年蝗蟲滿田禾苗受損是年僅得半收

地震：宣統末年辛亥六月十八日岵焚村地陷全村淹沒僅餘三子民國二十五年丙子三月晚間貓鼻小村地震盧

老于一家隨地移動推下數百步之遠次晨醒起方知遇變幸舉家人口安全

疫癘：清光緒二十九年壬寅發生霍亂症流傳甚速是年死人甚夥滅絕火煙者不計其數俗稱「陰劫」約半年之久方能平息

匪灾：清光緒壬寅癸卯年間匪幫符運新攻破才院村敢生岩縱火焚燒村民在內死難八十餘人貨物不計其數三

里五洞喇駐永安各處被匪燒殺擄亦指不勝屈

次年治安鄉殘洞白山梁板仁下料板邦等村均被焚劫損失不知凡幾

自民國十年起至二十一年止在十年當中全縣被匪燒殺劫擄上下皆然真所謂罄竹難書也自二十一年以後匪黨消滅地方平靖農工商學各安其業悉由於廣西領袖李自總副司令及黃主席辦理民團組織民衆訓練民衆所得之效果也認歎盛哉

中華民國二十六年丁丑二月二十日 編

